

حزب عدلیہ

نومبر ۱۰۸

۲۰ مایس ۱۳۳۲

۵ رجب

دو جی۔

صالی

قائمہ سرکاری

نوجہرات عدلیہ

عدلیہ نظارتی ہیأت تفتیشیہ ریاستہ انکلتراہ ارباب حقوقندن موسیو اورم بیقلاند قلا رفق بر موجب
مقاولہ اجرای مأموریتی مجلس وکلا قراریہ تنسیب ایدلشد .
بوارادہ سنہ نك اجرا سنہ عدلیہ ناظری مأموردر .

۱۵ جادی الاخر سنہ ۳۳۲ و ۲۸ نیشان سنہ ۳۳۰

محمد رشاد

برہ ناظری	عدلیہ ناظری	حزب ناظری	شیخ الاسلام و اوقاف ہایون ناظری	صدر اعظم و خارجہ ناظری
احمد جمال	ابراہیم	انور پاشا*	خیری	محمد سعید
معارف ناظری	تجارت و زراعت ناظری	نافعہ ناظری	شورای دولت رئیس	مالیہ ناظری و داخلہ ناظر و کیلی
پوسٹہ و تلغراف و تلفون ناظری				
اوسقان**				

در سعادت استیناف محکمہ سی اعضاسندن صالح افندینک عزلیلہ یرینہ بک اوغلی بدایت محکمہ سی
ایکنجی جزا دائرہ سی رئیس شوکت و بک اوغلی بدایت محکمہ سی ایکنجی جزا دائرہ سی ریاستہ در سعادت

* انقرہ دہ، ** حلب دہ

بدایت محکمه سی اعضا سندن حاجی ابراهیم و در سعادت بدایت محکمه سی اعضا غنه محکمه مذکورہ مستنطق اعضا سندن رشید و در سعادت بدایت محکمه سی مستنطق اعضا غنه محکمه تمیز باش مدعی عمومی معاونان سندن کمال و در سعادت استیناف محکمه سی اعضا سندن عبدالرحمن طلعت افندینک دخی عزلیله یرینه متعدد نیابت و ریاستی مسبق اولان دائره مشیخت مکتوبی سابق صبحی افندی و بکر نقل و تعیین ایداشلردر .
بو اراده سینه نک اجراسنه عدلیه ناظری مأمورد .

۱۸ جمادی الاخره سنه ۳۳۲ و ۱ مایس سنه ۳۳۰

محمد رشاد

عدلیه ناظری
ابراهیم
صدراعظم
محمد سعید

* *

منحل اولان محکمه تمیز باش مدعی عمومی ملک معاونا لکریه شورای دولت ملغا تمیز محکمه سی مدعی عمومی الهامی و ادرنه ولایتی مرکز سنجانی استیناف محکمه سی اعضا غندن مستغنی در سعادت و پارس حقوق مکتبلرندن مأذون ایساق فره را و قسطنونی ولایتی عدلیه مفتش معاونی فوآد و در سعادت استیناف مدعی عمومی معاونا لکریه در سعادت و پارس حقوق مکتبلرندن مأذون به الدین و بک اوغلی بدایت محکمه سی مدعی عمومی ملک باش معاونی راغب و بک اوغلی بدایت محکمه سی مدعی عمومی ملک معاونا لکریه دیوان تمیز عسکری میز لرندن و در سعادت حقوق مکتبی علی الاعلی درجه مأذون لرندن نجاتی و در سعادت بدایت محکمه سی اعضا ملازملرندن توفیق افندینک مدت خدمتی قرق بش سنه یرسیده اولسندن طولانی تقاعده سوقیله یرینه عدلیه نظارتی مذاهب قلمی ایکمنجی صنف خلفا سندن و در سعادت حقوق مکتبی علی الاعلی درجه مأذون لرندن عباد بک و افندی لر نقل و تعیین اولمشلردر .

بو اراده سینه نک اجراسنه عدلیه ناظری مأمورد .

۱۸ جمادی الاخره سنه ۳۳۲ و ۱ مایس سنه ۳۳۰

محمد رشاد

عدلیه ناظری
ابراهیم
صدراعظم
محمد سعید

* *

بتلیس ولایتی استیناف محکمه سی ریاسته موصل ولایتی استیناف محکمه سی مدعی عمومی عطا و قدس شریف سنجانی استیناف محکمه سی اعضا غنه تعیین ایدیلن خلیل حلمی افندینک سرد اعذار ایله محل مأموریتنه عزیمتدن استسکافی حبسیله یرینه بیروت ولایتی پولیس مدیر و کیلی و ولایت مذکورہ مرکز بدایت محکمه سی مدعی عمومی معاون سابق مصطفی و انقره ولایتی استیناف محکمه سی اعضا سندن واسیلا کی

افندینک تقاعده سوقیله یرینه موصل ولایتی استیناف محکمه سی اعضا غندن مستغنی جورجی و حما سنجانی بدایت محکمه سی اعضا سندن حسن کتبی افندینک کذاک تقاعده سوقیله یرینه تحویل مأموریت استدعا سنده بولنان قیطره قضایی بدایت محکمه سی مدعی عمومی محمد و قیطره قضا بدایت محکمه سی مدعی عمومی ملک حص قضایی بدایت محکمه سی مدعی عمومی سابق علی ناجی و کاخنه قضایی بدایت محکمه سی مدعی عمومی ملک عدلیه نظارتی قلم مخصوص موظف ملازملرندن در سعادت مکتب حقوقدن علی الاعلی درجه ده مأذون علی رضا و صاسون قضایی بدایت محکمه سی مدعی عمومی ملک بصره ولایتی استیناف محکمه سی اعضا ملازملرندن مستغنی محمد توفیق و ملاطیه سنجانی بدایت محکمه سی مستنطق لکریه اووه حق قضایی بدایت محکمه سی مستنطق مؤمن و بایبورد قضایی بدایت محکمه سی مستنطق لکریه تحویل مأموریت استدعا سنده بولنان شیران قضایی بدایت محکمه سی مستنطق فخری و شیران قضایی بدایت محکمه سی مستنطق لکریه اینه بولی قضایی بدایت محکمه سی اعضا سندن ناظم و حکاری سنجانی بدایت محکمه سی مستنطق لکریه بتلیس ولایتی مرکز بدایت محکمه سی ملغا ایکمنجی مستنطق ابراهیم حق افندی لر نقل و تعیین اولمشلردر .

بو اراده سینه نک اجراسنه عدلیه ناظری مأمورد .

۱۸ جمادی الاخره سنه ۳۳۲ و ۱ مایس سنه ۳۳۰

محمد رشاد

عدلیه ناظری
ابراهیم
صدراعظم
محمد سعید

* *

لالا پاشا قضایی بدایت محکمه سی حاکمی فرید و حاکم معاونی عثمان نوری و مستنطق دیگر عثمان نوری افندی لر عزلیله قضای مذکور بدایت محکمه سی حاکم معاونا لکریه سجد سنجانی بدایت محکمه سی مدعی عمومی اولوب هنوز محل مأموریتنه عزیمت ایتیان بکر صدق و مستنطق لکریه ایدین ولایتی مرکز بدایت محکمه سی دردنجی مستنطق لکریه مأموریتنک لغوی حبسیله آچقده قالان حسین فهمی افندی لر تعیین اولمشلردر .
بو اراده سینه نک اجراسنه عدلیه ناظری مأمورد .

۲۲ جمادی الاخره ۱۳۳۲ ۵ مایس ۱۳۳۰

محمد رشاد

عدلیه ناظری
ابراهیم
صدراعظم
محمد سعید

* *

مقری کوی قضایی صلح حاکم لکریه در سعادت بدایت محکمه سی مدعی عمومی ملک باش معاونی فخرالدین و در سعادت بدایت محکمه سی مدعی عمومی ملک باش معاونا لکریه اسکدار بدایت محکمه سی مدعی عمومی ملک

باش معاونی صبری واسکدار بدایت محکمه سی مدعی عمومی ملک باش معاونت کنه بیروت ولایتی استیناف محکمه سی مدعی عمومی معاون اسبقی اولوب عدلیه نظارتی هیئت تفتیشیه سی باش کتابتده بولنان عونى بکتر نقل وتعیین اولمشلردر .

بواراده سینه نك اجراسنه عدلیه ناظری مأموردردر . ۲۵ جمادی الاخره سنه ۱۳۳۲ و ۸ مایس سنه ۱۳۳۰

تدوین

عدلیه ناظری
ابراهیم
صدراعظم
محمد سعید

قوانین و نظامات

اجرا قانون موقتی

اصطلاح عمومی بیانده در

ماده : ۱ بالجملة محاکم شرعیه و حقوقیه و تجاریه دن صادر اولان و محاکم جزایه دن ویریلوب حقوق شخصییه بی تضمن ایدن اعلاماتک و قوانین خصوصیه ایله تنفیذی اجرا دائره لرینه مودوع بولنان مقاولات و مقرراتک تنفیذ احکامی دوائر اجراییه به محولدر . محکومله استحصال ایلدیکی اعلاماتک اجرای حکمی بالعموم دوائر اجراییه دن سویاً طلب ایدیه بیلیر .

ماده : ۲ اجرا دائره لری مقررات اجراییه بی بر محکمه نك حکمنه حاجت اولمقسنزین رأساً اتخاذ ایدرلر . مقررات مذکوره دن متضرر اولان طرفک تحریراً سرد اعتراضه حق اولوب اعتراض واقع وارد کورلدیکی تقدیرده قرار مذکور تعدیل و تبدیل و رفع ایدیه بیلیر .

ماده : ۳ مقررات اجراییه دن طولانی استیناف و یا تمیز اولنه میوب متضرر اولان طرفک آنجق اشتکاء عن الحکام طریقله رئیس علیهنده مراجعه حق وارددر .

ماده : ۴ اجرا مأمورلری معاملات اجراییه دن طولانی دوائر رسمیه به اقتضای ایدن تبلیغاتی طوغریدن طوغری به ایفا ایدرلر .

ماده : ۵ معین برشیئتک تسلیمنی و یا یا پیلیمسنی و یا خود یا پیلیمسنی شامل اولمیان حکم اعلام اجرا اولنه ماز .

ماده : ۶ حکم اعلام واضح اولیوبده استیضاح ماده به حاجت کوریلیرسه اجرا مأموری قبل اجرا

او اعلامی ویرمش اولان محکمه دن طوغریدن طوغری به و تحریراً استیضاح ماده ایدر و بر محکمه نك حکمنه محتاج اولان ایلشیکدن طولانی محکمه به مراجعت ایللری لازم کلنلره تنبیه ایلر ؛ فقط بو ایلشیک حکم اعلاماتک واضح اولان و ایلشیک نتیجه حله متوقف بولمیان سائر جهتلرینک اجراسنی تأخیر ایدمهز .

ماده : ۷ اجرا مأموری بلاسبب قانونی بر اعلاماتک اجراسنی تأخیر ایدمهز ؛ آنجق اجرانک فی الحال جریاننه مانع اوله جق احوالک تحقیقده معاملات اجراییه بی مدت مناسبه ایله تأخیر ایدیه بیلیر .

ماده : ۸ دوائر اجراییه لازم الاجرا بر اعلام موجود اولدقچه معاملات اجراییه تشبث ایدمهز ؛ فقط آریجه اعلام استحصالنه حاجت اولمقسنزین تنفیذ ایدلمش قوانین و نظامات مخصوصه ده مصرح اولان خصوصیات مستثنا اولدینی کبی دوائر اجراییه به مبالغ مدعا بهی تکفل ایدن و یا حواله قبول ایله ین کسان ایله استیناف و تمیز کفیللری حقنده آریجه اعلام استحصالنه حاجت اولمقسنزین معاملات اجراییه تشبث اولنور .

ماده : ۹ اجرا دائره لری منسوب اولدقاری محاکم ریاست اولالرینه مربوطدرلر و محکمه رئیس اولی اجرا رئیسی عنوانی حائزدر .

ماده : ۱۰ اجرا مأمورلریله معاونلر و تحصیلدارلر نظامنامه مخصوص حکمنه توفیقاً کفالتنه ربط اولنورلر .

برنجی باب

اجرا رؤسا و مأمورلریله معاون و کتبه و مباشر و تحصیلدارلرک وظائف

قانونیه لری بیانده در

ماده : ۱۱ مدیونک نقود و اموالی اوزرینه مجز وضع وفکی و اموال مجبوزده نك فروختی و مدیونک حبس و عندالاقضا قوه جبریه استعمالنه صلاحیت اعطاسی اجرا رئیس لرینه عائددر .

ماده : ۱۲ اجرا مأمورلری دائره اجراییه تودیع اولنان اعلامات اوزرینه اخبارنامه تبلیغ و مدیونلردن تحصیل اولنان مبالغی داینه اعطا و رسوم تحصیلیه سنی استیفا کبی معاملات طوغریدن طوغری به و محتاج استیدان اولان خصوصاتی رئیسک امرینی آلدقندن صوکره ایفا ایدرلر .

ماده : ۱۳ دوائر اجراییه معاونلری و کتبه سی اوراق و ضوابط اجراییه بی تنظیم و اجرا رئیس و مأمورینک امر و تنسیبی دائره سننده دائره اجرانک معاملات قلمیه سنی ایفا و مجز و تخلیه و فروخت کبی معاملات تنفیذیه بی تطبیق و اجرا ایتکله مکلفدرلر .

ماده : ۱۴ اجرا مباشرلرینک وظیفه سی اعلاماتی و اجراییه متعلق تبلیغ اولنه جق هر نوع اوراق اصول محاکمه حقوقیه قانوننک مواد مخصوصه سننده محرر احکامه توفیقاً لازم کلنلره تبلیغ و اجراییه متعلق کافه معاملاتده اجرا رئیس و مأمورینک اوامرینی اجراییه واسطه اولمقدردر .

ماده : ۱۵ تحصیلدارلر دوائر حکومتدن اجرا اولسان معاش توقیفاتی ایله دینی مقسطاً تسویه ایتک اوزره صورت تسویه ازانه ایتش اولان مدیونلردن نمونه لری مطبوع بوردر و مقبوض مقابلنده تحصیلات اجرا و تحصیلات واقعه نی دائرة اجرایه تودیع ایله مکلفدرلر .

تحصیلدارلر مدیونلرک اسامیسی و تحصیلات واقعه لری مقدارینی مین بر دفتر طومغه مجبور اولوب لاقل آیده بر کره حسابلری رؤیت اولنق صورتیله معاملات تحصیلیه اجرا دائره سی طرفدن تفتیش آلتنده بولندیریه جقدر .

ماده : ۱۶ اجرا دائره لری مأمورلری ویا معاملات حقه کی شکایت دائره نک منسوب اولدینی رئیس عراض اولنور . شکایت واقعه اوزرینه اجرا رئیسک اتخاذ ایله جکی قراره اجرا مأمور و معاونلری تبعیه مجبوردر .

ماده : ۱۷ دوائر اجرایه مأمور و معاون و کتبه و مباشرلرینک ایفای وظیفه لرینه ممانعت و قوعنده ضابطه یه بالمراجعه ممانعت واقعه نی دفع و عندالحاجه قوه جبریه استعمالیه معاملات اجرایه نی اکیل ایلک ماذونیتی حائر اولدقلرینه دائر اجرا دائره سی مهریه مختوم یدلرینه امر تحریری ویریلیر . اشبو امر تحریری کندیسنه ابراز اولنان ضابطه مأمورلری مندرجاته کوره ایفای معاونته مأمور و مجبوردرلر ، عکس تقدیرده او ضابطه مأموری جزا قانوننده آمرک امرینی ایفاده قصور ایدن معیت مأموری حقه نی تعیین اولنان جزا ایله مجازات اولنور .

ماده : ۱۸ اجرا مأمور و معاون و مباشرلرینه ایفای وظیفه حالنده ممانعت ایدنلر حقه نی حرکات واقعه لرینک درجه سنه کوره جزا قانوننده معین اولان مجازات قانونیه ترتیب اولنه جفی کبی اشبو ممانعتدن طولای وقوع بوله جق ضرر و زیان دخی آیریجه تضمین ایتدیریلیر .

ایکینجی باب

شرائط اجرا و بوکا متعلق بعض مسائل بیاننده در

ماده : ۱۹ اجرای حکمی طلب اولنان اعلامک صادر اولدینی محکمه دن ویا تودیع ایدیه جکی اجرا دائره سندن محکوم علیه ویا مقامه قائم اولانلره تبلیغ ایدلش اولسی ایجاب ایدر . محاکم جزائییه دن حقوق شخصیه دائر ویریلن اعلامات وجاهیه ایله ایکی یوز الی غروشه قدر اولان دعاوی جزئییه حقه نی ویریلن اعلاماتدن طولای تبلیغ علم و خبری ابرازینه محل اولیوب شو قدرکه بوقیل دعاوی جزئییه حقه کی اعلامات علیه نی طرق قانونیه یه مراجعت ایده جکئی بیان ایدن محکوم علیه مناسب مهل اعطا اولنور .

ماده : ۲۰ محکوم علیه دائره اجرایه مراجعتله اعلامک کندیسنه تبلیغ ویا اخبارنامه تنظیمی خصوصاً لرندن صر نظر ایله موافقتی مین دائره اجرا ضبطنامه سی امضا ایدلیکی تقدیرده آیریجه اعلام و اخبارنامه تبلیغه محل قالمق سزین علی الاصول معاملات اجرایه یه دوام اولنه بیلور .

ماده : ۲۱ محکوم له تبلیغ علم و خبرینی ضایع ایلش بولندینی و محکوم علیه اعلامک کندیسنه تبلیغ ایدلیکئی مین ضبطنامه یه ویریه جک شرحی امضادن امتناع ایتدیکی صورتده دائره اجرا معرفتیه یکیدن تبلیغات ایفایی مجبوریدر .

ماده : ۲۲ اعلامات غیابه مدت اعتراض و اعلامات و جاهیه استیناف و تمیز مدت لری ظرفنده دخی قابل اجرا اولوب شو قدرکه اعتراض و استیناف ایدلیکئی مین علم و خبر ابراز اولوندینی صورتده اجرانک تأخیری لازم کلیر .

ماده : ۲۳ نفس عقاره متعلق خصوصاتده یالکیز تمیز دعوی و قوعنه دائر استحصال ایدیه جک علم و خبر اوزرینه اجرانک تأخیری ایجاب ایدلیکی کبی نفس عقاره متعلق اولیان خصوصاتده استحصال اولنه جق بو قیل علم و خبرلر ایله تأخیر اجرایه قرار ویرلیدیکی آیریجه ذکر ایدلیکی صورتده ینه اجرانک تأخیری لازم کلیر .

ماده : ۲۴ حقوق شخصیه یی تضمن ایدن اعلامات جزائییه کسب قطعی ایتدیکی اکلاشلمدقچه قابل اجرا دکلدر .

ماده : ۲۵ موقع اجرایه بولنان بر اعلام اوزرینه اعتراضاً و استینافاً ویا تمیزاً دیگر بر قرار صادر اولدینی تقدیرده معاملات اجرایه نک اعلام اخیره کوره دوام و انتاجی ضمننده اعلام مذکورک دخی محکوم له طرفندن علی الاصول دائره اجرایه تودیع ایدلش اولسی ایجاب ایدر .

ماده : ۲۶ اجرای موقتی حاوی اعلاماتک عادیاً اجرایی طلب اولوندینی حالده کفالت اخذینه محل اولیوب شو قدرکه حکم واقع علیه نی طرق قانونیه یه مراجعت اولوندینی مین علم و خبر ابرازی حالنده محکوم له طرفندن حکم اعلام وجهله کفالت ارئه اولندقچه اجرایه دوام اولنه ماز .

ماده : ۲۷ اجرای موقت حکمی حاوی اعلاماتک فسخ ویا نقض ایدلیکئی مین دیگر بر اعلام ابراز ایدلیکی ویا استیناف محکمه سنجه اجرای موقت قراری رفع ویا دیگر بر محکمه جه اجرانک تأخیری حقه نی بر قرار اتخاذ اولندینی صورتده تأخیر اجرایی جائز اوله ماز .

ماده : ۲۸ محکوم علیه طرفندن ابراز اولنوب مواد سابقه حکمنجه تأخیر اجرایی مستلزم کوریلن اوراق اوزرینه معاملات اجرایه نک علی حاله اقباسی لازم کلوب نتیجه محاکمه ده استحصال اولنان اعلام علی الاصول دائره اجرایه تودیع اولندقچه اجرایه تکرار دوام اولنه ماز .

ماده : ۲۹ تأخیر اجرایی متضمن اوراقک ابرازندن مقدم جریان ایدن معاملات اجرایه نک اعاده سی دخی اقتضا ایتیموب مدیونک اموالی تحت حجزه آلتش اولدینی صورتده اموال محجوزه نتیجه محاکمه یه دکن علی حاله محجوزاً ترک و ابقا اولنور ؛ شو قدرکه اموال مذکورک نتیجه محاکمه یه دکن محافظه سنده ضرر بولندینی و مدیون طرفندن دینه سائر صورتله کفالت ویا تأمینات کوسه تریه مدیکی صورتده اجرا

رئیسك امریه فروخت اولنه رق ائمانی حفظ ایدیله بیلیر. مدیونك اموالنه حجز وضعی استلزام ایدن اعلامك فسخ ویا نقض اولوندی مدیون طرفندن ابراز اولنه حق دیگر بر اعلام ایله اكلاشلیدی صورتده داننه علی الاصول اخبارنامه تبلیغ اولنه رق ایکنجی اعلام اوزربنه تکرار محکمه یه مراجعت ایدلیکنی اثبات ایده مدیکي تقدیرده حجز موضوع فك ویا بدل مذکور اصل اعلامده مدیون عداولتان کیمسه یه اعطا اولنور. ماده : ۳۰ هنوز اکتساب قطعیته ایتمه مش اولان اعلامك تبلیغندن صوکره ویا اجرایی ائناسنده محکوم علیه وفاتی وقوعنده اعلام مذکورك متوفانك ترکیبی و تقسیمی حالنده هر برینك مأخوذاً مقدارندن مسؤل اولق اورده وره سی علیه اجرایی ضمیمه اعلام مذکورك علی الاصول تبلیغی لازم کلیر. اکتساب قطعیته ایتش اولان بو قیل اعلاماتك یکیدن تبلیغه محل اولیوب حکم اعلامك علیه اجرایی طلب اولتان وره یه اخبارنامه تبلیغی کفایت ایدر.

ماده : ۳۱ محکوم علیه وفاتندن صوکره اعلامك وره سی علیه اجراییه تشبث ایدلیکی ائناده وره ترکیه وضع یدینی کاملاً ویا قسماً انکار ایدلیکی و کیفیت اوراق رسمیه ایله اثبات اولنه میوب متوفانك اموالی دخی میدانده موجود بولندی صورتده دأن وره نك ترکیه وضع یدینی علی الاصول محکمه عائدسند اثبات واعلام استحصال ایتمه مجبوردر.

ماده : ۳۲ محکوم به دینی ادا ایتکسزین وفاتی وقوعه کن مدیونك اموال متروکسندن ویا محاکم شرعیه جه دردست تحریر بولتان ترکه لردن استیفای مطلوب ایدیله بیلیمسی ایچون اول امرده دأنك بولندی محل محکمه سنجه یمن استظهار اجرایی لازم کلیر.

ماده : ۳۳ لازم الاجرا بر اعلامه استناداً صغار و سائر نك محاکم شرعیه ده موجود اموالندن دخی استیفای مطلوب اولنه بیلیر. اعلام نظامینك طرق قانونیه خارجنده آریجه تدقیقه محل یوقدر.

ماده : ۳۴ حکمی تماماً اجرا ایدلش اولان اعلامات عندالاعتراض جرح و ابطالی ویا مافوق محکمه سندن فسخ ویا نقض اولنه رق محکوم لهك قسماً ویا تماماً حقسزلغنی متضمن دیگر بر اعلام صدور وکسب قطعیته ایتش اولدی تقدیرده معاملات اجراییه حال سابقه اعاده اولنور. بونك ایچون یکیدن حکمه حاجت یوقدر.

ماده : ۳۵ مدیون یدنده بولتان اعلامی ابراز ایله دین محکوم بهی ودیعه صورتیله دأثره اجراییه تودیع ایده بیلیر وواآدن اعتباراً تودیع ایدیلن قسمك فاضی منقطع اولور.

ماده : ۳۶ دین محکوم بهه محسوباً بعدالحکم ویا دأثره اجرا خارجنده تسلیات و صلح و ابرا وقوعی حقنده درمیان اولنه حق مدعیات دأن طرفندن انکار اولندی تقدیرده اجرا مأموری مدعیات مذکور نك دلائل ثبوتیه سنی طلب ایدر. دفع واقع ثابت اوله حق ماهیته کوریلور ایسه مکمه عائدسند مراجعت

ایتمك اوزره محکوم علیه مناسب بر مدت مهل ویریلیر. بو مدت ظرفنده محکمه یه مراجعت ایدلیکی ثابت اولور ایسه نتیجه محاکمه یه قدر معاملات اجراییه بولندی نقطه ده ترك اولنور.

اوچنجی باب

اصول اجرا حقنده در

ماده : ۳۷ اجرای حکمی طلب اولسان اعلامات آریجه عرفحال اعطاسنه حاجت اولقسزین طوغریدن طوغری یه اجرا دأثره سنده تودیع اولنوب تودیعی متعاقب دفتر مخصوصه قید اولنه رق مستدعی یه قید نومرو سنی میان علم و خبر اعطا اولنور.

دأثره اجراییه مودوع اعلاماتك صره نومروسی آلتنده بر دوسیه تشکیل ایتك اوزره ضبطنامه سی تنظیم ایدیلوب اول امرده محکوم لهك حکم اعلامك اجرایی حقنده کی طلبی درج اولنه رق زیری امضا ایتدیریه جکی کبی اعلامك تاریخ و نومروسی و خلاصه حکمی و هانکی محکمه دن ویرلیدی و طرفینك اسم و شهرتی و اعلامك و مدیونه کوندریه جك اخبارنامه نك تاریخ تبلیغی قید و املا و معاملات متعاقبه اجراییه ایله دأثره اجرا جه اتخاذ اولنه حق بالجمله مقررات صره سیله درج اولنور. اعلامك اجرای حکمی استدعای مخصوص ایله طلب اولندی صورتده ضبطنامه نك آریجه محکوم لهه امضا ایتدیرلسی اقتضا ایتمز.

ماده : ۳۸ محکوم به مواد عادی دن ایسه برهفته و تلف و ضایعی محتمل اولان اشیا تسلیمی کبی مواد مستعجله دن ایسه یکریمی درت ساعت ظرفنده حکم اعلامی بالرضا ایفا و تأخیرینی مستلزم اعتراضی اولدی صورتده بیان ایلسی اجرا دأثره سی مهریله مختوم اخبارنامه ایله محکوم علیه اخبار اولنور.

اشبو اخبارنامه ده محکوم لهه و محکوم علیه اسم و شهرت و افامتکاهی و اعلامی ویرن محکمه نك اسمی و محکوم بهك جنسی و مقداری دخی آریجه مندرج بولنق لازم کلیر و مدیونه ویریلن مهل اخبارنامه نك تاریخ تبلیغندن اعتبار اولنور، محکوم علیه کندیسنه تبلیغ ایدیلن اخبارنامه مدتی خارجنده آریجه امهالی حقنده کی طلبی سبب مشروعه مستند اولدی دأثره اجراییه قناعت بخش صورتده اثبات ایدلیکی تقدیرده اولدجه مسموع دکدر. بر اعلامك اجرای موقت حکمی حاوی بولسی مواد مستعجله دن عدینی استلزام ایتمز.

ماده : ۳۹ مدیونه تبلیغ اولتان اخبارنامه نك مدت قانونیه سنك مرورندن مقدم اموال غیر منقوله سنك و مدیونك اموالی قاجیر مقده اموال منقوله سنك دخی حجزی جائزدر.

ماده : ۴۰ محکوم علیه معلوم بر اقامتکاهی اولدی و کندیسی دخی میدانده بولندی تقدیرده بر ماه ظرفنده اثبات وجود ایتسی و بو مدت ظرفنده اثبات وجود ایتدیکی تقدیرده معاملات اجراییه تشبث اولنه جغه دأثر اجرا رئیسك قراریه تنظیم اولنه حق اعلان ورقه سی دأثره اجرا دیوانخانه سنده ویرنسخه سی

مديونك اولجه اقامت ايلديكي محلك مناسب بر موقعه تعليق واوراق حواذنه درج ايتديريهرك اصوله توفيقاً اعلان اولنور . مدت مذكوره نك انقضاسنده محكوم عليه ثبات وجود ايتديكي تقديرده حكم اعلامي بالرضا اجرادن امتناع ايتش عد اولنه رق اعلام مذكورك اجراسنه تشبث اولنور . مديونك مدت اعلان ظرفنده اموال منقوله وغير منقوله سي حيز اولنه بيلير سه ده تلف وضياي محتمل اولمديني صورتده انقضاي مدتدن اول فروخت اولنه ماز .

ماده : ۴۱ ماده سابقه موجبجه غائب حقنده معاملات اعلانيه اجراسندن صوكره اشبو قانون حكمنه توفيقاً كنديسنه اجراسي ايجاب ايدن تبليغات سائر ايجون دخي تكرار بر ماه مدته اعلان كيفيته محل اوليوب اجرا ايديله جك تبليغات حقنده قانوناً تعيين ايدلمش اولان مدتدر جاري ومعتبردر .

ماده : ۴۲ بر اعلامك حاوي اولديني حكمي محكوم عليه كندي رضاسيله اجرا ايلديكي تقديرده رضاسنه باقيلمقسزين اشبو قانونك تعيين ايلديكي صلاحيت دائره سنده اوحكم اجرا دائره سي معرفيله اجرا ايديلير .

ماده : ۴۳ بعدالحكم وقوع بولان تبدل يد معاملات اجرائيه حائز تأثير اوليوب حكم اعلامك تعلق ايلديكي محل كيمك ينده ايسه آندن استرداد ويا تخليه سي اجرا اولنور . تخليه سي ايجاب ايدن محله محكوم عليه دن ماعدا ديكر اشخاص مقيم بولنوبده بونلر دائره اجرايه بالمراجعه اقامتلى محكوم عليه تبعاً ويا آنك اعاده واجاره سييله اوليوب مستقلاً ايدوكنه دائر اوراق ثبوتيه اراه ايدرلر سه محكمه يه مراجعتله اجرانك تأخيري ضمننده قرار استحصال ايتك اوزره كنديلرينه مناسب مهل اعطا اولنه رق نتيجه حاله كوره معامله اولنور .

ماده : ۴۴ دائره اجراجه تخليه اولنان محله ظهور ايدوب محكوم عليه عائد بولنان ويا هر نه صورتده اولور سه اولسون كنديسنه اعاده سي لازم كلن اموال واشيايي تسلمدن محكوم عليه ك امتناعي ومحافظه سي مصارفه محتاج اولديني حالده اشياي مذكوره نك تعيين اولنان مدت ظرفنده اخذى ضمننده على الاصول تبليغات لازمه اجراسندن صوكره بالمزايدة فروخت اولنه رق اول امرده محافظه ومزايده سي ضمننده وقوع بولان مصارف استيفا ايدلر كدن صوكره متباقيسي مراجعتده كنديسنه اعاده قلمق اوزره امانه حفظ اولنور .

ماده : ۴۵ دوائر اجرائيه جه تخليه ومحكوم لهه تسليم اولنان محله محكوم عليه ك محكوم لهك عقدى ويا محكوم له دن توارث كبي بر سبب جديده مستند اولمقسزين دخولى ايله معاملات اجرائيه نك اخلالى حالنده معاملات مذكوره نك تكرار اعاده سييله برابر جزا قانوني حكمنه توفيقاً مجازات اولنور .

ماده : ۴۶ معين بر شيك تسليمي حقنده كى حكم اعلام محكوم عليه طرفدن بالرضا اجرا اولمديني وميدانده بولميان محكوم بهك تلف وضياي حقنده دلائل قويه ابراز اولنه مديني صورتده محكوم عليه اجرا

رئيسنك قراريله حبس ايله تضيق اولنه بيلير وچوقق تسليمي كبي خصوصاً تسليمي محكوم اولان چوقق اعاده ايدلمدكجه محكوم عليه حبس دن اطلاق اولنه ماز آنجق تسليم محكوم عليه ك يداقتدارنده اولميان اسبابدن ايلري كلير سه حبس جائز اولماز .

ماده : ۴۷ معين بر شيك ياپيلمسي ايجاب ايدن حكم اعلام محكوم عليه طرفدن بالرضا اجرا ايلديكي صورتده مصارفي اول امرده محكوم له طرفدن تسويه اولنمق اوزره دائره اجرا معرفيله حكم اعلام اجرا واكل اولنه رق حصوله كلن مصرف محكوم عليه دن تحصيل اولنور . محكوم لهك مصارف مذكوره ي اعطايه قدرتي اولمديني ويا اعطاسندن استسكاف ايلديكي تقديرده دائره اجراجه انتخاب اولنه جق ارباب وقوف طرفدن تعيين قلنان مصارف محكوم عليه دن اجرا قانونك حكمنه توفيقاً اموال واشياسنك حيز وفروختي صورتيله تحصيل اولنه رق حكم اعلام اجرا ايديلير . ميدانده اموال واشياسى بولونميان محكوم عليه ك اقتدارى آكلاشيلديني تقديرده امتناع واقعدن طولاي دخي حبسي جائزدر .

ماده : ۴۸ معين بر مبلغك تحصيلي حاوي بولنان اعلامات حكمي محكوم عليه ك اموال منقوله سندن محكوم لهه كافي مقدارينك حيز وفروختي صورتيله اعطا اولنه جني كبي امتناعي حالنده فصل مخصوصي حكمنه توفيقاً مديون حبس صورتيله دخي ايفاي دينه جبر وتضييق اولنور .

در دنجى باب

مديونك اموال منقوله وغير منقوله سنك جزى حقنده در

ماده : ۴۹ محكوم له حكمي حاوي بولنان اعلامي على الاصول موقع اجرايه وضع ايدرك محكوم عليه ك كندي ويا شخص ثالث ينده بولنان نقود واموال منقوله وغير منقوله سنى مواد آتیه ده محرر اصول وشرايط دائره سنده حيز وفروخت ايتديريه بيلير .

فصل اول

اموال منقوله حيز وفروختي بياننده در

ماده : ۵۰ دائر طابى اوزرينه محكوم عليه ك نقود واموال واشياسنك حيزينه قرار ويرلر كده معامله حيزينه نك اجراسنه دائره اجرامعاون وكتبه سندن برى مأمور تعيين اولنور . معامله حيزيه عندالحاجه اجرا مأمورى طرفدن دخي ايفا اولنه بيلير .

ماده : ۵۱ ماده سابقه وجهله تعيين اولنان حيز مأمورى ايجابي تقديرنده بر وكاتب مباشر ايله برابر حيز اولنه جق اموالك بولنديني محله عزيمت وممكن اولديني صورتده كنديسييله طرفينه مناسبت وقرايتى اولميان ايكي شاهد ويا محله امام ومختار لرندن برينى استصحاب ايدرك معامله حيزيه يه مباشرت ايله حيز ايلديكي نقود واموال واشيانك جنس ونوعنى وقيمت ومقداريني ميمن بر دفتر تنظيمندن صوكره جريان

معامله‌ی مین تنظیم ایده‌جکی ضبط ورقه‌سی کندیسسه برلکده حاضر بولان کسانه امضا ایتدیره‌دک اجرا دائره‌سنة تودیع ایلر . اموال محجوزه نقود ویا مجموعه‌ات کبی ذی قیمت اشیا دن عبارت اولدینی تقدیرده دائره اجرایه نقلی ایله اماناتک حفظنه مخصوص محله تودیع و اموال سائرینی ایجابنه کوره محلنده تختیم ویا مناسب بر محله نقل ویا ید عدله تودیع ویا بکچی اقامه‌سی صورتیه محافظه ایدر .

ماده : ۵۲ حجزك اجرایی ضمیمه عزیمت ایدن مأمور حجزی طلب اولنان اشیا نك اولجه دیگر طرفدن حجز اولندیغنی مشاهده ایلدیکی صورته اشیا ی مذکوره ی یکیدن تحت حجزه آلمغه لزوم اولیوب شوقدرکه اولجه تنظیم ایدلمش اولان ضبط ورقه‌سی خارجنده فضله اشیا بولندیغنی حالده آنک اوزدینه حجز وضع اولنور و حجز ثانیدن طولانی حجز اولی وضع ایتمش اولان دائره یه معلومات اعطا اولنورق اشیا ی مذکوره هر ایکی دین ایچون محجوز عد اولنور .

حجز اولدن طولانی اشیا ی محجوزه نك مدت قانونیه‌سی خارجنده محافظه‌سی لازم کلسه بیله حجز ثانیدن طولانی فروخت اولنه بیلوب حجز اولک حصه‌سنة اصابت ایدن مقدار امانه و محجوزاً حفظ ایدیلیر .

ماده : ۵۳ حجزك اجرایی ضمیمه اجرا رئیس طرفندن اتخاذ اولنان قرارده مدیونك حضوردن امتناعی حالده ویا محل حجزده بولنه مدیغنی صورته غیابنده ویا مخالفت وقوعنده قوه جبریہ استعمالیه حکم اعلامک ویا حجز قرارینک اجراسنه مأذونیت ویریلهرک حجز مأموری ایفای وظیفه‌ده تصادف ایلدیکی احوال و مشکلاته نظراً کندیسسه بخش ایدلمش اولان صلاحیتلردن علی الترتیب استفاده ایله ایفای وظیفه ایدر .

ماده : ۵۴ اثنای حجزده حاجزایله محجوز علیک حضوردری شرط اولیوب غیابلرنده دخی معامله حجزیه اجرا اولنور .

ماده : ۵۵ مدیونك اقامتگاهنده حجز اجراسنه تشبث ایدن مأمور محل حجزك مدیونك اقامتگاهی اولندیغنی ویا مدیون ایله برلکده مدیونك افراد عائله‌سندن غیری دیگر کیمسه‌لرک اقامت ایلدیکنی مشاهده ایدر و اجرا ایده‌جکی تحقیقات نتیجه‌سندن حجزی طلب اولنان اشیا نك مدیونه عائد ایدوکی آکلاشیلیرسه حجزك اجراسنه دوام ایدر . تحقیقات واقعہ نتیجه‌سندن اموال مذکوره نك مدیوندن غیری بر شخصه عائدیتی تحقیق ایتدیکی صورته حجزدن صرف نظرله جریان کیفیت مین تنظیم ایده‌جکی ضبط ورقه‌سی اجرا دائره‌سنة تودیع ورئیسک تنسیبی دائره‌سندن حرکت ایتسی لازم کلیر .

ماده : ۵۶ ماده سابقه وجهله تنظیم اولنه‌جق ضبط ورقه‌سی اوزرینه اجرا رئیس تدقیقات اجراسیله ایجابنه کوره یا متخذ حجز قرارینک رفغنی ویا خود شخص ثالث عائد اولدیغنی محکمه یه مراجعت حق بقی قالمق اوزره معاملات اجراییه نك دوامی امر ایده‌بیلیر .

ماده : ۵۷ معامله حجزیه مدیونك اقامتگاهنده اجرا اولندیغنی و محکوم علیه حجزی طلب اولنان اشیا یه واضع اید کوردیکی صورته وضع یدی اشیا ی مذکوره یه تملکی حقدنه حجزه کافی بر حجت تشکیل ایدر

بناءً علیه حجزی مجاز اشیا دن بعضیسنک ویا جمله سنک حجزدن استثنای حقدنه مدیون ویا شخص ثالث طرفلردن درمیان اولنه‌جق بالجمله اعتراض بر محکمه‌دن بوباید ویرلمش حکم وقرار ویا خود تأخیر اجرا علم و خبری ابراز اولندجقه حجزك اجرایی تأخیره سبب اوله‌ماز .

ماده : ۵۸ معامله حجزیه ی متعاقب تنظیم اولنه‌جق ضبط ورقه‌سنک خلاصه‌سی مأمور طرفدن در حال محکوم علیه تبلیغ اولنوب تاریخ تبلیغندن اعتباراً اوچ کون طرفنده محکوم علیه حکم اعلامی اجرا ایلدیکی تقدیرده اموال محجوزه نك مدیون حقدنه بیعی اهور اولاندن بدایله بالمزاید فروختی اجرا اولنور ، حجز معامله‌سی مدیونك غیابنده جریان ایلدیکی صورته ضبط ورقه‌سنک خلاصه‌سی اخبارنامه‌لر تبلیغی حقدنه کی قواعد دائره‌سندن تبلیغ اولنوب مدت معینه تبلیغی متضمن آله‌جق علم و خبر تاریخندن اعتبار ایدیلیر . اشیا ی محجوزه متسارع الفساد بولندیغنی ویا قیمتی محافظه‌سی مصارفه متحمل بولندیغنی تقدیرده طرفینک منافعی صیانه اجرا رئیس اشیا ی مذکوره نك همان فروخته قرار اعطا ایده‌بیلیر .

ماده : ۵۹ مدیونك اموال و اشیا ی محجوزه سنک فروخته تشبث اولندقدنه بروایجابنه کوره متعدد غزته‌لرله کیفیت اعلان و اشیا نك بولندیغنی و مزایده نك اجرا اولنه‌جق محل ایله دائره اجرا دیوانخانه‌سنة اعلاننامه‌لر تعلیق اولنور . غزته بولنمیان محلرده ویا اشیا نك قیمتی اعلان مصارفه متحمل اولندیغنی تقدیرده یالکزر اعلاننامه تعلیق ایله اکتفا قلنور .

ماده : ۶۰ اعلانات واقعه‌ده فروخت اولنه‌جق اموال و اشیا نك جنس ونوعی ایله مزایده نك محل ووقت وساعتی تصریح اولنور .

ماده : ۶۱ اعلاناتی حاوی غزته ویا اعلاننامه نك برنسخه‌سی دوسیه‌سندن حفظ ایدیلیر .

ماده : ۶۲ اعلاننامه‌لرده تعیین اولنان کون وساعته‌ده اجرا دائره‌سندن تعیین اولنه‌جق مأمور طرفدن اشیا ی محجوزه منادی معرفتیه مزایده وضع ایدیلهرک تقرر ایدن بدل ایله طالبنه بیع و تسلیم اولنور و جریان کیفیت مین بر ضبط ورقه‌سی بالتنظیم حاضر بولنانلره امضا ایتدیریلیر . مزایده اثناسندن دائن و مدیونك حاضر بولناملری مزایده نك تأخیرینی مستلزم دکدر .

ماده : ۶۳ مزایده اشیا نك حجز اولندیغنی محله اک یقین بولنان چارشوده اجرا اولنور ؛ شوقدرکه اجرا دائره‌سی ضبط اولنان اشیا نك ماهیته کوره آریجه بر محل فروخت تنسیب ایده‌بیلیر .

ماده : ۶۴ صاتیله‌جق اشیا متعدد اولوب‌ده دینک و مصارف و ذائضک تسویه‌سنة کافی مبالغ حاصل اولدیغنده مزایده معامله‌سی تعطیل ایدیلهرک متباقی اشیا محکوم علیه اعاده قلنور .

ماده : ۶۵ مشتری عهده‌سندن تقرر ایدن اوالی المقدن استنکاف ایلدیکی تقدیرده یکیدن مزایده‌سی بالاجرا ایکی مزایده بیننده ظهور ایدن نقصان کندیسندن دائره اجرا معرفتیه تحصیل اولنور و اثنای مزایده‌ده طالب اولانلردن لزوم کوردیکی تقدیرده یوزده اون نسبتنده پی‌اچقه‌سی دخی آله‌بیلیر .

ماده : ۶۶ مدیونك اموالی متعدد آلاجلیلری طرفدن تحت حجزه آلمش اولدینی صورتده اشیای محجوزه جمله سنك رضا و موافقتی اولمقسزین حجزدن فك اولنمهیه جنی کبی حاجز اول طرفدن مدت قانونیه سی طرفده تعقیب وانتاج ایدلمه مش اولان معاملات اجرائیه یه دیگر دائلرك طلیله دخی دوام اولنه بیلیر.

ماده : ۶۷ امتیازلی بردیندن طولایی محجوز اولان اشیا دیون عادیه ایچون دخی فروخت اولنه بیلیر؛ شوقدرکه بدل مزایده دن اول امرده دیون ممتازده اصحابی استیفای مطلوب ایدرلر . کذلک مرهون اموال ویا وفاء مفروغ یاخود قانون مخصوصنه توفیقاً تأمینات کوسترلش بولنان عقارك بدلی دین ممتازدن فضلله اولدینی آکلاشیلدینی حالده سائر دائلرك طلیله فروخت اولنه بیلوب دین ممتازدن فضلله بولنان بدل مزایده دیون سائر اصحابنه اعطا اولنو ؛ شوقدرکه اموال مذ کوره یه دین ممتاز مقدارندن فضلله بدل ایله مشتری ظهوری حالده اجرا قلنه جق مزایده نك ایلك پی بدل مذ کور مقدارندن دون اوله ماز .

ماده : ۶۸ اشیای محجوزنك بعدالحجز حاصل اولان زوآندی دخی اشیای مذ کوره یه تابعدر .

ماده : ۶۹ ادراك ایتش اولان علی العموم میوه وسبزه لر ایله ادراك واستحصال اولنان محصولات سائر ارضیه نك دخی حجزی مجازدر .

ماده : ۷۰ اصول محاکمه حقوقیه قانوننك ایکی یوز یتیش دردنچی ماده سنده تعداد ایدیلن اموال وایشانك حجز و فروختی جائز دکلدر .

ماده : ۷۱ بر غیر منقولك توابع متصله مستقره سندن بولنان اشیای صورت تخصیص واستعمالی اعتباریه غیر منقول عد اولنه رق آیریجه حجز و فروخت اولنه ماز . کذلک بر چقللک مستقراً محنده قالمق اوزره وضع ایدلمش اولان تیمور باش اشیای ایله چفت حیواناتی و چقللک احتیاجاتنه کافی تخملق مقداری و آری قووانلری و کوللرده کی غیر محرز بالقر و قزغان و اینیک و فوچی و تضییق ماکنه لری و کوبره صمانلری کی چقللک اداره و احتیاجنه مخصوص اشیا وفابریقه لرك دوام اعمالاته مخصوص آلات وادوات ایریجه حجز اولنه ماز .

ماده : ۷۲ مدیونه ترکی اقتضایدن اشیای غیر زائده سنك مادونی ایله اکتفا اولنه بیله جکی آکلاشیلدینی صورتده اشیای مذ کوره دخی فروخت اولنه رق مادونی تدارك ایدیله بیله جك مقدار مدیونه و فضلله سی دانته اعطا قلتور .

ماده : ۷۳ حجز و فروخت ضمننده وقوع بوله جق بالجله مصارف محکوم علیه عائد اولمق اوزره اول امرده محکوم لهدن آتیر .

فصل ثانی

مدیونك شخص ثالث نزدنده کی نقود و اموال وایشانك حجزی حقنده در

ماده : ۷۴ محکوم له طرفدن حجزی طلب اولنان نقود و اموال وایشا شخص ثالث نزدنده بولندینی

صورتده اموال مذ کوره یی مدیونه اعطا ایتمه سی و بر دیه جکی اولدینی حالده اخبارنامه زیرینه تحریراً بیان ایلمی و عکس صورتده مسئول اوله جنی بالذات کندیسنه تبلیغ اولنه جق بر قطعه حجز نامه انله بیلدیریلیر و کیفیت احضاری مبین بر قطعه ضبط ورقه سی طوتولور .

ماده : ۷۵ شخص ثالث تبلیغ اولنان حجزنامه اوزرینه یدنده کی نقود وایشا و اموالک مدیونه عائدیتی تصدیق ویا رد ایلمکه مجبوردر . اشیای مذ کوره نك مدیونه عائدیتی بیان و تصدیق ایلدیکی تقدیرده جنس ونوعنی دخی صراحة تعیین و طلب وقوعنده دائره اجرایه تسلیم ایتمی لازم کلیر .

ماده : ۷۶ شخص ثالث طلب اولنان اموالک مدیونه عائدیتی انکار ایلدیکی ویا نزدنده مدیونك برکونه نقد و اموال و اشیای بولندینی بیلدیردیکی ویاخود سکوت ایتدیکی تقدیرده دانك عائد اولدینی محکمه یه مراجعتله خلاف قانون بیاناتندن طولایی اموال مذ کوره یی شخص ثالثه تضمین ایتدیرمه صلاحیتی واردر .

ماده : ۷۷ تبلیغ اولنان حجزنامه اوزرینه شخص ثالث اموال مذ کوره نك نزدنده بولندینی بعدالتصدیق اموال مذ کوره یی دائره اجرایه تسلیم ایلدیکی ویا مدیونه اعاده ایلدیکی تقدیرده اشیای محجوزه ویاقیمته تقابل ایده جك سائر اشیای دائره اجرا معرفتیه طوغریدن طوغریه حجز و فروخت و حقنده معاملات سائر اجرائیه تطبیق اولتور .

ماده : ۷۸ نزدنده مدیونك اشیای بولندینی تصدیق ایتش اولان شخص ثالث یتیش بشنچی ماده موجبنه اشیای مذ کوره نك نوع و جنسی تعیین ایلدیکی و دائره اجراجیه طلب وقوعنده دخی مقداری بیلدیرمدیکی صورتده اشیای مذ کوره نك مقداری تعیین ایدنجه یه قدر کندیسنه مقدما تبلیغ اولنان حجزنامه ده کی دانك افاداتی معتبر اولوب او مقدار اشیادن مسئول اولمی لازم کلیر .

ماده : ۷۹ مدیونك شخص ثالثه ایجار ایدلمش اموال منقوله و غیر منقوله سی بدل ایجاری ویا مدیونك مستخدم بولندینی خدمات خصوصیه ده کی اجرتی دخی بروجه بالا حجز اولنه بیلیر .

بدل ایجارك مصدق قونطور اتوده مندرج شرائط ویا عرف وعادت بلده خلافت اوله رق تأدیه ایلدیکی حقنده کی ادعا آیریجه اثبات ایدیله مدیکی تقدیرده مسموع اوله ماز .

ماده : ۸۰ داین مدیونك اشخاص ثالثه ذمتنده آلاجنی اولان مبالغی دخی حجز ایده بیلیر . حجز واقعدن سوکره شخص ثالث تأدیه دین ایتمی حاجز حقنده معتبر اولیوب حقوق موجوده سی موجبنه شخص ثالثی دائره اجرا معرفتیه تکرار تأدیه یه اجبار ایده بیلیر .

ماده : ۸۱ مدیونك عهده تصرفنده بولنان نامه محرر ویا حاملنه مشروط اسهام و تحویلاتك دخی حجز و فروختی جائز اولوب فقط نامه محرر اولان سنداتك نام آخره کچیرلمه مك ایچون قیدی بالاسنه شرح ویرلمك اوزره شخص ثالث صفتنده بولنان شرکته تبلیغات ایفاسی صورتیه معامله حجزیه سی ایفا اولتور .

فصل ثالث

مأمورین موظفه معاشرینك صورت حیز و توقیفی حقندہ در

- ماده : ۸۲ دین ایچون مأمورین موظفه نك معاش مخصصلرینك ثلثدن فضلہ سی قطع و توقیف اولنه ماز .
- ماده : ۸۳ نفقه دن طولای محكوم اولان موظفین معاشرلندن نفقه مقداری قطع و توقیف اولنه بیلوب دیون سائرہ سی ایچون نفقه دن فضلہ ایچہ قالدینی صورته آنك ثلثی قطع اولنور .
- ماده : ۸۴ علی العموم معزولین و متقاعدین و ایتم وارامل معاشرانك دخی ربغدن زیاده سی قطع اولنه ماز . نفقه دن طولای دینی اولان بوقیل مدیونلرك معاشرلندن كذاك نفقه مقداری قطع اولنق ایجاب ایدوب دیون سائرہ سی ایچون نفقه دن فضلہ ایچہ قالدینی صورته آنك ربعی قطع و توقیف اولنور .
- ماده : ۸۵ مدیونك اعلامه مستند اولیان دیونات سائرہ سندن طولای معاشرندن توقیفات اجراسنه موافقت ایلش بولنسی قانوناً ایجاب ایدن توقیفات آریجه اجراسنه مانع اولاماز .
- ماده : ۸۶ مأمورینك معاشرلندن توقیفات اجرا ایدلمكده بولنسی اموال سائرہ لرینه مراجعت حقنی اسقاط ایتمز .

- ماده : ۸۷ مدیونین موظفینك معاشرینك قطع و توقیفی ضمنده دوائر اجراییه دن وقوع بوله حق تبلیغات اوزرینه شخص ثالث صفتنده بولنان مال مأمورلری حیز واقعا اجرا ایدلیکنی و مدیونك معاش مخصی مقداری نهایت بر هفته ظرفنده دائره اجراییه تحریراً بیلدیرمکه و مدیونك معاش و مأموریتتجه وقوع بوله حق هر کونه تبدیلی آریجه اشعار ایتمکه مجبوردرلر .
- ماده : ۸۸ تبلیغات واقعه اوزرینه مدیونك معاشی حیز ایدلدکن صوکره قانون خلافه اوله رق توقیفات اجرا ایتمین و یا نقصان توقیفاتده بولنان مال مأمورلرینك معاشرلندن و یا اموال سائرہ لرندن توقیف ایتدکری مقدار ایچہ حکم استحسانه حاجت قالمسزین دائره اجرا معرفتیه استیفا اولنور .

فصل رابع

اموال غیر منقولہ نك صورت حیز و فروختی حقندہ در

- ماده : ۸۹ دائنك طلبی اوزرینه مدیونك عهدہ تصرفنده بولنان اموال غیر منقولہ نك حیزینه اجرا رئیس طرفندن قرار ویرلیدی صورته آخره منع فراغی ضمنده قیدی بالاسنه اشارت ایدلمک و اولبابده کی قیود خاقانی موصفاً بیلدیرلمک اوزره دائره عائدہ سنه اشعار اولنور .
- ماده : ۹۰ مدیونك حاله مناسب اولوب ترهین و یا وفاء فراغ ایدلمه مش اولان خانہ سی مسکن شرعی اولق اوزره کندیسنه ترك اولنور و مدیونك حاله مناسب بولنان خانہ نك تقدیر و تسبیی اجرا رئیسنه مودوعدر . كذاك زراعدن بولنان مدیونك ترهین و یا وفاء فراغ ایدلمه مش بولنان اراضیدن کندیسنك و عائله سنك اتفاق و اعاشه سنه کفایت ایدہ جك تارلاسی دین ایچون فروخت اولنه ماز .

- ماده : ۹۱ مدیونك مرهون اولیان اموال غیر منقولہ سنك برسنه لك حاصلات صافیه سی دین محكوم بی و یا ایفا ایدلیکی مقدار دن متبایسنی تسویه کفایت ایدلیکی و حاصلات مذکورہ نك اخذی داینه حواله ایدلیکی تقدیرده فروختندن صرف نظر اولنور . حاصلات مذکورہ نك دیونات سائرہ ممتازده دن طولای حیز ایدلمسی و یا منتظماً استیفا اولنه مامسی کی احوال طولایسیله اموال مذکورہ نك تکرار فروختی طلب اولنه بیلیر . فروختندن صرف نظر ایدیلن بوقیل اموالک تسویه دینه دکن تحت حیزده بولنسی ایجاب ایدر .
- ماده : ۹۲ معامله حیزیه نك اجراسنی متعاقب کیفیت حیز مدیونه تبلیغ اولنه حق برقطعه اخبارنامه ایله بیلدیریلوب تعیین اولنه حق اوج کون ظرفنده تأدیہ دین ایتمسی لزومی و عکس تقدیرده تحت حیزده بولنان اموال غیر منقولہ سنك فروخت ایدلیه جکی اخطار اولنور .

- ماده : ۹۳ اموال غیر منقولہ نك حیزینی متعاقب دائره اجرا طرفندن وضع ید معامله سی اجرا ایدلیر؛ شویله که : دائره اجرادن تعیین اولنه حق مأمور غیر منقولك بولندینی محله عزیمتله محجوز عقارک جنس ونوع و اوصاف لازمه سیله حدود مشتملات و مقدار مساحه سی و بولندینی محلك اسمنی و عقارک نومروسی و اینه سنك حال حاضرینی و اوزرنده کی اشجار و کرومک تخمیناً عدد و انواعی و مزروعاتنك حال و وقت ادراکنی و دروننده ساکن بولنان کسانك صفتلرینی و حق اقامت لرینك استناد ایدلیکی اوراقک و ماهیتی و بدل ایجاری مقدار یله بدل مذکورك شرائط تأدیہ سی و تسلیات واقعه مقداری و اشبو تسلیاتك اوراق ثبوتیه سی مبین ضبط ورقه سی تنظیم و حاضر بولنانلره امضا ایتدیره جکدر .

- ماده : ۹۴ حین حیزده مدیونك یدنده بولنان اموال غیر منقولہ نتیجه مزایده دین کندی یدنده ترك وابقا اولنه بیلیر سده مدیونك محجوزی تخریب ایتدیکی و یا قیمته نقصان ایرات ایدلیکی و یا ظهور ایدن مشتریسنه اراده دن امتناع ایتدیکی صورته رئیس محکمه نك امریله او عقارک تخلیه سی جائدر .

- ماده : ۹۵ مدیون محجوز بولنان اموال غیر منقولہ سی حین فراغده دین محكوم بهك مع فائض و مصارف بالغ اولدینی مقدار ایچہ توقیف اولنق اوزره و دائره اجرانك مساعدۀ تحریریه سیله آخره بیع و فراغ ایدیه بیلیر .

- ماده : ۹۶ وضع ید معامله سی اجرا واکال ایدلمش اولان اموال غیر منقولہ نك مزایده سی اجرا قلمق اوزره وضع ید اثناسنده تحقق ایدن احوال حاضرہ سی تماماً درج و تفصیلات لازمه علاوه ایدیلرک برقطعه مزایده قائمہ سی تنظیم ایدلمکه برابر اموال مذکورہ نك تاریخ اعلانندن اعتباراً اوتوز کون مدته موقع مزایده وضع اولندینی اعلان ایدیلیر .

- ماده : ۹۷ امر مزایده نك شرائط قانونیه خلافتده جریانی حقنده طرفین بیننده کی هر نوع مقاولات حکمسزدر مع مافیه مدیون کندیسنه یا پله حق تبلیغات قانونیه نك اجراسندن صرف نظر ایدیه بیلیر .

- ماده : ۹۸ آخره رهن و یا وفاء فراغ و یا خود تأمینات اوله رق اراده ایدلمش اولان اموال غیر

منقوله تسویه دین زمانی حلول اتمه مش بولونسه بیله دیگر اصحاب مطلوب طرفدن حجر وفروخت اولنه بیلیر و بو حجزدن طولانی وقوع بولان مزایده آلتش یدنجی ماده ده کوسترلدیکی وجهله اموال مذکور دنك مقابل بولنان دینك فضله سنه شاملدر.

ماده : ۹۹ متعدد طرفدن حجز ایدلمش اولان اموال غیر منقوله دنك یالکیز بر طرفدن مزایده سی ایجاب ایدوب بو صورتله مزایده ته ثبت ایدن طرف حجز وضع ایتش اولان دیگر دواثره معلومات اعطا ایلر و مذکور حجزلر بدل مزایده ته انتقال ایتش عد اولنور . دواثر مذکور دن برینك دها اول مزایده ته ثبت ایلدیکی آکلاشیلدینی صورتده نتیجه سنه انتظاراً تکرار مزایده ته وضعی جائز اولاماز .

ماده : ۱۰۰ اموال غیر منقوله دنك مزایده سی غیر منقولك بولندینی بدایت محکمه سی اجرا دائره سنجه یاپیلمق لازم کلیر . اموال مذکوره حجز وضع ایدن دائره اجرانك خارجده بولندینی صورتده امر مزایده استابه صورتله ایفا ایتدیریلیر . استابه صورتله اجرای معامله ته ثبت ایدن دائره اجرانك مزایده تی انتاج ایلسی لازم کلوب شو قدرکه مدیونه یاپیله حق تبلیغات مزایده تی امر ایدن اجرا دائره سنجه ایفا اولنور .

ماده : ۱۰۱ مزایده تی اجرا ایدن بالجله مأمورین طوغریدن طوغریه و یا بالواسطه مزایده ته اشتراك ایدمه جکلی کی اشخاص سائر نام و حسابنه دخی حرکت ایتمکدن ممنوعدرلر .

ماده : ۱۰۲ اعلانات ، غزته بولنان محللرده بروایحابه کوره متعدد غزته لرله ایفا ایدیه جکی کی بر صورتی دخی دائره اجرا دیوانخانه سنه و املاک محجوزه دنك قپوسيله ممرناس اولان محللره تعلیق اولنور . صاتیله حق محلك اهمیتته کوره قانوناً اقتضا ایدن اعلاناتدن بشقه اعلان اجراسنه لزوم کوردلیکی تقدیرده اجرا دائره سی تقدیر و تنسیب ایده بیلیر .

ماده : ۱۰۳ اعلانات واقعه صاتیله حق غیر منقولك وضع یدی اثناسنده تحقق ایدن بالجله اوصاف واحوالی و طرفینك اسم و شهرت لرله مزایده دنك وقت وساعتی و مزایده ته اشتراك شرائطی حاوی اولمق ایجاب ایدر .

ماده : ۱۰۴ مزایده قائمه سی تنظیم و کیفیت اعلان اولندقدن صکره منادی و یا او خدمتی ایفایه تعیین اولنان مباشر طرفدن عقارك بولندینی محلك مجمع ناس اولان محللرنده لاقول اوچ دفعه ندا ایدلمك و کیفیت قائمه ظهرینه درج ایله محلی امام و یا مختار لرینه تصدیق ایتدیرلمك ایجاب ایدر .

ماده : ۱۰۵ تاریخ اعلاندن اعتباراً امر مزایده کشاد ایدلمش عد اولنه رق طالب اولانلرك دائره اجرایه مراجعتله مزایده ته اشتراك ایتلری لازم کلیر . مزایده ته اشتراك ایدن طالبك غیر منقولك قیمت مخمه سنك یوزده اونی نسبتنده پی اچمه سی تودیع ایلسی اقتضا ایدوب بو صورتله ظهور ایدن طالبلر میاننده سالف الذکر اوتوز کونك انقضاسنده اك زیاده ته طالب اولان مشتری اوزرینه موقتاً حاله سی اجرا قلنه رق مزایده قائمه سنه درج و اجرا مأموری طرفدن تصدیق اولنور .

ماده : ۱۰۶ حاله موقتیه معامله سنی متعاقب بدل مقررده یوزده بش ضمی ایچون کیفیت اصولی داره سننده و تاریخ اعلاندن اعتباراً اون بش کون مدته تکرار اعلان اولنه رق مدت مذکوره ظرفنده دخی مزایده ته دوام اولنور . مدت مذکور دنك ختامنده موجود طالبلر میاننده صوك مزایده علنیه سی بالاجرا الك زیاده ته طالب اولان مشتری عهده سننده تقرر ایدن بدل ایله اجرا ریاستك قراری اوزرینه حاله قطعیه سی اجرا اولنور .

ماده : ۱۰۷ حاله قطعیه تی متعاقب نتیجه مزایده تی و تاریخ تبلیغدن اعتباراً اوچ کون ظرفنده ایفای دین و یا مشتری سی عهده سنه اعطای تقریر لزومی مدیونه تبلیغ اولنه حق صوك اخبارنامه ایله بیلدیریلیر . بومدت ظرفنده ایفای دین اولنه مدینی و بالرضا اعطای تقریر ایدلمدیکی صورتده مدیونك رضا و تقریرینه باقیلمقسزین مشتری سی عهده سنه معامله فراغیه سنك اجرایی عائد اولدینی محله اشعار اولنوب معامله فراغیه سی اجرا اولندقدن صکره مدیونك ایفای دین ایتسی فراغ واقعك حکمسنرلکنی انتاج ایتز .

ماده : ۱۰۸ دواثر اجراییه جه بالمزایده فروخت اولنان املاک بدل مزایده سی قیمت مخمه سنندن فاحش درجه ده نقصان کوردلیکی تقدیرده اجرا مأموری مزایده معامله سنی بر آیدن زیاده اولماق اوزره تمید ایدیه بیلیر و بوضورتله یاپیله حق مزایده نتیجه سننده تقرر ایدن بدل اوزرینه معامله فراغیه اجرایی مجبوریدر .

ماده : ۱۰۹ اموال غیر منقوله دنك حاله قطعیه سی عهده سنه اجرا ایدلمش اولان طالبی اموال مذکورده تی تفرغ و بدل مزایده تی تماماً تسویه دن استنکاف ایدر و کندیسندن اول طالب اولوب کف ید ایتش اولان مشتری دخی کندی عرض ایلدیکی فیئات ایله تفرغه طالب بولنورسه اوبدل ایله مشتری اوله حاله قطعیه سی اجرا اولنوب ایکی بدل آره سننده کی فرق دائره اجرجه استنکاف ایدن مشتری ثانی ته پی اچمه سنندن و کفایت ایلدیکی صورتده اموال سائر سنندن تضمین ایتدیریلیر .

مشتری اول دخی کف یدنده اصرار ایلدیکی تقدیرده اون بش کون مدته مزایده سی اجرا اولنه رق ایکی مزایده بیتنده کی فرق کذلک دائره اجرجه مشتری ثانی ته تضمین ایتدیریلیر .

ماده : ۱۱۰ حاله قطعیه تی متعاقب مدیونه تبلیغی اقتضا ایدن صوك اخبارنامه دنك انقضای مدتندن مقدم یکیدن طالب ظهوریله لاقول یوزده اون ضم اجرا ایدلمدیکی تقدیرده ضم واقعك قبولی جائزدر . بو خالده اولجه حاله قطعیه سی اجرا ایدلمش اولان طالب ایله بیتلرنده اوچ کون ظرفنده یکیدن مزایده سی اجرا ایدیه رك صوك طالبی اوزرینه حاله قطعیه سی اجرا قلوب بو وجهله سالف الذکر اخبارنامه مدتلك مرورندن صوکره بر دها ضم قبول اولنه ماز .

ماده : ۱۱۱ حاله قطعیه سی اجرا ایدلمش اولان اموال غیر منقوله دنك درحال معامله فراغیه سنی ایفا ایتدیرمکه دائره اجرا مجبوردر . معامله فراغیه بر آی ظرفنده اجرا ایدیه مدیکی خالده مشتری مزایده تی فسخ ایده بیلیر . معامله فراغیه دنك اجرایی متعاقب بر هفته ظرفنده اموال مذکورده تی تخلیه

و تسلیم ایتیمی لزومی اونی اشغال ایدن اشخاصه با اخبارنامه تبلیغ اولنوب مدت مذکوره نهایتده دأره اجرا معرفتیه معامله تسلیمیه اجرا اولنور .

ماده : ۱۱۲ دأره اجراجه بالمزایده فروخت اولنسان اموال غیر منقوله نك مشتریسه تسلیمنده ویا اشخاص ثالثیه قارشی تحدث ایدن اختلافاتك حلنده وضع یدی ائناسنده کی حالی نظر اعتباره آلیر . شویله که : وضع ید تاریخندن صوکره وقوع بولان ایجار و استیجار و سائر تاریخ تسلیمه قدر جاری و معتبر اولوب آندن صوکره اموال مذکوره نك آریجه حکم استحصاله حاجت اولقسزین مشتریسه تسلیمی اقتضا ایدر . کذلک وضع یددن صوکره میعده حاصل اولان زوائد متصله من غیر ذکر بیعده داخل عد اولنور .

ماده : ۱۱۳ بوستان و تارلا کی اموال غیر منقوله ده موجود اولوب بیعده داخل بولنمان سبزه و محصولات سائر ارضیه نك قیمتده اتفاق حاصل اولامدینی تقدیرده طرفیندن تمین اولنه حق برر ارباب وقوف ایله اجرا دأره سی طرفندن ترفیق اولنه حق کذلک ارباب وقوفدن اوچنچی شخص طرفلندن تقدیر اولنه حق قائماً قیمتی مشتریسی طرفندن معجلانسیویه اولندجه اوعقار صاحبی یدندن نزع اولنه ماز . مشتری نك بدن مذکوری تسویه دن امتناعی حالنده محصولات مذکوره نك ادراکه قدر انتظار اولنوب آندن صوکره اجرا ایدله جك زرعیاته مساعدده اولماز .

ماده : ۱۱۴ بعض اسباب قانونیه دن ویا دأرنك تعقیب ایتیمه مسندن طولانی مزایده نك تأخیری حالنده اون بش کون مدتله تکراری کفایت ایدرسده بر سنی متجاوز مدتله ترك اولنش اولان مزایده لرده جریان ایدن اولکی مدتله نظر اعتباره آلمیه رق مزایده نك یکی باشند ایفای لازم کلیر .

ماده : ۱۱۵ مزایده ایدیلن اموال غیر منقوله حقنده تصرف ادعاسنده بولنسان شخصك مزایده معامله سنی تأخیر ایتك اوزره قرار قطعیدن اول اولبایده کی ادعاسنی درمیان ایتیمی لازم کلیر و ادعای تصرف عائد اولدینی محکمه ده رؤیت اولنق اوزره دأره اجراجه تأخر واقعدن طولانی دانك ضرر و زیانی تضمین ایده جکنه دأر کنديسنندن کفیل آلنه رق عائد اولدینی محکمه ده مراجعتله اجرانك تأخیری حقنده برقرار استحصال ایتك وعکسی تقدیرده اجرایه دوام اولنق اوزره کنديسننه اون یش کون مهل اعطا قلیر .

ماده : ۱۱۶ محجوب بولن اموال غیر منقوله دن بر قسمی حقنده استحقاق دعواسی اقامه اولدینی و محکمه جه مزایده نك تأخیرینه قرار ویرلدیکی صورتده اقسام متبایه سنك یکیدن مزایده سنه دوام اولنه بیلیر .

ماده : ۱۱۷ بر دأره دن حجاز ایدلمش اولان منقول و غیر منقول اموالک فروختی حالنده حصه تفریقی حقنده دیگر دوائر اجرایه دن اشعار وقوعندن صوکره مدیونك تسویه دین الیسنندن ویا اسباب سائرده دن طولانی حجز مذکورك فکی ایجاب ایدیکی تقدیرده اول امرده کیفیت بوبایده اشعاری سبق ایدن دأره ده تبلیغ اولنه رق برهفته مدت ظرفنده آنلر طرفندن دخی یکیدن حجز وضع ایدلمدیکی صورتده حجز موضوع فك اولنور .

ماده : ۱۱۸ اموال غیر منقوله اوزرینه موضوع و تاریخ وضعندن اعتباراً بلاعذر برسنه مدتله تعقیب اولونمیه رق ترك وابقا ایدلمش اولان حجز محجوز علیك طلیله کیفیت حازه اخبار و اقامتکاهی مجهول ایسه بعدالاعلان برآی انتظار ایدیلرک بومدت ظرفنده حجز بقاسنی مستلزم برکونه اعتراض درمیان اولنمدینی صورتده اجرا دأره سننجه فك اولنور .

فصل خامس

فروخت اولن اموال منقوله ویا غیر منقوله بدلنك و یا مدیوندن صور سائر ایله استیفا اولنان

مبالغك اصحاب مطلوب بیننده صورت تقسیمی حقنده در

ماده : ۱۱۹ دأره اجراجه فروخت اولنسان اموال بدلی ایله مدیوندن صور سائر ایله استیفا قلنان مبالغ آلاجلرینك استیفا سنی استدا ایتمش اولان دأرنك مطلوبنه تقابل ایتدیکی صورتده غرامه تقسیم و توزیع اولنور . غرامه تقسیم غیر ممتاز بولنان دیون عادیه اصحابی آره سنده ویا عینی درجه امتیازده کی دأرنلر بیننده جریان ایدوب بوجهله قانوناً حق رجحان و امتیازلری بولنان دأرنلر استیفای مطلوب ایتدیکه دیون سائر اصحابنه اچه ویریه مز .

ماده : ۱۲۰ غرامه تقسیم اولنه حق مبالغدن اول امرده مبالغ مذکوره نك استیفا سنی ضمنتده دأرن طرفندن وقوع بولان مصارف اجرایه استیفا اولنوب بوقسم مبالغ غرامه ده داخل اولماز .

ماده : ۱۲۱ مبالغ محکومه نك حین تقسیمه قدر حاصل اوله حق فائضلری دخی داخل حساب ایدلمك لازم کلیر .

ماده : ۱۲۲ دوائر اجرایه جه مدیوندن فضله اچه تحصیل اولنه رق دأنه اعطا ایدلمش بولندینی بالحساب تحقق ایتدیکی تقدیرده مبالغ مذکوره آریجه حکم استحصاله حاجت قالمقسزین کنديسنندن استردار اولنور .

ماده : ۱۲۳ دأرنلردن برینك ، مدیونك اموالی مقدما حجز ایتمش بولنسی امتیازینی مستلزم دکلدرد ؛ فقط حجز ثانیك مستند اولدینی اعلام ثانی مجرد اقرار شفاهییه ویا یمیندن نکول ویا خود تاریخی اعلام اولك سبب حکمنی تشکیل ایدن اسباب قانونیه زمانه مصادف اولدینی رسماً معلوم اولیسان اقرار کتبییه مبتنی اولورسه بو ایکنچی اعلام صاحبی اموال محجوزه ده مشارکت ایده مز ، مدیونك دیگر اموالندن استیفای مطلوب ایده بیلیر .

فصل سادس

حق رجحان و درجاتی بیاننده در

ماده : ۱۲۴ امتیازلی آلاجلر دیون عادیه اصحابنه تقدیماً استیفای مطلوب ایتدکیری کی امتیازده متحدالمرتبیه اولان داینلر آره لرنده غرامه استیفای مطلوب ایدرلر .

ماده : ۱۲۵ امتیاز مدیونك عموم اموالنه و یا بونلرك بر قسمنه شامل اولمق اوزره عمومی و یا خصوصی اولور .

ماده : ۱۲۶ اولامحکوم به زوجات و اولاد صغار نفقه سی ، ثانیاً خزینۀ دولتن طوغریدن طوغری به و یا بالواسطه تحصیل اولنان ویرکو و عشر ایله تکالیف دولتن اولان رسوم متنوعه تعیین اولنان درجات اعتباریله یکدیگرینه وسائر آلاچقیلره تقدیماً مدیونك کافۀ اموال و نقود و عقارندن استیفا اولمق اوزره حق رجحان عمومی حائزدر .

ماده : ۱۲۷ حق رجحان خصوصی اولامرك رسمي و عقار ویرکوسی کبی تکالیف دولتن معین بر اشیا و عقارندن اخذی لازم کن رسم و ویرکونك اول اشیا و عقار ائمانندن ؛ ثانیاً سند رسمی ایله ایجار اولنش اولان عقارک بدل ایجاری او عقار دروننده موضوع اشیا ائمانندن ؛ ثالثاً سند رسمی ایله ایجار اولنش اولان چفتلك و تارالا و باغچه کبی محصولدار اراضینك بدل ایجاری محصولات ائمانندن ؛

رابعاً خانجی ولوقطه جی اجرتنك خان ولوقطه دروننه موضوع مدیونك اشیا سی ائمانندن استیفا اولنسنندن عبارتدر .

ماده : ۱۲۸ رهندن و صور سائردهن نشأت ایدن حق رجحان قوانین و نظامات مخصوصه سی احکامنه تابعدر .

ماده : ۱۲۹ حق رجحان خصوصی صحابی عمومی حق رجحان اصحابنه تقدیماً استیفاي مطلوب ایدرلر .
ماده : ۱۳۰ حق رجحانك تحقیق ایچون دینك ماهیتی اعلامده صراحة مندرج اولمق لازم کلوب اعلام مندرجاتی خلافه اوله رق و یا احدائاً دائره اجرا ده درمیان اولنه حق مدعیات نظر اعتباره آله ماز .

بشچی باب

مدیونك حبسی

ماده : ۱۳۱ مدیون کندیسنه تبلیغ اولنه حق اخبارنامه اوزرینه دائره اجرایه مراجعتله اقتدار واحوال ظاهره سی و دینك مقداریه متناسب بر صورت تسویه اراءه سنه مجبوردر . مدیون دینه صورت تسویه اراءه ایلدیکی و یا کوستریلن تأمینات و تعیین ایدیلن تقاسیط دائن طرفندن قبول اولنیه رق مدیونك فضله اقتداری ادعا و اثبات ایدلدیکی صورتده اجرا رئیسنك اولباده کی قراری اوزرینه مدیون حبس اولنور . مدیونك حبس ایدلمش اولسی بالآخره اموال سائرهنه مراجعتله استیفاي حق ایدلمسنه مانع دکدر .
ماده : ۱۳۲ دائنك اخبار و طلبی اوزرینه فرار ایده جکی ا کلاشیلان مدیونك فراری حالنده محکوم به مبالغی تماماً تسویه ایده جکنه دائر کفالت قویه اراءه ایلدیکی تقدیرده دخی حبسی جائزدر .

ماده : ۱۳۳ کندی طرفندن بیان و دائن طرفندن قبول ایدلمش اولان صورت تسویه و تقاسیطی ایفا

ایتمین و شرائط مقرردهی اخلال ایدن مدیونك آریجه اثبات اقتدارینه حاجت یوقدر . کذلک نفقه دن و مهر و اموال اوقاف و ایتمدن طولانی مدیون بولنان کسانك اقتدارلرینی اثبات ایتک ایجاب ایتز .

ماده : ۱۳۴ دین ایچون حبس علی الاطلاق طقسان بر کوندن عبارتدر و مدت حبسی طرفنده حکومتجه محبوسین سائرهنك اتفاقی ضمننده صرفی اقتضا ایدن مقداری تجاوز ایتمه مک اوزره مدیونك اعاشه و اتفاقی ضمننده صرفی ایجاب ایدن مبلغ حبسخانه لر تخصیصاتی میانندن حکومتجه اعطا اولنور .

ماده : ۱۳۵ مدیونك هر نه صورته اولورسه اولسون حبسدن چیمسنه موافقت ایتش اولان داینك او دیندن طولانی حبسی طلبه صلاحیتی یوقدر و اکمال مدت ایتش اولان مدیونك حبسندن مقدم ذمته تعلق ایتش اولان دیونات سائرهنی ایچون دخی حبسی جائز دکدر .

ماده : ۱۳۶ اقتدارلری کاتب عدلر طرفندن تصدیق ایدلمش بولنان و یا مدیوننه دائره اجرا ده کفالت ایتش اولان اشخاصک آریجه اثبات اقتدارلرینه حاجت یوقدر .

ماده : ۱۳۷ جرمدن متولد حقوق شخصیه نك استیفاي ضمننده کذلک مدیونك اثبات اقتدارینه حاجت اولقمسزین حبسی جائزدر .

ماده : ۱۳۸ دین ثمن مییع و پی الحقیسی کبی مدیونك نزدنده ترضیعی بولنان خصوصاً تندن منبعث اولدیغی صورتده استصحاباً اقتداری ثابت اولان مدیونك آریجه اثبات اقتدارینه لزوم یوقدر ؛ مکرکه قارشیلغك ضیاعی تحقیق ایتش بولنسون .

ماده : ۱۳۹ مدیونك حبسی طلب ایده بیلیمک ایچون دینه کافی اموال و اشیا سی تحری به دائنك مجبوری قانونیه سی اولیوب مدیون ایفای دینه کافی اموال و اشیا سی نی اراءه ایله حقنده اتخا ایدلمش اولان حبس قرارینك استردادینی طلب ایده بیلیر .

ماده : ۱۴۰ دین ایچون حبس سائر مجازات جسمانیه کی محکوم علیک شخصنه منحصردر بناء علیه مدیونك ترکه سنه واضع اید بولنمیان ورهنه سی و متولی و ولی و وصی کبی دیندن شخصاً مسئول اولمیان کسان حبسدن مصوندرلر . کذلک صغیر و معتوه و مجنون اولان مدیونلر علی الاطلاق و مأمورین حکومت یا لکزر دین ایچون حبس اولنه مازلر ؛ شو قدرکه معزولین و متقاعدین و قادر و خارجلری کبی بالفعل مأموریتده بولنمیانلرك قانوناً اثبات اقتداره محتاج اولمیان خصوصاً تندن ماعدا احوالده اقتدارلری اثبات ایدلمك شرطیه دین ایچون ده حبسلری مجازدر .

ماده : ۱۴۱ نفقه دن ماعدا خصوصاً تندن اصولك فروعه و زوجینك یکدیگرینه اولان دینندن طولانی حبسلری جائز دکدر .

ماده : ۱۴۲ حبسنه قرار ویریلان اشخاص ضابطه معرفتله احضار اولنورلر .

موادشتی

ماده : ۱۴۳ تنفیذ احکامی طلیله دائره اجرایه تودیع اولنسان و صوك معامله تاریخندن اعتباراً حکماً آتی آی ظرفده اصحابی طرفندن مراجعت وقوعبولیان اعلامات واوراق سائر مجدداً عرضحال اعطاسیله تجدید طلب اولندجه اجراسی تأخیر ایدیلیر .

ماده : ۱۴۴ ماده سابقهده کورتیلان مدت اون بش سنهیه بالغ اولدینی صورتده اعلامات واوراق مذکوره احکامی آرتق انفاذ اولنماز .

ماده : ۱۴۵ اجرا وزنهسنه تودیع ویاخود طلب واقع اوزرینه دائرهجه تحصیل واسترداد اولنان امانات تقدیه وعینیه اخبارنامه تبلیغی واقامتکاهلری مجهول ایسه اوراق حوادث ایله علی الاصول اعلانی تاریخندن اعتباراً بش سنهیه قدر مستحق طرفندن بالمراجعه اخذ ایدلمدیکی تقدیرده حق مطالبه ساقط اولهرق خزینیه ایراد قید اولنور .

ماده : ۱۴۶ جهت حقوقیهده مرور زمانی قطع ایدن اذار شرعی، ۱۴۴ و ۱۴۵ نجی مادهلرده دخی عیناً جاریدر ؛ شو قدرکه بو بایدو وقوع بولهجق مدعیاتک حلی لازمدر .

ماده موقته

ماده : ۱۴۷ ۱۴۴ و ۱۴۵ نجی مادهلرک حکمی اشبو قانونک مرعیتندن اول دائره اجرایه تودیع ایدیلن اعلامات واوراق واماناته عائد اولوب اشبو قانونک نشرندن صکره ایدیهجک تبلیغ ویا اعلان تاریخندن اعتباراً برسنه ظرفنده وقوعبولان مطالباتی شامل دکلدر . کذلک اشبو قانون موجبجه مرور زمان حدینه واصل اولمیان اوراق واماناتک حق مطالبهسی فقره سابقهدهکی برسنه مدتدن آشاغی اولمامق اوزره صوك معامله تاریخندن اعتبار ایدیلیر .

ماده : ۱۴۸ اشبو قانون تاریخ نشرندن اعتباراً معتبردر .

ماده : ۱۴۹ اشبو قانونک اجراسنه عدلیه ناظری مأمورددر .

مجلس عمومینک اجتماعنده قانونیتی تکلیف ایدلمک اوزره اشبو قانونک موقتاً مرعیتی وقوانین دولته علاوهسنی اراده ایدرم .

۱۰ جمادی الاخره ۱۳۳۲ ۲۸ نیشان ۱۳۳

محمد رشاد

صدر اعظم
محمدسعید
عدلیه ناظری
ابراهیم

اصول محاکمات جزائیة قانونک بعض موادینی معدل قانون موقت صورتی

ماده : ۱ اولاً اصول محاکمات جزائیة قانونک ۱۵۳ نجی مادهسی بوجه آتی تعدیل ایدلمشدر : « محاکمه ضبطنامهلری مواد سابقهده مذکور اولان معاملاتک کافهسنی ومظنون علیه ومدعی شخصی ومشتکینک وشهودک افاداتی واثنای محاکمهده قرائت اولنان هر نوع اوراقک عینلرینی ویا خلاصهلرینی ومدعیات ومدافعاتی واعطا قلنان مقررآتی واسباب موجبسنی تفصیلاتیه جامع اولهجق وحکمک مستند اولدینی احکام قانونیه ایله صورت تفهیمی وقابل استیناف اولوب اولدینی ضبطنامهده تصریح قلنهجقدر . ضبطنامه هر جلسهده هیئت حاکمه ایله ضبط کاتبی طرفندن امضا ایدیهجکدر .

اشبوماده احکامنه رعایت اولندینی تقدیرده معاملات واقعه کائنمکن حکمنده طوتیهجقدر وضبطنامه طوتلدینی ویا امضا ایتدیرلمدیکی تقدیرده ضبط کاتبندن نصف معاش مقداری جزای نقدی آلنهجقدر »

ثانیاً قانون مذکورک ۱۴۴ نجی مادهسی بوجه آتی تعدیل ایدلمشدر :

« حکم اعلامی ضبطنامهک محاکمات قسمنی خلاصه و حکم قطعی متضمن قسمنی اسباب موجبسیله تفصیلاً حاوی بولنهجقدر . اعلام مسودهسی نهایت اوچ کون ظرفنده تنظیم و محکمه رئیس و اعضاسی طرفندن امضا اولنور . بو مدت ظرفنده تنظیم اولندینی حالده ضبط کاتبی حقنده ماده سابقه وجهله معامله ایدیلیر . »

ثالثاً قانون مذکورک ۱۷۳ نجی مادهسی بوجه آتی تعدیل ایدلمشدر :

« جنبهیه متعلق دعاوی دخی یوز قرق درت ، یوز قرق بش ، یوز قرق التنجی مادهلرده قباحترک اثباتی ایچون تعیین اولنان اصوله توفیقاً اثبات اولنور . یوز قرق یدی ، یوز قرق سکیز ، یوز قرق طقوز ، یوز الی ، یوز الی برنجی مادهلرک احکامی جنبهیه متعلق دعاوی حقندهده جاری اولهجقدر . »

رابعاً قانون مذکورک ۱۷۹ نجی مادهسی بوجه آتی تعدیل ایدلمشدر :

« محاکمه ضبطنامهلری افعال مدعایا ایله مواد سابقهده مذکور اولان معاملاتک کافهسنی ومظنون ومدعی شخصی ومشتکینک وشهودک افاداتی واثنای محاکمهده قرائت اولنان هر نوع اوراقک عینلرینی ویا خلاصهلرینی ومدعیات ومدافعاتی واعطا قلنان مقررآتی واسباب موجبسنی تفصیلاتیه جامع اولهجقدر . حکمک مستند اولدینی متن قانون ایله کیفیت قرائت کرک ضبطنامهیه وکرک حکم اعلامنه درج ایدیهجکدر . اشبو ماده احکامنه رعایت اولندینی حالده معاملات واقعه کائنمکن حکمنده طوتیهجقدر . ضبطنامه طوتلدینی ویا امضا ایتدیرلمدیکی تقدیرده ضبط کاتبندن نصف معاش مقداری جزای نقدی آلنهجقدر . »

خامساً قانون مذکورک ۱۸۰ نجی مادهسی بوجه آتی تعدیل ایدلمشدر :

« حکم اعلامی ضبطنامهک محاکمات قسمنی خلاصه و حکم قطعی متضمن قسمنی اسباب موجبسیله

تفصیلاً حاوی بولنه جقدر . اعلام مسوده سی نہایت اوچ کون ظرفندہ تنظیم و محکمہ رئیس و اعضاسی طرفندن امضا اولنور . بو مدت ظرفندہ تنظیم اولندیغی حالہ ضبط کاتبی حقندہ مادہ سابقہ وجہلہ معاملہ اولنور .

سادساً قانون مذکورک ۳۰۶ نجی ماده سی بروجہ آتی تعدیل اولمشدر .

« محاکمہ ضبطنامہ لری مواد سابقہ مذکور اولان معاملاتک کافہ سی و متہم و مدعی شخصی و مشتکی ایلہ شہودک افاداتی و یرنلرک تحقیقات ابتدائیہ و استنطاقیہ کی افادہ لریلہ حاصل اولاجق تغیرات و نقصانی و اثباتی محاکمہ قرائت اولنان ہر نوع اوراقک عنبرینی و یا خلاصہ لری و مدعیات و مدافعاتی و اعطاء قلذان مقرراتی و اسباب موجبہ سی تفصیلاتی ایلہ جامع اولہ حق و حکمک صورت تفہیمی ایلہ اصول محاکمہ جہ معین اولان معاملاتک اجرا اولندیغی دخی محتوی بولنه جقدر . ضبطنامہ لریک معاملہ استجوابیہ نک اجرا قلندیغی و مدت مفسوخیتک مرورینی متعاقب یوم محاکمہ نک تعینی متضمن اولان قسمی رئیس محکمہ ایلہ ضبط کاتبی طرفندن و اقسام سائرہ سی ہر جلسہ دہ ہیئت حاکمہ ایلہ ضبط کاتبی طرفندن امضا ایدیہ جکدر .

اعلامات ضبطنامہ نک محاکمات قسمی خلاصہ و مجریت و تعیین جزا قرار لری اسباب موجبہ سیلہ تفصیلاً حاوی بولنه جقدر . اعلامات مسودہ لری نہایت اوچ کون ظرفندہ تنظیم و ہیئت محکمہ جہ امضا اولنہ جقدر . اشبو مادہ احکامنہ رعایت اولندیغی حالہ معاملات واقعہ کآن لم یکن عد اولنور . ضبط ورقہ سی طو تلدیغی و یا امضا ایندیلمدیکی و اعلامات مسودہ لری مدت معینہ ظرفندہ تنظیم قلندیغی تقدیردہ ضبط کاتبندن نصف معاش مقداری جزای نقدی آلنور . »

سابعاً قانون مذکورک ۲۵۸ نجی ماده سی بروجہ آتی تعدیل اولمشدر :

« محکمہ نک دائرہ قضاسی خارجندہ بولنان و یا خود جلیبری متعذر اولان شہودک استنطاقامہ دہ محرر اقادہ لری قرائت اولنور . شہدک استنطاقاً افادہ سی مضبوط اولندیغی و یا افادہ مضبوطہ سی ایضاحات لازمیہ حاوی بولندیغی و یا خود استیضاحی موجب احوال ظہور ایتدیکی تقدیردہ بولندیغی محل محکمہ سنجہ بالاستنبابہ استماع اولنور مع هذا لزوم کورلدیکی تقدیردہ اشبو شہدلر لاجل الاستماع دعوانک رؤیت ایدلیدیکی محکمہ یدہ جلب اولنہ بیلیر .

مادہ : ۲ اشبو قانونک اجراسنہ عدلیہ ناظری مأموردر .

مادہ : ۳ اشبو مواد قانونیہ تاریخ نشرندن اعتباراً مرعی الاجرا اولہ جقدر .

اشبو مواد قانونیہ نک مجلس عمومینک اجتماعندہ قانونیتی تکلیف اولنق اوزرہ موقتاً موقع اجرایہ وضعی و قوانین دولتہ علاوہ سی ارادہ ایلر . ۱۵ جمادی الآخرہ ۱۳۳۲ ۲۸ نisan ۱۳۳۰

محمد رشاد

عدلیہ ناظری
ابراہیم
صدر اعظم
محمد سعید

۲ رجب ۱۲۹۶ تاریخی اصول محاکمہ حقوقیہ قانون موقتک ۶۴ نجی مادہ سی

معدل قانون موقت

مادہ : ۱ اصول محاکمہ حقوقیہ قانونک ۶۴ نجی ماده سی بروجہ زیر تعدیل اولمشدر :

« ۱ — قوانین و نظامات مخصوصہ ایلہ ممنوع و آداب و انتظام عمومی یی محل اولیان و اہلیت عاقدین کی احوال شخصیہ و وارث و انتقالہ و نفود و عقارات موقوفہ نک و اموال غیر منقولہ نک تصرفہ متعلق قواعد و احکامہ مخالف بولنمیان بالجلہ مقاولات و تعہدات احکامی عاقدلر حق لرنده مرعی و معتبردر ; شو قدرکہ معقود علیہ ممکن الحصول دکلہ بطلان ادعاسی مسموعدر .

۲ — مالی متقوم اولان ہر شی معقود علیہ اولہ بیلیر . علی الاطلاق تداولی متعارف اولان اعیان و منافع و حقوق مالی متقوم حکمنده در . آتیاً موجود اولہ حق اشیا اوزرینہ عقد ایدیہ جک مقاولات معتبردر .

۳ — مقالولہ نک نقاط اساسیہ سی حقندہ عاقدینک موافقتلری حاصل اولدیغی تقدیردہ نقاط فرعیہ سی مسکوت عنہ قالمش اولسہ بیلہ عقد تمام اولمش عد اولنور . نقاط فرعیہ حقندہ موافقت طرفین حاصل اولندیغی صورتدہ محکمہ ایشک ماہیتی نظر دقتہ آلہ رق نقاط مذکورہ یی تعیین ایدر . »

مادہ : ۲ اشبو مادہ قانونیہ اعلانک فرداسی کونندن اعتباراً مرعی الاجرا اولہ جقدر .

مادہ : ۳ اشبو مادہ قانونیہ نک اجراسنہ عدلیہ ناظری مأموردر .

مجلس عمومینک اجتماعندہ قانونیتی تکلیف ایدلک اوزرہ اشبو مادہ قانونیہ نک موقتاً مرعیتی و قوانین دولتہ علاوہ سی ارادہ ایدرم . ۱۵ جمادی الآخرہ ۱۳۳۲ ۲۸ نisan ۱۳۳۰

محمد رشاد

عدلیہ ناظری
ابراہیم
صدر اعظم
محمد سعید

۲۸ ذی الحجہ ۱۲۷۴ تاریخی جزا قانونک بعض موادینی معدل قانون موقت

مادہ : ۱ اولاً قانون مذکورک ۸۲ نجی ماده سی یرینہ مادہ آتیہ اقامہ ایدلشددر :

« کندوسنہ مودوع اولان و یا حسب الوظیفہ تحت محافظہ سندہ بولنان نفود و یا نفود حکمنده کی اوراق و سندات و سائر اموالی ذمتہ کچرن و یا تملک ایدن مأمور اوچ آیدن اوچ سنہ یدہ قدر حبس ایدیلور . ضرر واقع قبل المحاکمہ فاعل جرم طرفندن کاملاً تضمین ایدلش بولنور ایسہ جزا نصفہ قدر تنزیل اولنور . اشبو فعل واردات و مصارفک ترقیمنہ و یا مراقبہ سنہ مخصوص اولان قیود و دفاتری و حساباتی غیر منتظم اولہ رق طومتق و یا تغیر و تحریف ایتک و یا اورتہ دن قالدیرمق و یا بو حساباتہ عائد غیر صحیح بلانچو و اوراق

ودفاتر و وثائق سائر کوسترمک و یا خود نقودی حاوی غروبلر و طوبرلر محتویاتی خلاف حقیقت ارائه ایتیمک و الحاصل دوائر عائدہ سنی اغفال ایدہ جک و فعلک ظاهرہ چیقمامسنی تأمین ایلہ جک هر درلو حیلہ و خدعه استعمالی صورتیلہ واقع اولمش ایسه آلمان شی ایکی قات اولہرق کندوسندن اخذ و استرداد و خزینہ دولته تسلیم اولندقدن صکرہ بش سندن آشانی اولماق اوزره موقت کورک ویا قلعه بندک جزاسیلہ مجازات اولنور .

ضرر واقع قبل الحاکمہ فاعل جرم طرفندن کاملاً تضمین ایدلمش بولنور ایسه جزا نصفه قدر تنزیل اولنور . ذمتہ اموال میریہ بی کچیرن مأمور هر حالده موقتاً ویا مؤبداً رتبہ و مأموریتدن محروم ایدیلور . اموال دولتک مراقبہ سی ویا تفتیشیلہ مکلف اولوبده بو وظیفه نک ایفاسنی اہمال ایدرک ذمتک وقوع ویا تزیادینہ سبب اولانلر ۱۰۲ نجی مادہ موجبہ مجازات اولنقلہ برابر ضرر واقعک تضمینندہ مشترکاً مسئول اولورلر .

ثانیاً قانون مذکورک ۹۰ نجی مادہ سی ملغادر .

ثالثاً قانون مذکورک ۶ جادی الآخر ۱۳۲۹ تاریخلی ۱۰۲ نجی مادہ سنہ فقرات آتیہ علاوہ ایدلمشدر :

« قانونده مصرح اولان احوال دن ماعدا هر نہ صورتلہ اولورسہ اولسون وظیفہ مأموریتنی سوء استعمال ایدن مأمور درجہ سنہ کورہ اوچ ماہدن اوچ سنہ یہ قدر حبس اولنور . اسباب مخففہ حالندہ اون بش کوندن اقل اولماق اوزره حبس ویا بش لیرادن یوز لیرایہ قدر جزای تقدی ایلہ مجازات اولنور وهر حالده مؤبداً ویا موقتاً رتبہ و مأموریتدن محروم ایدیلر . »

رابعاً قانون مذکورک ۲۰۷ نجی مادہ سی یرینہ مادہ آتیہ اقامہ ایدلمشدر :

« یمین تحتندہ شاهد ویا اهل خبرہ ایتماعنہ صلاحیتدار اولان بر مأمور ویا هیئت حضورندہ ایفای شہادت ایدرکن ارتکاب کذب ویا حقیقتی انکار ویا خود استجواب اولندینی خصوصات حقندہ معلوماتی کلیاً ویا قسماً کتم ایلان کیمسہ اوچ آیدن اوچ سنہ یہ قدر حبس ایلہ مجازات اولنور .

اگر فعل بر جنایتک اثنای تحقیق و محاکمہ سده واقع اولمش ایسه جزاسی اوچ سنہ دن اون سنہ یہ قدر کورکدر . اگر شہادت کاذبہ مؤبد بر جزای ویا اعدام جزاسی حکمنی انتاج ایتیمش ایسه فاعلک کورہ جکی جزا اون بش سندن اقل اولہ ماز .

اگر شہادت بلا تحلیف اجرا قلنمش ایسه مدت جزائیہ نصفه قدر تنزیل اولنور . »

خامساً قانون مذکورک ۲۰۸ نجی مادہ سی یرینہ مادہ آتیہ اقامہ ایدلمشدر :

« یالان یرہ یمین ویا شہادت ایدن شخص اولاً حقیقت حالی بیان ایتدیکی تقدیرده کندیسنی ویا اقرباسندن برنی حریت وناموس نقطہ نظرندن بهمہ حال بر ضرر فاحشہ معروض قیلمسی محتمل اولان ، ثانیاً کندی طرفندن حاکمہ بیان اولنان اوصاف ذاتیہ یہ نظراً شاهد صفتیلہ جلبی اقتضا ایتیمان ویا خود

اول شخصک جزا دعواسنده شاهد واهل خبرہ و مترجم اولمقدن استکفافہ حتی اولدینی حالده محکمہ جہ کندیسنه بو حتی اخطار ایدلماش بولنان اشخاص مادہ سابقہ مذکور اولان جزالردن معفودرلر .

اگر بونلرک شہادت کاذبہ سی دیگر بر شخصی تعقیبات جزائیہ یہ ویا محکومیتہ معروض قیلارسہ جزا یالکز نصفندن ثلاثنہ قدر تنزیل اولنور . »

سادساً قانون مذکورک ۲۰۹ نجی مادہ سی یرینہ مادہ آتیہ اقامہ ایدلمشدر :

« برکیمسہ تحقیقات جزائیہ اثناسنده ادای شہادت ایدوبده بشقہ طرفندن اخبار ویا شکایت اولنقسزین ایش بر لزوم ویا منع محاکمہ قرارنامہ سیلہ نتیجہ لنزدن ویا خود بر دعوانک اثنای محاکمہ سنده شہادت ایدوبده حکم تفہیم اولنمازدن اول شہادت کاذبہ دن رجوع و حقیقتی اظهار ایلرسہ مواد سابقہ ده بیان اولنان فعلدن طولانی معفودر .

اگر شہادت کاذبہ بر شخصک توقیفی ویا خود شخص مرقوم حقندہ بر ضرر فاحش ترتیبی موجب اولمش ایسه فاعل جرمک کورہ جکی جزا اشبو مادہ ده بیان اولنان احوالده ثلث مقداری تنزیل اولنور . »

سابعاً قانون مذکورک ۲۱۰ نجی مادہ سی یرینہ مادہ آتیہ اقامہ ایدلمشدر :

« مواد سابقہ احکامی قوہ عدلیہ حضورینہ دعوت اولنہرق آرا و معلومات کاذبہ اعطا وافادات واقعہ بی حقیقت حالہ مغایر صورتده ترجمہ ایدن اهل خبرہ و ترجمانلر حقندہ دخی تطبیق اولنور . »

ثامناً قانون مذکورک ۲۱۱ نجی مادہ سی یرینہ مادہ آتیہ اقامہ ایدلمشدر :

« بر کیمسہ ایکی یوز یدنجی مادہ ده بیان اولنان جرمی ایشلتمک ایچون نقد ویا سائر منافع اعطا ویا وعد و تشویق ایلہ ویا تهدید ویا حیلہ و دیسیسہ اجرا و اعمالی ویا خود ایقاعی صورتیلہ شاهد ویا اهل خبرہ ویا خود ترجمان تدارک ایدرک یالان شہادت ارتکاب و خلاف واقع رأی بیان و ترجمانلق ایفا ایتدیرمش ایسه اولاً ۲۰۷ نجی مادہ نک برنجی فقرہ سنده معین احوالده بر آیدن برسنہ یہ قدر حبس و ثانیاً ایکنجی فقرہ سنده مذکور خصوصاتده اوچ سنہ دن بش سنہ یہ قدر ، ثالثاً مادہ مذکورہ نک اوچنجی فقرہ سنده مین اولان حالده اون سندن آشانی اولماق اوزره کورک جزاسیلہ مجازات اولنور .

یالان شہادی و او منللو اهل خبرہ تدارک ایدن کیمسہ نک آنلرہ مکافاة و یردیکی شیلر مصادره اولنور .

تثبت مستلزم جزادر ؛ شوقدرکہ مشوق و محرک بالذات مظنون علیہ ویا خود یقین اقرباسندن بری اولدینی حالده دیگر بر شخصی تعقیبات جزائیہ یہ ویا محکومیتہ معروض قیلماش اولق شرطیلہ جزا نصفندن ایکی ثلثہ قدر تنزیل اولنور .

اشبو یالان شہادی شہادتندن واهل خبرہ و ترجمانلر دخی خلاف حقیقت اولان رأی و ترجمہ لردن ۲۰۹ نجی مادہ ده بیان اولنان صورت و زمانلرده رجوع ایتدکری تقدیرده جزا سیدسندن ثلثہ قدر تنزیل اولنور . »

تاسعاً قانون مذکورک ۲۱۲ نجی ماده سی رینه ماده آیه اقامه ایدلمشدر :

« بر کیمسه حقوق دعوالزنده مدعی یاخود مدعی علیه صفتی حائر اولدینی حالد یالان یره یمین ایدر ایسه آلتی آیدن اوچ سنه یر قدر حبس اولنور و بش لیرادن اللی لیرایه قدر جزای نقدی آلتور . »

عاشراً قانون مذکورک ۶ جسادى الاخره ۱۳۲۹ تاریخلی ۲۱۴ نجی ماده سی بروجیه آتی تعدیل ایدلمشدر :

« هر کیم دیگر کیمسه علیهنده بر جرم مخصوص تعیینیه و یاخود جرم تشکیل ایتیه جک بر ماده مخصوصه بیانیه خلقت حقارت و خصومتیه معروض قیله جق و یا ناموس واعتبارینی کسر ایدیه جک اسنادات ایله ذم ارتکاب ایدرسه ایکی آیدن بر سنه یر قدر حبس اولنور .

ذم مستلزم جزا اولق ایچون آتیده کوسستریلان صورتلردن بریسیله واقع اولسی شرطدر :

اولاً — متجاوز علیهک وجاهنده بر مجلسده و یا اشخاص سائرتهک ایشیده بیله جکی بر موقعهده علنی اولمیلدر .

ثانیاً — متجاوز علیهک غایبده و فقط مجتمع و یا متفرق بر چوق اشخاص ایله اختلاط ایدیه رک اجرا ایدلمیلدر .

ثالثاً — عمومه نشر وتشهیر اولنش و یا بر قسم کسانه توزیع ایدلمش یازی ، رسم ، قروکی و یا قاریقاتور و یاخود طوغریدن طوغرییه متجاوز علیهک کوندرلمش آچیق مکتوب و یا قارت پوستال واسطه سیله وقوعبولمیلدر .

رابعاً — هر نوع جرائد و رسائل یومیه و موقوته و یاخود هر نوع مطبوعات و وسائط نشریه ایله ایقاع ایدلمیلدر .

ذم ایله دوچار تجاوز اولان شخص علیهک ذمک موضوعی اولان مادهدن طولانی تعقیبات قانونیه اجرا ایدلمش اولور و متعرض اولان شخصک متجاوز علیهک بی جرم اولدینی بیله رک اسناداتده بولندینی تحقیق ایلرسه ذم افترایه منقلب اولوب افترا حقندهکی ماده قانونیه حکمنه توفیق معامله اولنور .

ذم جرمی ارتکاب ایدن شخص برائت ذمی ضمننده متجاوز علیهک اسناد ایلدیکی فعلک صحت و یا شهرتی اثبات ایتک ایسترسه اشبو ادعاسی قبول اولنماز انجق متجاوز علیهک اولان کیمسه مأمورین دولتدن اولوبده اسناد اولنان فعل وظیفه مأموریتیه تعلق ایتدیکی و یاخود هر هانکی بر شخص علیهک اولورسه اولسون ذمک موضوعی بر جرم قانونی اولدینی تقدیرده صحتی اثبات ادعاسی قبول اولنور وشو حالد اسناد اولنان فعل ثابت اولور و یا بوندن طولانی متجاوز علیهک اولان شخص محکوم ایدیلیرسه ذم جزاسی ساقطدر عکس تقدیرده جزانک حد اعظمه قدر حکم اولنه بیلیر .

هر کیم بر ماده مخصوصه تعیین ایتکسزین هر نه صورتله اولورسه اولسون بر کیمسه نک ناموس و یا

شهرت و حیثیتیه تعرضله قدح فعلی ارتکاب ایدرسه اون بش کوندن آلتی آیه قدر حبس اولنور و یا بوکا مقابل بش لیرادن اللی لیرایه قدر جزای نقدی آلتور .

قدح جرمی دخی ذم حقنده بیان ایدیلان صور اربعهدن بریله ایقاع ایدلمک شرطدر .

قدحک فاعلی طرفندن اسنادات واقعه نک اثبات صحتیه متعلق واقع اوله جق ادعا قطعاً قبول اولنماز .

انجق قدحک موضوعی قانوناً جرائمندن معدود اولوبده فاعل جرم بونی تعیین و تخصیص صورتیه بر ماده مخصوصه حاله قلب ایدرک ذم موقعنده بولنق ایستمکده بخیردر و بوتقدیرده آرتق قدحدن طولانی تعقیبات اجرا ایدیه میوب حقنده ذمک احکامی جریان ایدر . ذم و قدح جرملرینک اجراسنده متجاوز علیهک اسمی صراحة ذکر ایدلماش و یا اسنادات واقعه ابهام ایدلمش اولسه دخی صورت ایقاع جرمه نظراً اسناداتک ماهیتده و مدعینک شخصنه معطوفیتده تردد ایدیه مییه جک درجهده قرائن کورلدیکی تقدیرده هم اسم ذکر ایدلمش و هم عزریات تصریح قلنش کبی معامله اولنور .

ذم و قدح خارجنده اوله رق بر کیمسه علیهک مواجهه سنده لساناً و یا فعلاً و یاخود کندوسنه خطاب ایدلمش و یا اطلاعیه ایصالی قصد اولنش بر مکتوب ایله حقارتده و یا عادیاطاله لسانده بولنان و یا بر اشارت مخصوصه و بر معامله غلیظه ایله اجرای تحقیرات ایلان شخص یکریمی درت ساعتدن بر آیه قدر حبس اولنور و یا بش لیرایه قدر جزای نقدی آلتور .

متجاوز علیهک حقارت واقعه کی کندی حرکت غیر محقه سیله سببیت ویرمش و یا حقارتده دوچار اولدقدن صکره کندیسیده بالمقابله اجرای حقارت ایلش و یاخود ترضیه قبول ایتش ایسه محکمه ایجاب حاله کوره طرفینک و یاخود یالکز برینک جزاسی برثلشدن ایکی ثلثه قدر تنزیل و کاملاًده اسقاط ایده بیلور .

اشبو مادهده بیان اولنان جرائمندن طولانی تعقیبات اجراسی متجاوز علیهک اصولاً دعوی شخصی اقامه سنه متوقف اولوب انجق افترادن ماعدا احوالده مدعینک اقامه دعوادن صکره دعوی واقعه دن فراغتیه دخی حقوق عمومیه دعواسی ساقط اولور .

مشکی اقامه دعوی ایله برابر علیهک ارتکاب اولنان جرمندن طولانی دوچار اولدینی ضرر مادیینک تضمینی طلب ایتمکدن بشقه کندیسنه ایراث ایدلدیکی ظن ایتدیکی ضرر معنوی مقابلنده دخی دیله دیکی قدر تضمینات تقدیه ادعا ایده بیلیر . جرمک اهمیت وشدتنه ، متجاوز علیهک وضعیت اجتماعیه سنه کوره اشبو تضمیناتک مقداری محکمه جه تقدیر و حکم اولنور .

جرم ثابت اولوبده جزانک ساقط اولدینی احوالده تضمینات ادعاسی رد اولنور .

۱۶ تموز ۱۳۲۵ تاریخلو مطبوعات قانوننک بو ماده مخالف اولان احکامی مفسوخدر .

حادی عشر قانون مذکورک ۲۳۶ نجی ماده سی بروجیه آتی تعدیل ایدلمشدر :

« امانت و وکالت طریقیله و یاخود ابراز واعاده ایتک و یاخود معین اولان بر صورتله استعمال و یا حفظ

ایلك اوزره اجرتلی واجرتسز بر خدمت صفتیه کندوسنه اعطا وتسليم قلنمش اولان والحاصل بشقه سنك كندی یدنده بولنان اموال و اشیا ونقود وتحویلات وسائر هر درلو تعهدات و ابرائی متضمن سندات وسائرینی كندی ویا آخرك منافعی ایچون كتم ویا تبدیل ویا تصرف وتملك واستهلاك ایدن ویا تعدی قیلندن سائر برفعله اجتناسار ویا لازمكلنلره تسلیمدن امتناع ایلیان شخص ایکی آیدن ایکی سنهیه قدر حبس اولنور وكنندیسندن لازم كلهكك تضمیناتك ایفا سیله برابر بدل تضمینك ربی قدر جزای نقدی دخی آلنور واکر بو جرمی موظف خدمتکار وچراق ویا زحیمی وعمله طاقندن بری كندی آمر ویا استادیی اضراراً ارتکاب ایلر ایسه تضمین ضرر ایتدیرلدکنصکره بر سنه دن آشاغی اولماق اوزره حبس ایدیلیر .

تعقیبات شکایته متوقفدر .

اتی عشر قانون مذکورك ۲۴۵ نجی مادهسی بروجه آتی تعدیل ایدلمشدر :

« هرکیم برینك بنك ویا آراهه آتی وسائر حیواناتی وکذلك یوك وبنك حیواناتی وهر نوع طواری بلا ضرورت قصداً هلاک ایدر ایسه درجات آتیهیه کوره تأدیب اولنور ؛ شویله که : اشبو جرم اکر اعدام واتلاف اولنان حیواناتك صاحبی اولان کیمسه نك متصرف ویا ملتزم ومستأجر ویا خود اورتاجی اولدینی املاک آخور و آغل وسائر مشتملاتنده و اراضیسی اوزرنده وقوعبولمش ایسه مظنون اولان شخص بر آیدن آتی آیه قدر حبسه قونیلور واکر مظنون اولان شخصك متصرف ویا ملتزم ومستأجر ویا خود اورتاجی اولدینی بر محل اوزرنده وقوعبولمش ایسه بر هفته دن بر ماهه قدر حبس اولنور واکر سائر محلهه وقوعبولمش ایسه اون بش کوندن بر بیچق ماهه قدر حبس ایله مجازات قنلور و ذکر اولن حیواناتی تسمیم ایله اهلاک ایدن کیمسه هر حالده اوچ آیدن ایکی سنهیه قدر حبس ایدیلور . کذلك زراعت وبنك حیواناتی مدت مدیده عملدن اسقاط ایدهكك صورتده بلا ضرورت قصداً جرح ویا ضرب ایدنلر بر هفته دن بر آیه قدر حبس اولنور وصور مذکور نك کافه سنده حیوانات صاحبنك ضرری تضمین ایتدیریلور و بر یکر میلک بیاض مجیدیه دن ایکی مجیدیه آلتوننه قدر جزای نقدی آلنور . »

ماده : ۲ اشبو قانونك اجراسنه عدلیه ناظری مأمورددر .

ماده : ۳ اشبو قانونك حکمی تاریخ نشرندن اعتباراً مرعی الاجرا اوله جقدر .

مجلس مبعوثانك اجتماعنده قانونیتی تکلیف اولنق اوزره اشبو لایحه قانونیه نك موقتاً مرعیتی وقوانین دولته علاوه سنی اراده ایدرم .

۱۵ جمادی الاخره ۱۳۳۲ ۲۸ نisan ۱۳۳۰

محمد رشاد

عدلیه ناظری
ابراهیم
صدراعظم
محمد سعید

عتیق حجاز علم وخبرلرینی استعمال ایدنلردن جزای نقدی اخذی حقنده قانون موقت

ماده : ۱ ۱۴ مارت ۱۳۲۹ تاریخلی اراده سنیه موجبجه موقع تداولدن قالدیرلمش اولان قدیم حجاز علم وخبرلرینی استعمال ایدنلرله اوزرلرینه معامله ایفا ایدنلردن یاریم لیرادن بر بیچق لیرایه قدر جزای نقدی آلتیر .

ماده : ۲ اشبو قانون تاریخ نشرندن اعتباراً مرعی الاجراددر .

ماده : ۳ اشبو قانونك اجراسنه مالیه وعدلیه ناظرلری مأمورددر .

اشبو مواد قانونیه نك مجلس عمومینك کشادنده قانونیتی تکلیف اولنق اوزره موقع اجرایه وضعی وقوانین دولته علاوه سنی اراده ایدرم .

۲۵ جمادی الاخره ۱۳۳۲ ۲۸ نisan ۱۳۳۰

محمد رشاد

مالیه ناظری
جاوید
عدلیه ناظری
ابراهیم
صدراعظم
محمد سعید

استانبول شهرینك رسوم بلده سنه متدائر ۲۱ ربیع الاخر ۱۳۳۰ تاریخلی قانون موقتك

۱۶ نجی ماده موقتیه سنی معدل قانون موقت

ماده : ۱ استانبول شهرنده تحریر مسققات قانونی موجبجه ویرکو استیفا ولونجهیه قدر ویرکویه تابع مسققات ایله قانون مخصوص موجبجه مسققات نوعندن عد اولنان عرصه لردن آله حق تنظیفات وتئورات رسومك مجموعی ویرکوی اصلی سنوینك ربی نسبتنده اوله رق ویرکو ایله برابر تحصیل شعبه لرنبه تحصیل اموال قانوننه توفیقاً استیفا ایدیله جقدر .

ماده : ۲ اشبو قانون بیک اوچ یوز اوتوز سنه سی مارتی ابتداسندن اعتباراً مرعی الاجرا اوله جق و آندن اولکی رسوم اصول سابقه سنه تابع بولنه جقدر .

ماده : ۳ اشبو قانونك اجراسنه داخلیه ومالیه ناظرلری مأمورددر .

اشبو لایحه قانونیه نك مجلس عمومینك کشادنده قانونیتی تکلیف اولنق اوزره موقتاً مرعیه وضعی وقوانین دولته علاوه سنی اراده ایدرم .

۱۶ جمادی الاخره ۱۳۳۲ ۲۹ نisan ۱۳۳۰

محمد رشاد

مالیه ناظری و داخلیه ناظری وکیلی
جاوید
صدراعظم
محمد سعید

چارشو ومحلات بكجیلری حقنده قانون موقت

- ماده : ۱ شهر وقصبه لرده چارشو ومحلات ایچون بکجی استخدامی مجبوریدر .
- ماده : ۲ چارشو ومحلات بکجیلرینک یکریمی بش یاشندن اشاغی و التمش یاشندن یوقاری اولماسی وبرکونه جنایت ومخل ناموس وعفت جنبه ايله محکوم وسوء حال وحركتله مشتهر بولنامسی مشروطدر .
- ماده : ۳ بکجیلرک مأموریتلری استانبولده پولیس مدیری و ولایتده الک بیوک ملکیه مأمورلری طرفندن تصدیق ایدلک اوزره صورت انتخابیله بونلره ویريله جک اجرتک تعیین مقصداری و طرز توزیع وجبایت وتأدیهمسی محللرینک عرف وتعاملنه واحتیاجنه کوره مجلس اداره محلیه جه تحت قراره آلنور وبکجی اجرتی تأدیهدن امتناع ایدنلر حقنده محالس مذکوره جه تحصیل اموال قانونی احکامی تطبیق اولنور .
- ماده : ۴ چارشو ومحلات بکجیلری ضابطه محلیه نك تحت نظارتنده اولوب ضابطه مانعه وعدلیه وظائفده آکا معاونتله مکلف واشبووظائفی ایفا صره سنده پولیسک مالک اولدینی حقوق وصلاحتی حائزدر .
- ماده : ۵ اشبو قانون تاریخ نشرندن اعتباراً مرعی الاجرادر .
- ماده : ۶ اشبو قانونک اجراسنه داخلیه ناظری مأموردر .
- اشبولایحه قانونیه نك مجلس عمومینک کشادنده قانونیتی تکلیف اولنق اوزره موقتاً موقع اجرایه وضعی وقوانین دولته علاوه سنی اراده ایدرم .
- ۱۶ جمادی الاخره ۱۳۳۲ ۲۹ نيسان ۱۳۳۰

محمد رشاد

داخليه ناظری
طلعت
صدراعظم
محمد سعید

معدنلرده وجوده کتیريله جک تأسیسات تقلیه به متدائر ۲۴ شعبان ۱۳۲۷ تاریخی

نظامنامه نك ۲نجی ماده معدله می

- ماده : ۱ معدنلرده تقلیاته مخصوص اوله رق وجوده کتیريله جک تأسیساته دائر نظامنامه نك ۲نجی ماده می بروجیه زیر تعدیل اولمشدر :
- « تجارت وزراعت نظارتی مذکور پروژهلری محذور عسکریمی اولوب اولدینی تعیین ونهایت ایکی ماه ظرفنده اعاده ایدلک اوزره حربیه نظارتنه کونددر . حربیه نظارتی محذور عسکریمی درمیان ایلدیکی تقدیرده تجارت وزراعت نظارتی مذکور پروژهلری معدنک ایشلدلمسی خصوصنده انشآت متصوره نك موجب اوله بیله جکی فوائد نقطه نظرندن تدقیق ایده جک وبعدالتدقیق فوائدی تعیین ایدرسه انشآت مساعدده

اولمسنی تکلیف ایلجه جکدر . اشبو پروژهلر تجارت وزراعت نظارتنک مطالعه نامه سیله برابر نافعیه نظارتنه تودیع ایدیلوب نظارت مشارالیه جه دخی فن نقطه نظرندن بالتدقیق یا علی حاله تصدیق ویاخود لزوم کورلدیکی وجهله تعدیل ایدیلجه جکدر . پلان و پروژهلرک حربیه نظارتندن اعاده ایدلدکلی تاریخندن اعتباراً بهمه حال اوج آی ظرفنده ذکر اولسان دائرله جانبندن تدقیقاتی اکمال اولنه جقدر .

ماده : ۲ اشبو ماده نظامیه تاریخ نشرندن اعتباراً مرعی الاجرادر .

اشبو ماده نظامیه نك موقع اجرایه وضعی ونظامات دولته علاوه سنی اراده ایدرم .

۱۶ جمادی الاخره ۱۳۳۲ ۲۹ نيسان ۱۳۳۰

محمد رشاد

بحریه ناظری	عدلیه ناظری	حربیه ناظری	شیخ الاسلام و اوقاف هایون ناظری	صدراعظم وخارجیه ناظری
احمد جمال	ابراهیم	انور پاشا*	خیری	محمد سعید
معارف ناظری	تجارت وزراعت	ناظری نافعیه ناظری	شورای دولت رئیس	مالیه ناظری و داخلیه ناظری و کیلی
احمد شکری	سلیمان البستانی	عمود	خلیل	جاوید
پوسته وتلغراف وتلفون ناظری				
اوسقان افندی**				

انحصار دخان قانون موقتی

کچن نسخه دن مابعد وختام —

باب سابع

امطام جزاییه ونعقیبات حقنده

ماده : ۴۰ اشبو قانون ايله نظامنامه مخصوص احکامنه مخالف هر کونه افعال وحركات وبالجمله قاچاقچیلق فعللری وعلی العموم اداره انحصاریه نك حقوق ومنافعنک اخلاالی یولنده وقوع بولان بالجمله حرکات ومعاملات قانوناً جنبه عد اولنوب بناء علیه جرائم محرره به متعلق تعقیبات ومحاکات محاکم جزاییه به تابعدر .

بونلرک تعقیب ومحاکمه سنده ومعاملات اجرائیه لرنده جرائم عادییه مخصوص قوانین ونظامات تطبیق اولنور . شوقدرکه اعتراض علی الحکم واستیناف وتمیز دعواری حکم اولنان جزای نقدی دیپوزیتو ایدلدکجه ویاخود تأدیهمسی معتبر کفیل ايله تأمین اولمده جقه تأخیر اجرائی مستلزم اوله مز . اداره انحصاریه به عائد جزا

دعوالرنده آله جق خرج ورسوم آنجق دوائر رسمیه سائر دعاوی جزائیه سنده استیفا اولان خرج ورسومك عینی اوله جقدر .

ماده : ۴۱ اداره انحصاریه محافظه مأمورلریله دوائر رسمیه نك عینی وظیفه ایله مكلف مأمورلری وضابطه عدلیه وعلی العموم قوه اجرائیه مأمورلری اشبو قانونه مخالف حرکاتك وقاچاقلیق افعالنك تعقیب و تحقیق وقاچاق اشیانك ضبطی ایله مكلفدرلر . تنظیم ایده جكبری ضبط ورقه لری اشبو قانون احكامنك تطبیق ایچون بلا تأخیر اداره انحصاریه اعطا ایده جكلدر .

رلی ویاخود اجنبی توتونلرینه متعلق قاچاق وقوعاتی حقنده كمرک اداره لری وعسکری حدود ویا خطوط حدیده قوردونلری وسواحل محافظه مأمورلری وپولیس صندالری دخی عینی صورته ایفای وظیفه ومعامله ایده جكلدر .

قاچاق توتون و اشیانك تحقیق و ضبطی حقنده تنظیم اولان ضبط ورقه لری ، ساخته لكبری ادا اولنتجهیه دكین معتبر و معمول به در .

دوائر حكومت و بلدیة دائره لری و امتیازلی شركت اداره لری و بالتخصیص نقلیه شركتلیله پوسته اداره لری خبردار اوله جقلری قاچاق وقوعاتندن اداره انحصاریه معلومات ویره جكلر ومحافظه مأمورلرینك معاملات واجرا آتی تسهیل ایده جكلدر .

ماده : ۴۲ توتون قاچاقچیلغنده جرم مشهود حالنده طوتیلانلر اداره انحصاریه مأمورلری ویا حكومتك قوه اجرائیه سی ویاخود قاچاق اشیاء تحقیق و در دستیه مكلف سائر اداره مأمورلری طرفندن اك یقین پولیس مركززیه كوندریلیر . مجرم ثابت بر اقامتگاهنی كوستره مدیكی حلاله ترتب ایدن جزای نقدی یی دیپوزیتو صورتنده اداره انحصاریه تسلیم اولنق اوزره تأدییه ویاخود معتبر بر كفیل ارانه سیله جزای مذكوری تأمین ایتكه مجبوردر . بونی ده یاپه مدینی تقدیرده صدور ایده جك اعلامك موقع اجرایه وضعنه دكین موقتاً توقیف طلبی ایچون مدعی عمومی معاونلكنه تسلیم اولنور .

ماده : ۴۳ تعقیبات ومحاكماتك اجراسی اداره انحصاریه طرفندن اولسایده استدعا ودعوی وقوع بولسنه متوقفدر .

مدعی عمومیلرله معاونلری حكم وقرار علیه رأساً اعتراض واستیناف وتمیز ایده منزلر .

ماده : ۴۴ زراعتك تفتیش ومراقبه سی حقنده كی احكام قانونیه مخالف حرکاته آتیده كی احكام جزائیه تطبیق اولنور . شویله كه :

۱ — بلا رخصت ویاخود رخصت تذکره سنی استحصال ایتهدن اول فدانلق ایچون تخم ویا توتون ایچون فدان زرع وغرس ایدنلردن هر بردونم ویا دونم كسوری ایچون ایكی بچق لیرا جزای نقدی تحصیل اولنورق مزروعات واقعه، اشبو قانونك ایكنجی فصلنده محرر شرائط دائره سنده ومعین محللرده ایسه، قلع

ایدلیه رك رخصتی عدایله اصولاً تحریر اولنور . عكسی تقدیرده جزای نقدینك تحصیلیه برابر مزروعات واقعه ده احما ایدیلیر .

رخصت تذکره سنده كوستریلن مساحه سطحیه نك فضله سنده وقوع بولان توتون زراعتی ایچون عینی معامله تطبیق اولنور ؛

۲ — مدت قانونیه سندن صوكره قالان فدانلری قلع و احما ایتیانلردن وكذلك محصولی طوبلادقن صوكره كوكلرینی قلع و احما ایتیانلردن بر عثمانلی آلتونندن بش عثمانلی آلتونه قدر جزای نقدی تحصیل اولنقله برابر فدان و كوكلر دخی مصارفی كندیلرینه عائد اولنق اوزره قلع و احما ایدیلیر ؛

۳ — توتونك تارلالرده تحریر و قیدندن اول طوبلانش یپراقلری كتم ایدنلردن ، فیلز یپراقلری طوبلایانلردن ، یوقلمه معامله سنده نذرلنده كی توتونی كوسترمیانلردن هر برکیلو ویا كسور کیلودن بر عثمانلی آلتونی جزای نقدی اخذ ومذكور توتونلر ضبط ومصادره اولنور ؛

۴ — تحریر وقید اولان محصولك مقادیر و انواعی ایله انباره نقل وتسليم ایدیلن مقادیر و انواع میاننده نقصانی تبیین ایدنلردن هر برکیلو ویا كسور کیلودن بر عثمانلی آلتونی جزای نقدی اخذ اولنور و نقصان توتونلر كشف اولندیخی تقدیرده ضبط ومصادره ایدیلیر . مع مافیه زراع طرفندن هر كونه محكومیتدن مقدم و نهایت در انبار مدتك انقضا سندن اعتباراً ایكی آی ظرفنده انباره تسلیم ایدیله جك اولان توتونلر ایچون بوتأخرندن طولای جزای نقدی اوله رق هر برکیلو ویا كسور کیلودن بر چاریك لیرا اخذ اولنور .

ماده : ۴۵ اشبو قانونك سكرنجی ، یكرمی ایكنجی و یكرمی آلتنجی ماده لری احكامنه مخالف اوله رق نقل وامرار اولان توتونلر مصادره ومجرمدن بهر کیلو توتون ویا كسوراتی ایچون بر عثمانلی آلتونی جزای نقدی تحصیل اولنور .

توتون نقلنه قوللانش اولان حیوان، آرابه، مراكب بحریه وسائر بالجله اشیاء نقلیه تحصیلی لازم كلن جزای نقدی اثمان صافیه سندن استیفا اولنق اوزره ضبط وفروخت اولنور وبوكفایت ایتدیكی تقدیرده اداره انحصاریه جزای نقدینك تماماً استیفا سی ایچون مجرمك سائر بالجله اموال منقوله وغیر منقوله سینه مراجعت حقنی حائردر .

ضبط اولان اشیاء وحیواناتك اصحابی جزمده ذی مدخل اولمسه لرلیله بونلرك استرداد ایچون ویا سائر بر ادا ایله اداره انحصاریه قارشى خصم اوله میوب آنجق قاچاق یولنده كندی ماللرینی استعمال ایتیش اولانلر علیه تظلمات دعوا سنده بولنه بیلیرلر .

ماده : ۴۶ اشبو قانونك یدنجی ماده سی احكامنه مخالف اوله رق یدنده توتون بولنانلردن اللرنده ضبط ایدیله جك اولان توتونلرك مصادره سیله هر برکیلو ویا کیلو كسور اتندن بر عدد عثمانلی آلتونی جزای

نقدی تحصیل اولنور. قاجاق توتونلری بولندینی محللرک متصرف ویا مستأجرلری ده توتوننک وجودندن خبرداره اولدیلری حالده جزای تقدینک تأدیه سنه متسلسلاً ضامدرلر .

اشبو قانونده قاچاغه صرف ایدلش عد ایدیلان توتونلر وقاچاقچیلق نظریله باقیلان افعال حقنده عینی جزای نقدی تطبیق اولنور .

ماده : ۴۷ توتون قیمغه ویاخود یاپراق سیغاره سی، سیغاره، انفی و آغز توتونی اعمالنه صالح ییاق، هوان و آلت مخصوصه ایله سائر آلات وادواته بیلهرک مالک اولانلردن وبونلری هر نه صورته اولورسه اولسون اعمال ویا فروخت ویا نقل ایدنلردن بهر آلت ایچون اون بش لیرادن یکر می بش لیرایه قدر جزای نقدی تحصیل و آلات وادوات ضبط ومصادره اولنور .

سیغاره اعمالنه وهر نه شکله اولور ایسه اولسون معمول توتونلرک پاکت ایدلمسنه مخصوصیتنی مبین مارقه ویا زی و امثالی علامت فارقه بی حاوی اوله رق استوانه حالتده سیغاره کاغدی وقوطولری و امثالی اعمال ایدنلردن ویا یدلرنده بولندیرانلردن یکر می بش لیرا جزای نقدی تحصیل و اشیای مذ کوره ضبط ومصادره اولنور .

ماده : ۴۸ اداره انحصاریه نك باندرول وعلامات مخصوصه سنی ساخته اوله رق ویا خود اداره انحصاریه نك علامات و اشاراتی تقلید ایدهرک سیغاره کاغدی وزیوانه سی، قوطو وقابلی اعمال واستعمال ایدنلر ویا اقامتگاهلرنده ویاخود تحت اداره لرنده بولنان محللرده حفظ ایلانلر جزا قانوننک یوزالنجی ماده سی احکامنه توفیقاً حبس ایله مجازات اولنورلر .

بو اشیانک جمله سی ضبط ومصادره ایدیلر .

بوندن بشقه اداره انحصاریه نك بویوزدن دوچار اوله جنی ضرر و زیانی تضمینه مجبوردرلر .

ماده : ۴۹ قاجاقچیلق جرمیله محکوم اولان توتون دکانجیسی قاجاقچیلق فعلندن طولانی ترتب ایدن جزای تقدیدن بشقه الی عدد عثمانلی آلتونی جزای نقدی اعطا ایله محکوم اولنور ویدنده کی بیعه تذکره سی حکمسز قالیر .

ماده : ۵۰ اداره انحصاریه نك تعرفه سنده محرر فیئاتدن فضله یه توتون ساتان وتابع اولدینی اداره نك دپوسندن طوغریدن طوغری یه ساتون آلمقدن غیری بر صورتله توتون اشترا وتدارک ایدن دکانجیلردن ایکی عدد عثمانلی آلتونی جزای نقدی تحصیل اولنور ویدنده کی بیعه تذکره سی حکمسز قالیر .

ماده : ۵۱ مسکنلرنده قاجاق توتون ساتار ایکن طوتیلانلر یاخود حین بیعه طوتلسون طوتلسون قاجاق توتون قولتقچیلغی ایدنلردن توتونلری صامغه ویا قولتقچیلغه مخصوص آلات نقلیه ضبط ومصادره اولنقله برابر توتونلرک بهر کیلوسندن ایکی عدد عثمانلی آلتونی جزای نقدی تحصیل اولنور .

هر نه صورته اولور ایسه اولسون توتونلر قاجیرلینی حالده جزای تقدیسی تخمین ایدیله جیک مقدار اوزرینه استیفا اولنور .

ماده : ۵۲ کرک اداره انحصاریه نك معمولاتی وکرکسه اجنیدن ادخال اولنوب باندرول وعلامت مخصوصه یی حامل اولان اجنبی معمولاتی بیعه تذکره سی اولمقسنزین ساتانلردن ویاخود آنلرله قولتقچیلق ایدنلردن نظاماً معین اولان بیعه رسمنک ایکی قاتی تحصیل اولنور .

ماده : ۵۳ اشبو قانون ایله نظامنامه مخصوص احکام سائر سنه مخالف حرکتده بولنانلر ایله اداره انحصاریه حقوق ومنافعنک ضیاعنی موجب افعال ارتکاب ایدنلردن، حرکات واقعه لری حقنده بو فصلده بر جزا تعیین قلمماش بولنور ایسه بر عثمانلی آلتونندن یکر می عثمانلی لتونه آقدر جزای نقدی تحصیل اولنور .

ماده : ۵۴ اشبو قانون احکامنه مخالف افعال وحرکات ویاخود قاجاقچیلق جرم لری تکرر ایتدیکی تقدیرده ویا مقاومت فعلیه ایله ویاخود ساخته اوراق استعمالیه اجرا ایدلیدیکی حالده قانون جزانک متعلق اولدینی احکام جزائیته نك تطبیقنه خلل کلامک اوزره قانوناً معین اولان جزای تقدیر ایکی قات اوله رق تحصیل اولنور .

اشبو قانونه مخالف حرکتده بولنانلره ویاخود قاجاقچیلق ایدنلره وساطت ویا ارائه سهولت ایدنلر ترتب ایدن جزای نقدی بی متسلسلاً تضمینه عینی اعلام ایله محکوم طوتیلیرلر .

جزای نقدی یه متعلق مواده اداره انحصاریه، نظامنامه مخصوصنده کی شرائط دائره سنده عقد صلح ایده ییلیر .

ماده : ۵۵ اشبو قانونه مغایر حرکت ایدن مأمورلره جزای نقدی حکم اولنقله برابر منسوب اولدقلری نظارت ویا دوائر طرفندن آریجه اداره تجزیه ایدیلیرلر .

ماده : ۵۶ اشبو قانون احکامنه مخالف حرکتده بولنانلر ویا قاجاقچیلق، محکوم اولدقلری جزای نقدی یی ایفا ایتدکلری حالده بهر ربع لیرا ایچون برکون مدت حسابیله حبس اولنوب حکمک اجراسنه اجبار ایدیله جکلردر . هر حالده حبس مدتی بر سنه یی تجاوز ایده منر .

مدت حبس اوچ آیدن فضله بر مدت ایچون تعیین ایدلش بولنورسه محکوم علیه اوچ آی مدت حبسدن صکره جزای نقدی یی ایفایه مقتدر اولدینی اثبات ایدر ایسه تخلیه ایدیلیر .

لکن محکوم علیه محبوس قالدینی بهرکون ایچون فقره سابقه موجبنه بر چاریک لیرا تنزیل اولندقدن صکره متباقی مبلغی تأدیه ایدر ایسه جزای نقدی مقامنه قائم اولان حبس جزاسنی اسقاط ایده ییلیر .

ماده : ۵۷ قاجاق توتونی وقوعاتنه متعلق دعوالر بلا تأخیر رؤیت اولنور و حکملری دخی دعوی ویا اعتراض واستیناف وتمیز استدعالرنک تاریخ تقدیمندن اعتباراً اون بش کون ظرفنده اعطا وتفهم ایدیلیر . محکمه رئیس حکمک تاریخ تفهیمندن اعتباراً اعلامی یدی کون ظرفنده تنظیم واداره انحصاریه یه اعطا ایله مکلفدر .

کذلک اجرا دائره سی معاملات اجرائییه یی بلامهل وتأخیر اکاله مجبوردر .

- ماده : ۵۸ الی عثمانلی آلتونندن دون جزای نقدی دعواری حقنده ویریلن اعلام قابل استیناف دکلدر .
- ماده : ۵۹ اشبو فصلده کی مواد واحکام یرلی تنباکویه متعلق معاملات ومحاکماتده دخی عیناً اجرا اولنور .

مواد شتی

ماده : ۶۰ تجارت مقصدیله اولیوب زراعتک نفع عمومیسینی ایچون اداره انحصاریه نك زراعه ایده . بیلجکی ستقراضات توتونلرك اخراجات ایچون آخره صائلمسینه مانع دکلدر . شوقدرکه اداره انحصاریه نك بو محصول اوزرنده قانوناً بر حق رهنی اولوب توتونلرك بیع و دورندن اول اقراض واقعدن طولای آلاجغنی استیفا ایدر و مذکور توتونلرك بدلنه وینه کفایت ایتمزایسه اداره انحصاریه مدیونك بالجمله اموال منقوله و غیر منقوله سنه مراجعتله استیفای مطلوب ایدر .

ماده : ۶۱ انحصارک مأمورین اداریه سی وظیفه مأموره لرینک ایفاسنده دیون عمومیه مأمورلری کبی معامله کوره جکلدر .

اجنبی مأمورلر ، مأمورین مذکورنك یوزده اوتی تجاوز ایتمیه جکلدر . شرکتک محافظه مأمورلری مأمورین ضابطه نك انتخابنده آریانلان اوصاف اخلاقیه یی حائر اولانلر میانندن شرکتجه انتخاب ایدیله جک ووظائف مأموره لرینک اجراسنده مأمورین ضابطه نك حقوق ووظائفی حائر اولوب حقوق ووظائف مذکورنی قانون دائره سنده ایفا ایده جکلری کبی ژاندارمه ده استعمال اولتان اک صوک سیستم اسلحه ایله مسلح بولنه جکلدر .

حکومت سنیله بالجمله وسائطی وازجمله قوه ضابطه سی استعمال ایده رک قاجیلغک تعقیب ومنعی ایچون تشریک مساعی ایده جکلدر . بوندن ماعدا لزوم کوریلن یرلرده قاجیلری تعقیبه انحصار مأمورلرینه معاونت ایتمک ایچون ژاندارمه قوللری تخصیص ایدیله جکلدر .

حکومت سنیله اشبو ژاندارمه قوللرینک مقدارینی هر محل ایچون آبروجه انحصار اداره سیله بالمذاکره تعیین ایده جکلدر .

ژاندارمه تشکیلاتی اجرا واکمال ایدلجکه امور محافظه نك تدریجاً ژاندارمه یه تودیعی حکومت سنیله ایله اداره انحصاریه جه قرارلشدیریله جکلدر .

ماده : ۶۲ اشبو قانونک وسائط وصور تطبیقیه سی بر نظامنامه مخصوص ایله تعیین اولنه جکلدر .

ماده : ۶۳ اشبو قانون ایله نظامنامه مخصوص موقع اجرایه قوندیغی آنده زراعتک رژی یه ورژینک

زراعه قارشى اولان حقوق ووظائفنه واحکام جزائییه دائر ۱۵۰۲ کانون اول ۱۳۰۲ تاریخی نظامنامه وعلی العموم اشبو قانون ایله نظامنامه مخصوصه مخالف هرکونه مقررات وتعلیمات مفسوخ بولنه جکلدر .

ماده منضمه

ماده : ۶۴ ممالک عثمانیه نك انحصار اصولی الیوم جاری اولیلان قطعات معلومه سنده دخی اشبو قانون ایله نظامنامه مخصوص احکامنه توفیقاً انحصار اصولنک تطبیقی ایچون تدریجاً تدابیر مقتضیه اتخاذ اولنه جکلدر . قطعات مذکورده زراعتک ومحصولک مراقبه وتفتیشنه وبونلرك تابع اولدقلری رسومه دائر نظاماً وتعاملاً جاری اولان اصول وقواعد شمیدیک سابقی وجهله تطبیق اولنه جکلدر .

ماده : ۶۵ اشبو قانونک اجراسنه حربیه ، داخلیه ، عدلیه ومالیه ناظرلری مأموردرلر . مجلس عمومینک انعقادنده قانونیتی تکلیف ایدلک اوزره اشبولایحه قانونیه نك موقتاً موقع مرعیتیه وضعی وقوانین دولته علاوه سنی اراده ایلدم .

۱۹ جمادی الاولی ۱۳۳۲ ۲ نیشان ۱۳۳۰

محمد رشاد

عدلیه ناظری	داخلیه ناظری ومالیه ناظری وکیلی	حربیه ناظری	صدراعظم
ابراهیم	طلعت	انور	محمد سعید

مربوط

توتون زراعتی ایچون رخصت ویریله جک محللی قضا و ناحیه اعتباریله کوسترر جدل

اشبو محللرک تابع بولندینی ولایت و یامستقل سنجاقلر

تونون زراعتی ایچون رخصت ویریله جک محللر

ادرنه قرق کلیسا ، لوله برغوس ، ویزه و تکفور طاعی قضالری

هزار بحر سفید مولوه وسافر قضالری

هائیک صامسون ، چهارشنبه و باقره قضالری

سیواس توقاد ، اربعه ، نیکسار و زیله قضالری

طربزون ، اردو و پولاتخانه قضالری

آبیه سوکه ، دکزلی ، مغنیا ، آق حصار ، قصبه ، صالحی ، مغله ، میلاس ، اوده مش ، تیره ، بایندر ، برغمه ، قوش آطه سی ، نیف و بودروم قضالری }
طوبه لی ، دکرمنجک و سیدی کوی ناحیه لری

ایزمیت ، آطه بازاری ، قندره و قره مرسل قضالری

بروسه ، بازار کوی ، کرماسی ، بیله جک و اینه کول قضالری

قره سی بالیکسر ، کونان و صندری قضالری

قسطمونی ادرمیدک آغونیه ناحیه سی

سینوب قضاسی

استانبول ککبوزه و شیله قضالری

بولی بارطین و دوزجه قضالری

بیروت { لاذقیه قضاسی
جبله »
صهیون »
ابوریحه تسمیه اولنان توتون ایچون

قونیه صیدا و صور قضالری

بتلیس حمید آباد قضاسی

موصل بتلیس و موش قضالری

کوی سنجاق ، رواندز ، رانیه ، سلیمانیه ، شهر بازاری ، بازیان ، کل عنبر و معموره الحمید قضالری

هلب عینتاب قضاسی { حسن کیف تسمیه اولنان توتون ایچون

تلیفات عمریه

عمریه نظارت مجلیه سنه ۱۳۳۰ جلد دوم و لایات رالویه مستقر ایلد عمریه مفتحه معادن نظریه نظیر اولنامه ۳ نیا سنه ۳۳۰ تاریخلی خبرات عمومی صوریندر :

« استملاک قرارنامه سنک برنجی و ایکنجی ماده لرینی معدل قانونه آدر »

برنجی ماده — اول ۲۱ جمادی الاولی ۱۲۹۶ تاریخلی استملاک قرارنامه سنک برنجی ماده سی بروجه آتی تعدیل اولمشدر :

« مجدد آ سوقاق و میدان و بازار یرلری واسکله کشاد و تأسیس و یا توسیعی و مملکت باغچه لری و مسیره لر و صو یوللری تنظیمی و نهر و جدوللرک سیر و سفائنه قابل و طغیان حائل صورته کتیرلمسی و لیان و دوق و دمر و شوسه یوللری و چشمه و یازغین حوضلری و خسته خانه و دارالعیزه و دارالایتام و قشله و حکومت قوانغی و حبس خانه و طرف دولدن و جماعات جانبندن عمومی مکتبلر تأسیسی حفظ صحت و دفع مضرت بلده یه عائد بالمله انشا آت و عملیات ایلد منافعی عمومیه شامل خصوصیات سائر ایچون بالتقدیر بدل مثلی ویریلرک اصحابندن اینیه لی و اینیه سز اراضی و چفتلکات مبیعه سنه منافع عمومی ایچون استملاک اطلاق اولنور. »
ثانیاً — مذکور قرارنامه نیک ایکنجی ماده سی بروجه زیر تعدیل اولمشدر :

« بر ولایت مخصوص اوله رق اجرا اولنه حق اعمال و انشا آتک منافع عمومی ایچون اولدیغنه او ولایت مجلس اداره سنجه قرار ویریلر و والی و لایتک امر و تصدیقیله اجرا اولنور . شو قدرکه بیوک قطعه ده اراضی و چفتلکات استملاک کنده منفعت عمومی قرار ی داخلیله نظارتک اشعار ی اوزرینه مجلس وکله جه اتخاذ ایدیلر . ایکی ودها زیاده ولایت بیننده مشترک اولان عملیات جسیمه ایچون شورای دولنجه قرار ویرلمک و بالاستیدان اراده سنیه استحصا لولنق لازمه در . »

ایکنجی ماده — اشبو قانون تاریخ نشردن اعتباراً مرعی الاجرادر .

اوچنجی ماده — بو قانونک اجراسنه هیئت وکلا مأموردر :

اشبو لایحه قانونیه نیک مجلس عمومینک کشانده قانونیتی تکلیف ایدلمک اوزره موقتاً موقع مرعیتیه وضعینی و قوانین دولته علاوه سنی اراده ایلدم ل : جمادی الاخره سنه ۱۳۲۲ و ۱۷ ل نیا سنه ۳۳۰

محمد رشاد

داخلیه ناظری حربه ناظری شیخ الاسلام و وقاف هایون ناظری صدراعظم و خارجیه ناظری
طلعت انور خیری افندی محمد سعید

نافعه ناظری شورای دولت رئیسی مالیه ناظری بحریه ناظری عدلیه ناظری
عمود خلیل جارید احمد جمال ابراهیم

پوسته و تلغراف و تلفون ناظری معارف ناظری تجارت و زراعت ناظری
اوسقان افندی احمدشکری سلیمان البستانی

بالعموم استیفاف مدعی عمومیلطریله الویه مستقر معاندرینه وعدلیه مفسره

معاندرینه ۲۸ نیسانه ۳۳۰ تاریخنده تعیناً تبلیغ اولمشدر

« شورای دولت هیئت عمومی سنک ۱۴۷ نومرولی مضبطه سی صورتی »

عقب جرمده لاجل المعاینه مأمورین عدلیه جانبندن کوندربلن مضروبین و مجروحین خفیه اطباچه ویریله جک راپورلردن دستورده مندرج تجارب و تحلیلات کیمیویه وسائر رسم وقلمیه سی تعرفه سی موجبنه برر مجیده اجرت و ایکیشر غروشلق تمغا رسمی اخذ و استیفا سی لازم کله جکله دائر اتخاذا اولنان قراری تأییداً تنظیمات دائره سنده اکثریتله تنظیم و تقدیم قلنان مضبطه موجبنه سبق ایدن تبلیغ سامیه جواباً عدلیه نظارت جلیله سندن بالتقدیم شورای دولته حواله بیوریلان ۱ تشرین اول ۳۲۹ تاریخ و اوچ یوزسکن اوچ نومرولو تذکره هیئت عمومی ده قرائت اولدی .

مألده دائره مشارالیه قراری ذکر اولنان تعرفه قانون حکم و ماهیتده اولوب برقره سنده [هر نوع دعوايه ووصی نصبه دائر رسماً معاینه ایدیلنلردن برر مجیده قلمیه خرجی آله جنی] علی الاطلاق مصرح بولدیغنه و بالاخره موقع مرعته موضوع خرج تعرفه سیله اشبو حکمک ابطال ایدلیکی حقه بر قید بولنه مدیغنه بنا اولنیورسده قرق اوچ سنه اول تنظیم قلنان تعرفه مزبورده جرائمه متعلق راپور ایچون اجرت آله جغه دائر صراحت اولمایوب انک محکی فقره سی دخی دلالة و اطلاقاً معاینات جرمیه غیر شامل اولدیغی شمدی یه قدر اصلاً تطبیق اولنماسیله مثبت بولدیغنه و اطبای موظفه نك مرضای اهالی یی مجاناً تدوی ایتکده اولدقلری شودورده ایادی متجاوزة مجرمین ایله محتاج معاینه اولان مغدورین خلقک مساعده مبحوئه انسانیتکارانه دن استفاده ایتاملری موافق معدلت اوله مایه جنی کبی اساساً تدوی درجه سنه و ارمیان معاینه عادیه نك اولی بالطریق مجاناً معامله یه تابع اولمق لازمکله جکی مقتضیات منطقیه دن ایدوکنه و مجرمله اعطا ایدیله جک حکملرده تقدیرات حکامه میزان و مقیاس اولان معاینه راپورلرینک کرک معجلاً و کرک مؤجلاً اولسون اجرت اعطاسیله مقید اولسی جرائمدن متضرر اولانلر ایچون حکومتک پناه عدالت و رأفته مراجعت امرنده مانعه تشکیل و تأثیرات مهمه رسمیه یی تشویش و اخلال و جریان عدالتی بالوجوه اشکال ایده جکله و بناءً علیه مضروبین و مجروحین حقه کی معاینه طیه نك رسم و اجرت اخذینه تابع اولسی قطعاً جائز و قابل اجرا اوله میه جغه نظراً کیفیتک برکرده هیئت عمومی ده مذاکره سی لزومی کوسترلمشدر .

ایجابی لدی المذاکره تنظیمات دائره سنک موضوع بحث اولان مضبطه سنده معاینه راپورلرینک اجرت و تمغا رسمنه تابع اوله جغه دائر رأیک موافق اولدیغی هیئتدن کمال الدین بک جانبندن درمیان قلنمش ایسه ده دائره مشارالیه نك رأی اقلیتی طرفندن بیان اولندیغی اوزره معاملات جزائیه ده آلمسی لازمکلان خرجلر الیوم دستور العمل اولان خرج تعرفه سنه ربط ایدلمش اولدیغندن و بوندن قرق اوچ سنه اول تنظیم ایدلمش اولان

تجارب و تحلیلات کیمیویه وسائر رسم وقلمیه تعرفه سنک حکمی قالماش اولسنه و خرج تعرفه سنده لدی الحاجه طیبیلره ویریله جک اجرتلر حقه معلومات اولسی مطالعات مذکوریه یی مؤید اولقله برابر اشعار نظارت دخی تعرفه مذکور نك شمدی یه قدر عدم تطبیق مرکزنده بولسنه و بوجه ایله برابر ضرب و جرح کبی جرائم و قوعنده رسماً معاینه ایدیلنلردن اله جق یکرمی غروشلک « قلمیه » نامیله استیفا ایدیله جکی اولباده کی تعرفه ده مصرح اولوب حالوکه قلمیه ذاتاً ملغا بولندیغی جهته امور جزائیه دن طولانی مأمورین صحیه رسمیه طرفندن معاینه ایدیلنلردن یکرمی غروشلک استیفا سنه و بو اعتبار ایله مساع دخی کویله مامسنه و سم تمغا قانوننک معافاته دائر اولان یکرمی یدنجی ماده سنک سکرنجی فقره سنده امور جزائیه دن طولانی اهل خبره طرفندن تنظیم اوله جق راپورلرک تمغا رسمندن معفو اولدیغی صراحتاً مذکور اولقله برابر شمدی یه قدر جریان ایدن معاملات دخی بو مرکزده اولدیغی جهته خصوصات مذکوریه دائر تنظیم ایدیله جک طیب راپورلرینک رسم تمغان معافیتی طبیعی کورلمسنه بناءً حالات مماثلده اول صورته ایضاً معامله ایدلمسی لزومک داخله وعدلیه و مذاهب نظارتلرینه تبلیغی اکثریتله تذکر قلندی .

شورای دولت هیئت عمومی سنک صورتی بالاده محرر مضبطه سنده مندرج اکثریت قراری موجبنه داخله نظارت جلیله سنه تبلیغات ایفا قلنمش اولدیغی بیان عالیسنه نظارتجه دخی اجرای ایجابی بایبورلدی سامی امر و اشعار بیورلمش اولمغه اولوجه ایضاً مقتضاسنک لازمکلره تبلیغی توصیه اولنور .

ل جمادی الاخره سنه ۳۳۲ و ل نیسان سنه ۳۳۰

عربیہ نظارت جلیله سنده تطبیق اولان ۳ مایس ۳۳۰ تاریخخی تحریرات عمومی صوریندر :

« ژاندارمه ایله اشقیا و قاجیلر آره سنده وقوعه کلن مصادمه لرده ژاندارمه لرک صلاحیت قانونیه لری دائره سنده استعمال سلاح ایدوب ایتدکلرینک تدقیق دیوان حرب عسکری یه عائد اولدیغنه دائر »

ژاندارمه ایله اشقیا و قاجیلر آره سنده وقوعه کلن مصادمه لرده ژاندارمه لرک صلاحیت قانونیه لری دائره سنده استعمال سلاح ایدوب ایتدکلرینک تدقیق اوچ یوز یکرمی الی تاریخی تعلیماتک احکامی ژاندارمه یه تشمیل ایدن قانون موقتک التنبی ماده سی موجبنه دیوان حرب عسکری یه عائد بولندیغی حالده بعض محللرجه امر محاکمه نك محاکم عدلیه یه عائدیتی ادعا ایدلمکده بولندیغی معاملات جاریه دن مستبان اولدیغندن بختله کیفیتک اقتضا ایدلره تبلیغی عموم ژاندارمه قوماندانلغنک اشعار ینه عطفاً داخله نظارت جلیله سندن بانذکره بیلدیرلمشدر

۲۸ کانون ثانی سنه ۱۳۲۷ تاریخی ژاندارمه قانون موقتک التجی ماده سنده ژاندارمه قوئی مسلح بر هیئت انضباطیه اولمق اعتباریه عندالایجاب محافظه امنیت و اسایشه مأمور اولان صنوف مختلفه عسکریه نك تطبیق ایله مکلف اولدقلری بیک اوچیوز یکریمی التي تاریخی تعلیمات دائره سنده حرکتیه مآذون اولدقلری و بو تعلیمات احکامی اجرا صره سنده ژاندارمه لک وظیفه لرینی تجاوزی صورتیه وقوعه کتیر دکلری ادعا اولنان افعالین طولایی تعقیب و محاکمه لرینک دیوان حربیه عائد بولدیغی مندرج اولسنه و سالف الذکر تعلیمات ۲۷ تشرین اول سنه ۱۳۲۶ تاریخی محررات عمومیه ایله تبلیغ ایدلمش بولسنه مبنی احوال مماثلده احکام قانونیه دائره سنده معامله ایفائی لزومی استیناف مدعی عمومیلک لرینه تعمیماً توصیه و تبلیغ قلمش اولدیغی کبی اشبو تحریراتک نسخ مطبوعه کافیه سی دائره مأموریتلری داخلنده کی محاکمه لاجل التوزیع لفأ ارسال قلمشدر

عربیه نظارت جلیله سنده نظیر اولنامه ۵ مابسی ۳۳۰ تاریخی تحریرات عمومیه صورتیه :

« اقامتکاهی مجهول اولان مظنونلر حقنده »

اقامتکاهی مجهول اولان مظنونلر حقنده کی احکام صادره تنفیذ اولمه مامقده و بویوزدن بر چوق اعلامات حالیه قالمقده اولدیغندن بحثله اولنه جق معامیه بعض محللردن استفسار اولنسی اوزرینه کیفیت انجمن عدلیه لیدی الحواله انجمن مزبور دن تنظیم و تودیع اولنان مذکرده اقامتکاه تعیینی صورتیه تنظیم واعطا قلدان سنداته مستنداً وقوع بوله جق تبلیغات صره سنده مرجعی خبردار ایتکسزین اقامتکاهی تبدیل ایتمش اولدیغی اکلاشیلان مظنون علیک و سائر تبلیغات اجرا سنه صالح کیسه نك بولنه مامسی تقدیرنده آریجه تحریرینه لزوم کورولیه رک اوراق عدلیه نك اقامتکاه منتخبنک قپوسنه تعلیق و جریان حالی مبین ضبط ورقه سی تنظیم ایدلسی صورتیه توثیق اولنه جق معامله تبلیغیه نك قبولی قانونک احکام عمومیه سنه و اقامتکاه سندلرینک مقصد تنظیم و شکل قانونیلرینه تماماً موافق و معاملات جزائییه نك تأخردن و فایه سنه و سلامت جریانیه خادم کورلمش اولدیغی بیلدیرلمش و انجمن مذکورک قرار واقعی موافق کوروله رک بالعموم استیناف مدعی عمومیلک لرینه تبلیغ ایدلمش اولغله دائره مأموریتک زجه ده اولوجه له اقتضاسی ایفا ایدلمک اوزره اشبو تحریراتک مطبوع نسخه لرندن کافی مقداری لفأ ارسال قلمشدر .

عربیه نظارت جلیله سنده نظیر اولنامه ۶ مابسی ۳۳۰ تاریخی تحریرات عمومیه صورتیه :

« هر قضا داخلنده قره غوللرک موقعلریله قره غول دائره سنک احتوا ایتدیکی قرانک اسامیسی و بوقریه لرک عائد اولدقلری قره غوله بعد مسافه لری ایله هر قره غوله مستخدم ژاندارمه نك عددینی مبین مصدق بر جدولک مدعی عمومیلره تودیگی لزومنه دائر »

۲۷ شباط ۳۲۹ تاریخی تحریرات عمومیه ذیلدر .

مأمورین ضابطیه تودیع اولنان اوراق عدلیه ایجاباتک بلا تأخر اجرایی امکائی تأمینیه مدار اولمق اوزره هر قضا داخلنده موجود قره غوللرک موقعلریله قره غول دائره سنک احتوا ایتدیکی قرانک اسامیسی و بوقریه لرک عائد اولدقلری قره غوله و قره غوللرک مرکز قضایه درجه بعد مسافه لری ایله هر قره غوله مستخدم ژاندارمه نك عددینی مبین مصدق بر جدولک مدعی عمومیلره تودیگی لزومنک ایجاب ایدنلره تبلیغی داخلیه نظارتیه اشعار اولنمش ایدی .

نظارت مشارالیه دان وارد اولان تذکره جوابیه ده جهت عدلیه دن تودیع اولونه جق مذکره لرک حین تنظیمنده هر قریه نك مربوط اولدیغی قره غوله و هر قره غولک مرکز اولان بعد مسافه لرینک و قره غوللر آره سنده صورت معینه ده اجرا اولنان مخابره و کویلرده ایفا ایدیلن دوریه کونلرینک جهت عدلیه جه نظر دقه آلمسی مقتضی اولدیغندن بو خصوصدن دولایی هر قره غوله بولنه جق افرادک عددینه وارنجیه قدر تفصیلاتک تعقیبه لزوم اولمایوب سالف الذکر اساس نظر دقه آله رق آکا کوره قضا ژاندارمه قوماندانیله محلی مدعی عمومیه سی آره سنده اتخاذ تداییر اولنسی مناسب اوله جنی عموم ژاندارمه قوماندانلغی و کالتی افاده سنه عطفاً بیلدیرلمش و بوضورت نظارتجه ده تصویب ایدیلره رک ژاندارمه قوماندانلقلرینه ده وصایای مناسبه اجرایی داخلیه نظارت جلیله سنه اشعار قلمش اولغله اولوجه له اجرای ایجابی توصیه اولنور .

عربیه نظارت جلیله سنده نظیر اولنامه ۸ مابسی ۳۳۰ تاریخی تحریرات عمومیه صورتیه :

« ممالک عثمانیه ده ساکن تونسلیلرله فاسلیلره و فرانسه تبعه سنک ، صورت توقیف و حبسلرینه دائر »

ممالک عثمانیه ده ساکن تونسلیلرله فاسلیلره و فرانسه تبعه سنک صورت توقیف و حبسلرینه دائر خارجیه نظارت جلیله سیله در سعادت فرانسه سفارتی آره سنده عقد ایدیلوب تصدیق عالی حضرت پادشاهییه اقتران ایدن و ۲۹ نیسان ۱۳۳۰ تاریخ ویوز یکریمی یدی نومرولو تذکره سامیه ایله تبلیغ بیوریلان ائتلافنامه نك ایکنجی ماده سنده « حکومت عثمانیه ایله فرانسه حکومتی بیننده اولبابده یکی بر ائتلاف حصوله کلنجهیه قدر

مأمورین متعلقه عثمانیه طرفندن فرانسه تبعه سینه قارشو اصولاً اصدار اولنان اوراق عدلیه بی تبعه مرقومه حقنده یالکز فرانسه قونسلوسی مأمورلری اجرا ایده بیله جکدردر . مع مافیه مأمورین عثمانیه کړک جرم مشهود حالنده و کړک ۷ صفر ۱۲۸۴ تاریخی قانونه مذیل اولوب احکامی اشبو اثتلافنامه ایله اصلاً فسخ ایدلیان پروتقوله مصرح بولنان احوالده فرانسه تبعه سندن برینی بالآخره کړک محاکم فوق العاده وکړک محاکم عادیه عثمانیه به تودیع ایدیله جک اولسه بیله مدت قلیله ممکنه ونهات یکریمی درت ساعت ظرفنده اک یقینده بولنان قونسلوسخانه مأمورینه تسلیم ایتک شرطیله بالذات توقیف ایتک صلاحیتنی حائز اوله جقدردر . امر توقیف قونسلوسخانه بولنیان بر محله وقوعه جق اولورسه مدت مذکوره تحت توقیفه آلتان فرانسه تبعه سنک اک یقینده کی قونسلوسخانه به نقل ایدلمسی ایچون ماده ایجاب ایدن زمان درجه سنده تزیید ایدیله جکدر .

مظنون ویا متهم اولوب قونسلوسخانه محبسدرنده موقوف بولنان فرانسه تبعه سی حکام و محاکم عانده عثمانیه نک امرینه آماده بولندیریله جقدر و محاکم مذکوره طرفندن قونسلوسدن هر نه زمان طلب اولنه جق اولورسه قونسلوسخانه مأموری حضور یله آنلر قارشو سنده اثبات وجود ایده جکدردر . بر قرارنامه ویا اصولی دائره سنده صادر اولان بر حکم وقرار اوزرینه فرانسه تبعه سندن بری محاکم عثمانیه دن بری طرفندن حبسه محکوم ایدلیکی و بو محکومیت کسب قطعیت ایتدیکی تقدیرده مرقوم جزاسنی چکمک اوزره قونسلوسخانه مأموری معرفتیه محلنده کی عثمانلی حبسخانه سینه نقل ایدیله جکدر . شو شرطه که عثمانلی حبسخانه لری احتیاجات حاضر به موافق بر شکل و صورته افراغ ایدلدیجه محبس محلنده کی فرانسه قونسلوسی طرفندن حبسخانه اتخاذ اولنق اوزره اولجه قبول ایدلمش اوله جق ویا بویله بر محبس قبول ایدلامش بولنورسه محکومک حبسی بونک ایچون احضار ایدلمش و او محله کی فرانسه قونسلوسی طرفندن حبسخانه اتخاذ اولنق اوزره قبول اولنمش آرو بر محله واقع اوله جقدر شوراسی ده مقرردر که علی کلا التقدر برین مذکور قونسلوس وکیلی هر نه وقت لزوم کوریرسه محبوسی زیارت ایتک و هیچ کیمسه بولنقمسزین یالکز باشنه انکله کوروشمک صلاحیتنی حائز اوله جقدر . محکومیتک صادر اولدینی محله مظهر قبول اولمش بر عثمانلی حبسخانه سی بولنمز و اوراده خصوصی بر محل تدارکی قابل اولمازسه محکوم اولان فرانسه لی مأمورین عثمانیه نک طلبی اوزرینه مظهر قبول اولان عثمانلی حبسخانه سینه نقل ایدلمک ویا بالاده بیان ایدلیکی اوزره خصوصی بر محله حبس اولنق اوزره قونسلوسک دائره مأموریتی داخلنده کائن مرکز سوق ایدیله جک و اوراده بالاده تصریح اولنان شرائط دائره سنده جزاسنی اکال ایله جکدر . « و اوچنچی ماده سنده دخی « تونسلیلرله فاسلیلر فرانسه محبسی صفتیه ممالک عثمانیه ده جزایر لیلرک حائز اولدق لری عین امتیازات و معافیتدن مستفید اوله جق لری کبی جزایر لیلر حقنده فرانسه سفارتی ایله بالاتفاق کافه خصوصاتده تعقیب اولنان اصول و قواعد آنلره دخی تطبیق و تشمیل ایدیله جکدر » دیو محرر بولنمش و کیفیت بالعموم استیناف مدعی عمومیلکرینه تبلیغ

قلندش اولمغله اولوجهله ایضای معامله اولنق اوزره دائره مأموریتلری داخلنده کی محاکمه لاجل التوزیع اشبو تحریراتک نسخ مطبوعه کافیه سی افقا ارسال قلندی

عدلیه نظارت مبلد سنده نظیر ارنانه ۱۲ مایس سنه ۳۳۰ تاریخی تحریرات عمومی صورنیر :

« محکوماً محبوس اولوب غیر قابل شفا بر درجه ده معلول بولنلرندن طولانی حقارنده عفو عالی استحصالی

لرومی اشعار قلنان اشخاصک مظهر عفو عالی اولدیرینه توسل ایچون اصولاً وجودی مقتضی اولان محلی مجلس اداره مضبطه سی ایله اطباء متعدده طرفندن مشترکاً معاینه لرینی ناطق راپورلرک بعض محارجه اولباده کی محرراته اف ایدلماسی ویا کوندریلان مضبطه و راپورلرک ایضاحات لازمه بی حاوی اولماسی ویا خود راپورک یالکز بر طبیب طرفندن ممضی بولنمشی مختارات زائده بی واضاعه اوقاتی و بالتیجه عفو مستحق بولنان اشخاص محکومه نک تمید محبوسیتلریله خسته لقارینک اشتداینی و امراض ساریه به مبتلا بولندق لری تقدیرده مرضلرینک محبوسین سائر به سرایتی استلزام ایتکده بولندینی جهتله بعدما حقارنده عفو عالی استحصاله تشبث اولنان محکومین اطباء متعدده معاینه ایتدیریله رک خسته لقارلی مدت باقیه جزائیرلرینک عفوینی ایجاب ایده جت مرتبه ده بولندینی حالده اولباده کی راپورک محلی مجلس اداره سندن استحصال ایدیله جک مضبطه ایله برلکده ارسالی خصوصه دقت و اعتنا اوله رق زائد مختاراته محل بر اقلمامسی توصیه اولنور .

عدلیه نظارت مبلد سنده نظیر ارنانه ۱۲ مایس سنه ۳۳۰ تاریخی تحریرات عمومی صورنیر :

« صلح حاکم لری قانونی حکمنه توفیقاً تبعه یونانیه به متعلق دعاوینک رؤینی حقنده »

صلح حاکم لری قانونی حکمنه توفیقاً تبعه یونانیه به متعلق دعاوینک رؤیتی خصوصنده بعض طرفلردن وقوعه بولان استفسار اوزرینه اولنان استعلامه جواباً خارجیه نظارت جلیله سندن وارد اولان ۲۳ نیسان ۳۳۰ تاریخ و ۸۳ نومرولی تذکرده « صلح محکمه لری حقنده کی قانون موقتک تبعه اجنبیه به تشمیل ایدیله میه جکی سفارات اجنبیه طرفندن ادعا ایدلمکده و بونلره قارشو شمیدیلک تشبثاتدن بشقه بر شی یاییله مامقده ایسه ده امتیازات اجنبیه دن تمامیه مستفید اولمیان یونانیلرک بوباده کی اعتراضلرینک فعلیاتده حکمی اولمادینی

و چونکه ۱۳ تشرین ثانی ۱۹۱۳ تاریخی آتیه مقاله نامه سنک ایکنجی ماده سنده « مناسبات دیپلوماسیه نك حین انقطاعه بین الدولتین منعقد و یا مرعی بولنان معاهدات و یا مقاولات و معاهدات مقاله حاضر نك امضاسندن اعتباراً تکرار تمامیه کسب مرعیت ایده جک و هر ایکی حکومت ایله تبعه لرینک مخاصماتدن اول موجود وضعیتلری تکرار عینی صورتده تأسیس قلنه جقدرد. » دیه تصریح اولدینغه و بویه جه عاده مرعیتی تقرر ایدن ۱۹۰۱ تاریخی دولت علیه یونان قونسلوسلق مقاله نامه سنک یکرمی ایکنجی ماده سنده « مأمورین و محاکم عثمانیه حضورنده قونسلوسخانه مأمورینک حاضر بولنسی اصولی تبعه یونانیه حقنده ابقا ایدلمش اولدینندن یونان قونسلوسلری کندی مأمورلرینی مأمورین و محاکم عانده سی حضورینه کال استعجال ایله اعزامه مجبوردرلر. بو مأمورک غیوبتی حالده محکمه لر ایشک تدقیقی بالتاخیر تحریراً یکی بر دعوتنامه ارسال ایده جکلردر. اکر بو ایکنجی دعوتیه رغماً قونسلوسخانه مأموری اثبات وجوددن امتناع ایده جک اولورسه محاکم مذکوره آرتق بونک ورودینه انتظار ایتماک صلاحیتی حائز اوله جقلر و حکم و اعلام و یا قرارلرینی اعطا ایده بیله جکلردر » دیندیکنه بناءً صلح حاکمک برنجی دعوتیه اجابت ایتمیان و یا خود محکمه او طه سندن چکیلان بونان ترجمانه یکی بر دعوتنامه ارسال و بونک اوزرینه ده اثبات وجوددن امتناع ایتدیکی حالده ماده مذکوره موجبجه محاکمه یه دوام اولنق اقتضا ایده جکی » بیلدیرلمش و کیفیت بالعموم استیناف مدعی عمومیلک لرینه تبلیغ قلنمش اولمغه اولوجهله ایفای معامله اولنق اوزره دائره مأموریتلری داخلنده کی محاکمه لاجل التوزیع اشبو تحریراتک نسخ مطبوعه کافیه سی لفاً ارسال قلندی.

محکمہ تمیز مقرراتی

محکمہ تمیز مقرراتی

محکمہ تمیز مقرراتی صادر اولاده ۹ مارت سنه ۳۳۰ تاریخی و ۶۵ نومردی اعلام صوریندر:

« شاهدلرک محل منازع فیهک حدودینی بیان ایدرک ادای شهادت ایتلری ایجاب ایدر »

برغمه قصبه سنک حاجی فقیه محله سنده مقیم یعقوب اوغلی حسین آغا ایله زاویه محله سنده ساکنلر قونیه لی زاده شوکت و نیازی اقدیلر بینده متحدث دعوایه دائر برغمه بدایت محکمه سندن ۵ شباط سنه ۳۲۹ تاریخی و یوز قرق ایکی عددی ایله ویریلوب مزبور حسین آغا طرفندن تمیزاً تدقیقی استدعا قلنان اعلام طرفینک اعتراض و جواب لایحه لرله برابر بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه نظراً مومی الیها شوکت نیازی اقدیلر محکمه مذکوره یه باعریحال مراجعتله باطابو متصرف اولدقلری برغمه نك مصلق کوپریسی و دباغخانه لر جوارنده کائن معلوم الحدود و بر باب دقیق دکر نك خرق و حریمی اوزرینه تربیعاً یدی ارشون محله مزبور حسین طرفندن مجدداً ابنیه انشا ایتک صورتیه فضولاً و قوعبولان تجاوز و مداخله نك منعیله انشآت واقع نك رفعی طلب و دعوی و ایکی قطعه طابو سندی ابراز واعطا ایتلرینه قارشو مدعی علیه و کیلی دخی محل مدعا بهک مدعیلرک ملکیتسه دائر یدلرنده سند اولدینی تحت اقرارلرنده اولدینی کبی بشقه بر صورثبوتیه ده ارائه ایده ماملریله موکله خصوصت توجه ایتیه جکندن دعوالرینک ردینی مدافعه بیان و تذکار ایتسی اوزرینه اجرا قلنان محاکمه و تدقیقات نتیجه سنده منازع فیه محل مدعیلرک یدلرندن ارثاً منتقل ملکری اولدینی اولبایده اقامه و استماع اولسان شهود معدله نك شهاداتی و مبرز طابو سندلری مندرجاتی ایله و محل منازع فیه انشا ایدیلان ابنیه نك محدث اولدینی تواتراً ثابت و متحقق اولسنه بناءً مجله نك بیك یدیوز اوتوز اوچنجی و بیك یدیوز التمش سکزنجی و بیك سکز یوز اون سکزنجی ماده لری احکامنه توفیقاً محل منازع فیه انشا ایدیلان ابنیه نك قلع و هدمیه مدعی علیهک واقع اولان مداخله سنک منعه حکم و قرار ویرلیدیکی اکلالمشدر .

مستدعی تمیزک اعطا ایلدیکی لایحه اعتراضیه ده مدعیلر طرفندن عندالحا که ابراز اولنان طابوسندلری مدعا به محلی محتوی اولوب اولدینی آ کلالمه سی و حدودلرینک محلنده تطبیق لازم کلورکن محکمه مذکوره جه بورالری حقنده تدقیقات لازمه اجرا اولنقسزین بر منوال محرر حکم اولنسی یولسز و مغایر قانون اولدینندن بحثله اعلام مذکورک نقضی و جواب لایحه سنده غیر وارد اولان اعتراضاتک ردیه موافق اصول و قانون اولان اعلامک تصدیقی طلب و استدعا اولمشدر .

ایجابی مذاکره اولندقدده هر نه قدر محکمه جه کیفیت بروجه محرر تحت حکمه التمش ایسه ده مدعیلرک ابراز ایلدیکی سندلرک منازع فیه محلی محتوی اولوب اولدینی آ کلالمق اوزره محلنده تطبیقات اجرا ایدلمک لازم کلور ایکن بوندن ذهول ایدلمسی مخالف قانون اولدینی کبی مدعی علیه مرقومک دخی سندی اولوب اولدینی سؤال ایدلماسی و مدعا به محکمدعیلرک اولدینغه شهادت ایدن شاهدلر محل منازع فیهک حدودینی بیان ایدرک مدعیلرک اولدینغه شهادت ایتلری ایجاب ایدر ایکن علی الاطلاق خرق مدعیلرک اولدینغه دائر اولان شهادت ناقصه لرینک قبول و شهادت مذکوره بناءً بوجه مشروح حکم اعطا اولنسی مخالف قانون اولدینندن اصول محاکمه حقوقیه قانوننک ایکوز اوتوز ایکنجی و ایکوز قرق برنجی ماده لری احکامنه توفیقاً اعلام مذکورک تقضیه قانون مزبورک ایکوز قرق دردننجی ماده سی موجبجه کیفیتک اولوجهله بالرؤیه اعلامه ربطی ضمننده محکمه مذکوره عاده سنه وزیرده مفردات و معطیسی کوستریلان مصارف تمیزیه نك ایلروده حقسز چیه جق طرفه عائد اولسنه ۹ مارت سنه ۳۳۰ تاریخده متفقاً قرار ویرلیدی .

محكمة تمييز حقوق دائرة سندره صادر اولاده ۲۷ شباط سنه ۳۲۹ تاريخي ۲۸۴۵ نومرولى اعلام صورتيه :

« مدعايک بالاستحقاق اخذى ثابت اولدجه مدعينک ثمنله مدعى عليه بايعه حق

مراجعتى ثابت اولماز »

سلورى قصبه سنده ساکن بقال پاولى ايله قصبه مذکورده مقيم واسيل ولد ديمتري پيننده متحدث دعوايه دائر قضاء مذکور بدايت محکمه سندن ۱۰ تشرين ثانی سنه ۳۲۹ تاريخي و بر عدديله ويريلوب مرقوم پاولى طرفدن تميزى استدعا قلنان اعلام باش مدعى عموميلک مأموريت عليه سنک مطالعه نامه سى النقدن صکره يالکيز مستدعى تميزک اعتراض لايحه سيله برابر بالمطالعه تدقيقات تميزه اجراسنه ابتدار قلندى

اعلام مذکورک خلاصه مندرجاتنه نظراً مرقوم واسيل محکمه مذکورده باعرض حال مراجعتله اوج عثمانلى ليراسى قيمتنده اولان برطوسون ايله نقداً بش ليرا که جمعاً سکيز عثمانلى ليراسى بدل مقابلنده مرقوم پاوليدن اشترا ايتيش اولديغى قره صغیر اينک حکومت معرفتيله يندن النوب مستحقى بطا ويا شهنيدر سابقى حاجى راسم بکه تسليم ايدليکنه مبنى مدعى عليه مرقوم پاوليدن ثمن مبيع اولان مبلغ مذکورک تحصيلانى طلب ودعوى ايلسنه قارشو مدعى عليه مرقوم مدعى به مقدار مذکور بدل ايله فروخت ايتيش اولديغى مذکور اينک قبل البيع کندوسنک مالى ايدوکنى بيان ومدعى مرقومک يندن حکومت معرفتيله النوب مستحق چقان مومى ايله حاجى راسم بکه تسليم ايدليکنى طابعاً اقرار ايلسى اوزرينه جريان ايدن محاکمه وتدقيقات نتيجه سنده بر موجب اقرار مدعا به مبلغ مذکور ثمنک مرقوم پاوليدن تحصيليله مدعى به اعطاسنه حکم وقرار ويرليکى اکلاشلمشدر .

سالف الذکر لايحه تميزه ده مدعينک يندن اينکک بالاستحقاق اخذ اولنديغى محکمه دن صدور ايتيش بر حکم اعلامنه مستند اولماديغى حالده محکمه جه مومى ايله حاجى راسم بکک مذکور اينکک مستحقى اولديغى حقه ده کى افادات مجرد وبيانات عاديه سى اوزرينه قرار ويرلمسى ومدعا بهک مقدارينه نظراً دعوانک رؤيتى صالح محکمه سنده عائد بولنديغى حالده محکمه مذکورده خلاف وظيفه وبروجه مشروح رؤيت وحکم اولمى يولسز ومغاير قانون اولديغندن واسباب سائرده دن بحثله اعلامک نقضى طلب واستدعا اولمش وانفاليان مطالعه نامه مفادى ده لايحه تميزه ده وظيفه وصلاحيات حقه ده درميان اولنان اعتراضک غير وارد اولديغى بيانندن عبارت بولمشدر .

ايجابى مذاکره اولندقه اعلام مذکور مندرجاتندن مفهم اولديغى اوزره بدلک استردادى دعوى ايديلان مذکور اينک مدعى يندن اخذ اولنديغى مدعى عليه اقرار ايتيش ايسه ده مذکور اينکک استحقاق دعوا سى نتيجه سى اوله رق اخذ اولنديغى اقرار ايتامش وبونک بالاستحقاق اخذى ثابت اولدجه مدعينک ثمنله مدعى عليه بايعه حق مراجعتى ثابت اوله ميه جنى درکار بولمش اولمى سيله محکمه جه اول امرده مذکور

اينک مدعى يندن حکومت معرفتيله نه صورتله اخذ ايدليکى بالتحقيق تين ايدجک حاله کوره حکم اعطا ايدلمک لازم کلورکن بوداثرده ايفاي معامله دن ذهول اولمى يولسز ومخالف قانون اولديغندن اصول محاکمه حقوقيه قانونک ايکى يوز اوتوز ايکنجى ماده سى موجبجه اعلام مذکورک نقضيله قانون مزبورک ايکى يوز قرق دردنجى ماده سى حکمنه توفيقاً کيفيتک تکرار اولوجهله بالرؤيه اعلامه ربطى ضمننده محکمه مذکورده به اعاده سنده وزيرده مفردات ومعطيسى کوستريلان مصارف تميزه نك ايلروده حقسز چيقه جق طرفه عائد اولمى سنه ۲۷ شباط سنه ۳۲۹ تاريخنده متفقاً قرار ويرلدى .

محكمة تمييز استدعا دائره سندره

محكمة تمييز استدعا دائره سندره صادر اولاده ۸ تشرين اول سنه ۳۲۹ تاريخي ۲۱۶۲ نومرولى اعلام صورتيه :

« شهودک بيانات واقعه لرى ماهيت شهادت آکلاشيله جق صورتده اعلام ابتدائى به

درج ايدلمه مش اولمى نقض حکمى موجبدر »

صاروخان سنجاغى بدايت محکمه سى جزا دائره سندن استينافاً تنظيم واعطا قلنان ۱۶ حزينان ۳۲۹ تاريخ و يوز سکسان طقوز نومرولى اعلامک تميزاً تدقيقى مستدعى لواء مذکور اورمان اداره سى جانبندن معطى استدعا نامه ايله اوراق متفرعه سى باش مدعى عموميلک مأموريت عليه سندن باتبليغنامه محکمه تميز استدعا دائره سنده توديع اولمش ولدى التدقيق مذکور استدعا نامه نك مدت قانونيه سى ظرفنده اعطا قلنديغى اکلاشلمش ايدوکنندن بالقبول تدقيقات تميزه اجراسنه ابتدار اولندى .

اعلام مذکورک خلاصه مالى ميرى اورمانسندن بلا رخصت اشجار قطع ايلدکلى ادعا اولنان على ومحمود ايله طاهرک برائتيريه دائر بدايه للاحق اولان حکمک اورمان اداره سى جانبندن استيناف اولمى اوزرينه مظلونلردن محمودک عسکرده اولديغى جهتله محاکمه سنک تفرقه قرار ويرلکدن صکره اعلام مذکورک ديگر مظلونلره عائد قسمنک اسباب قانونيه دن ناشى فسخيله اولباده اجرا قلنان محاکمه وتدقيقات استينافيه نتيجه سنده مرقومان على وطاهرک ميرى اورمانسندن اشجار قطع ايلدکلى دائر برکونا اخبار ودلائل قانونيه به دسترس اوله مديغندن مرقومانک برائتيريه قرار ويرليکى متضمندر .

تميز استدعا نامه سنده مظلونلرک ميرى اورمانسندن بلا رخصت اشجار قطع ايلدکلى ضبط ورقه سى مندرجاتيله ثابت ايکن محکمه استينافيه جه بوراسى نظر تأمله التمسرين برمنوال محرر برائتيريه قرار ويرلمى مغاير قانون ايدوکنندن بحثله اعلام استينافينک نقضى استدعا اولمش وتبليغنامه ده دخى مذکور تميز استدعا نامه سنده درميان اولنان اعتراض اعلام يميز به مندرجاتنه نظراً غير وارد ايدوکی بيانيله ردى لزومى کوسترمشدر .

ایجابی لدى المذاکره مندرجات اعلامدن استنباط اولدینی وجهله مظنونلردن محمودك قطعاً عسکریه سنده اولدیغك ثبوت وتحققه نظراً مرقوم حقنده کی دعوانك تقریق یولنده اتخاذ اولنان قرارك موافق مصلحت بولمسنه مبنی تصدیقه دیگر مظنون محمود ایله طاهره کلنجه درجه اولی محکمه سنجه جلب وافاده لرینه مراجعت اولنان شهودك بیانات واقعه لری ماهیت شهادت اکلاشیله جق صورته اعلام ابتدائی یه درج ایدله مش اولدینی جهته بعد الفسخ اجراسنه ابتدار اولنان محاکات وتدقیقات استینافیه اثناسنده بوجهتك نظر دفته النهرق شهود مرقومه نك جلب واستماعی صورته توسیعی مقتضی تدقیقات نتایجك حکم لاحقه اساس اتخاذی لازم کلورکن محکمه استینافیه جه تعریفات مشروحه یه توفیق معامله لزومندن بالذهل محاکات جاریه نك برائت قراریه نتیجه لندیرلسی یولسز و مستلزم نقض احوال دن اولوب تمیز استدعایه سی محتویاتی بو وجهله وارد وبجا کورنمش ایدوکندن اصول محاکات جزائی قانوننك اوچوز اون دردنجی و اوچوز اون طقوزنجی ماده لری منطوقجه اعلام استینافینك مظنون مرقومانه عائد فقرات حکمیه سنك دخی اسباب محرره دن ناشی قضیه احکام قانونیه دائره سنده ایفای معامله اولمق اوزره اوراق متعلقه سنك محکمه مذکوره یه اعاده سنه وایکی یوز غروش اعلام خرجنك تعرفه و تعلیمات مخصوصه سنه توفیقاً ایلروده حقسز حقیقه جق طرفدن ا- تیفا سنه ۸ تشرین اول ۳۲۹ تاریخنده متفقاً قرار ویرلدی .



قانوننامه مدنی

اسویچره قانوننامه مدنیسی

- یکن نسخه دن مابعد -

مع مافیه زوج، زوجه نك کتیرمش اولدینی اموال دن طولانی اشخاص ثالثه بیننده تکنون ایدن منازعاتنده صلاحیت وخصومت یالکز زوجه یه عاندر . (م: ۱۹۵۰؛ م.خ: ۶۰؛ ۵۶۱۰۷) .
۱۶۹ ماده: زوجیندن بری ، عائله وظائفی اهل ایدر ویا یکدیگرینی تهلکه ومخاطره یه ویا ناموس سزلغه وناسک طعن وترزیلنه معروض قیلارایسه، بوندن متضرر اولان طرف حاکم مداخله سنی طلب ایده بیلیر .

۲: اتحاد عائله نك جایه سی
ایچون تداییر موقه .

۱: علی الاطلاق .

حاکم زوجیندن قباحتی اولان طرفی ایفای وظیفه یه دعوته سعی ایدر. موفق اولدینی تقدیرده عائله اتحادینك محافظه سی ضمانتده قانوناً معین اولان تداییری اتخاذ ایلر .
۱۷۰ ماده: زوجیندن برینك صحتی وحیثیت وناموسی وایشلرینك تفیض وترقیسی معیشت مشترکدن ناشی صورت شدیدده ده تهلکه عظیمه تحتده بولندینی مدتجه او طرفك کنديسنه دیگر برمسکن تدارك ایتمهک صلاحیتی واردر . (م: ۲۵۰؛ ۲۰۰) .

۲: معیشت مشترکه
نك تعطیلی . (۱)

طلاق ویا تفریق بین دعواسی اقامه ایتدکن صکره محاکمه نك نتیجه سنه قدر زوجیندن هر برینك برلکده معاشرتی ترکه حق واردر . (م: ۱۴۵) .

زوجیندن برینك طلبی اوزرینه برلکده معاشرته مانع اولان اسباب تحقق ایتدکده، حاکم هر برینك دیگرینه ایدلسی لازم کلن معاوتی تعیین وتقریر ایدر .

۱۷۱ ماده: اگر زوج کندی وظائفنده اهل ایدرایسه، هر نه اصولده تزوج ایتمش اولورلرایسه اولسونلر ، مدیونلری طرفدن زوجه ایدیله جك تأدیاتك تمامنی ویا برقسمنی زوجه یه ایفا ایتلری حاکم کنديلرینه امر ایده بیلیر . (م: ۱۷۸ واخل) .

۳: زوجینك مدیون
لرینه دائر تداییر .

۱۷۲ ماده: اسباب مذکوره زائل اولدقده ، زوجیندن برینك طلبی اوزرینه حاکم طرفدن اتخاذ اولمش اولان تداییر مذکوره رفع وحال سابق اعاده اولنور . (م: ۱۶۹) .

۴: تداییر عدلیه نك
مدنی .

- (۵) اجرای جبری. ماده: ۱۷۳ بینارنده زوجیت باقی اولدینی مدتجه قانونك تعیین ایتش اولدینی خصوصاً صاردن (۶) قواعد عمومی. ماعداسنده زوجیندن بری دیگر علیهنده معامله جبریة اجراییه تشبث ایدمه. (م: ۱۷۴-۱۷۶).
 حجزك ثمره سز قالمسندن ویا افلاسدن طولانی زوجیندن برینك حقوق سیاسیه دن محروم اولسی، بوندن متضرر اولان دیگر طرفك اوحقوقدن محرومیتنی استلزام ایتز.
 ۷: مستثنیات. ماده: ۱۷۴ بر شخص ثالث طرفدن زوجیندن بری علیهنده تعقیبات اجراییه تشبث اولندقدن زوجیندن دیگرینك حجزه اشتراکده ویا افلاسه مداخله صلاحیتی وارددر. (م: ۱۷۴).
 ۸: زوجیندن بری مدیون اولورسه. اولندقدن زوجیندن برینك محجوز اموالک عدم کفایتی تقدیرنده کنديسنك دیگرنده اولان مطلوباتی معجل وقابل حجز اولور.
 ۹: زوجیندن بری داین اولورسه. اگر زوجیندن بری افلاس ایدر ایسه، کنديسنك دیگرنده اولان مطلوباتی ماسیه داخل اولور.
 ۱۰: تفريق اموال ومعاشاتك تحصيلي. ماده: ۱۷۶ تفريق اموال قانونیه ویا حکمیة نك صورت تصفیة سی ایچون دایما معامله جبریة اجراییه مراجعت اولنه بیلیر. (م: ۱۸۲ واخل: ۱۷۶).
 ۱۱: خصوصاً صاردن. کذلک بوقاعده زوجیندن برینك دیگرینه بااعلام دینی اولان معاشاتك تحصيلی خصوصاً صاردن جاریدر. (م: ۱۴۵؛ ۱۸۰؛ ۲۴۶).
 ۱۲: زوجین بینه وقوعه اولان امور شرعیة و زوجك منفعتی ایچون. ماده: ۱۷۷ بین الزوجین هر نوع امور شرعیة متعلق مقاولات عقدی جائزدر. زوجنك کتیرمش اولدینی امواله ویا اموال مشترکیه متعلق معاملات و عقود صلاحیتدار مقام ولایتدن تصدیق اولندقدن معتبر وصحیح اولماز. (م: ۱۸۱؛ ۲؛ ۱۹۵؛ ۲۰۲ رقم ۲۰۷؛ ۲۱۷؛ ۲۱۸؛ ۲۲۰؛ ۲۴۰).
 بوقاعده زوج طرفدن زوجنك منفعتی ایچون اشخاص ثالثیه قارشو درعهده اولنان تعهدات و دیونات حقنده دخی جاریدر. (م: ۲۰۷ رقم ۲؛ ۲۲۰ رقم ۲).

النتیجی باب

اموال زوجین اصولی

Régime matrimonial

۱۷۸ ماده: اموال زوجین ازدواج مقاوله سیله بشقه بر اصول قبول یا خود اموال زوجین فوق العاده

۱: اصول قانونی. مادی.

- اصولنی (۱) اختیار ایتشدر ایسه، حقارنده اتحاد اموال اصولی جاری اولور. (م: ۱۸۲ واخل: ۱۹۴ واخل: ۲۴۸؛ ۲۴۹).
 ۲: مقاوله اصولی. ماده: ۱۷۹ ازدواج مقاوله سی قبل النکاح تنظیم وتعاظمی اولنه بیلدیکی کبی بعدالنکاح دخی (۱) انتخاب و اصول. تنظیم اولنه بیلیر. (م: ۱۱۶؛ ۲۱۷).
 طرفین اشبو قانونده معین اولان اصوللردن برینی قبوله مجبوردر.
 اثنای زوجیتده عقد اولنان مقاوله زوجینك اموالنه حقاری تعلق ایتش اولان اشخاص ثالثیه تأثیر ایتز. (م: ۱۷۷؛ ۱۸۱؛ ۲؛ ۱۸۸؛ ۲۴۹ واخل: ۲۴۹).
 ۲: اهلیت طرفین. ۱۸۰ ماده: ازدواج مقاوله سنی عقدوتعدیل ویا اقاله اهل اولمق ایچون قوه تمیزییه مالک اولمق لازمدر. (م: ۱۶).
 صغیر ویا محجوره نائب قانونیلری طرفندن مأذونیت ویرلمک لازمدر. (م: ۱۹؛ ۲۷۹؛ ۴۰۷؛ ۴۲۰ رقم ۹).
 ۳: ازدواج مقاوله سنك شکلی. ۱۸۱ ماده: ازدواج مقاوله سی سند رسمی شکیلنده تنظیم وکرک طرفیندن وکرک نائب قانونیلری طرفندن امضا اولمق لازمدر. بوقواعد مقاوله نك تعدیلنده ده، اقاله سنده ده جاریدر. (م: ۹؛ ۱۵۵).
 بوندن ماعدای اثنای زوجیتده عقدایدیلن مقاولاتك مقام وصایتك تصدیقنه اقتران ایتسی شرطدر. (م: ۱۷۷؛ ۲۴۰).
 بومقاولات اموال عائله اصوللری سحلی حقنده جاری اولان احکامه توفیقاً اشخاص ثالثیه درمیان اولنه بیلیر. (م: ۲۴۸ واخل: ۲۴۸).
 ۳: اصول فرق العاده. ۱۸۲ ماده: زوجیندن برینك افلاسندن اصحاب مطلوبی ضرر کوردکلری آنده زوجین حکماً تفريق اموال اصولنه تابع اولورلر. (م: ۱۸۶).
 اصحاب مطلوبنك یدنده مالی بولمندیغنی مصدق اوراق مثبتیه بولنش اولان برکسه تأهل ایتدکده بوزوجین تفريق اموال اصولنه تابعدر. فقط زوجیندن بری طرفندن اموال زوجین اصوللری سحلاتنه قیدایتدیرلمسی شرطدر. (م: ۱۷۶).
 ۲: تفريق اموال عدلی. ۱۸۳ ماده: تفريق اموال زیرده بیان اولنان احوالده زوجنك طلبی اوزرینه حاکم طرفندن (۱) زوجنك استدعای اوزرینه. حکم اولتور:

- (۱) زوج زوجهنك واولادینك اعاشه سنی تدارکده اهمال ایدر ایسه؛ (م: ۱۵۹؛ ۶۰).
 (۲) زوج زوجهنك کتیرمش اولدینی اموال ایچون تأمینات اراءه ایتدیر ایسه؛ (م: ۲۰۵).
 (۳) زوجک ویا اشتراک اموالک اقتدار سزانی وقوعه کلیر ایسه؛ (م: ۱۵۵؛ ۱۷۶؛ ۱۸۹).

[۱] Régime matrimonial extraordinaire,

۱۸۴ ماده : تفريق اموال زیردہ بیان اولان احوالده زوجك طلبی اوزرینه حاکم طرفندن حکم اولتور :

(۱) زوجیه اقتدار سزلق طاری اولور ایسه ؛

(۲) بر موجب قانون ویامقاوله اموال مشترکینی تصرف کوریلوبده زوجہ طرفندن اذن ویرلمکدن امتناع وقوعبولور ایسه ؛ (م : ۲۰۲ ؛ ۲۱۷) .

(۳) زوجہ کتیرمش اولدینی اموال ایچون تأمینات طلب ایدر ایسه ؛ (م : ۲۰۵ ؛ ۱۵۶ ایلہ مق :) .

۱۸۵ ماده : اگر زوجیندن برینه قارشو واقع اولان حیزدن ضرر کورمش اولان برداین طرفندن تفريق اموال طلب اولنمش ایسه ، کذلک حاکم طرفندن حکم اولتور (م : ۲۰۷) .

۱۸۶ ماده : افلاس سببیلہ تفريق اموالک حکمی ، مدیونک مالی بولمیدینی مثبت وثائق تاریخنه ملتحق اولور . وافلاس حکمندن صکره ارث ویابشقه صورتله عهده سنه کچن اموالک تملککنه کیردیکی کونه شامل اولور . (م : ۱۸۲) .

تفريق اموالک حکمی یوم طلبه ملتحق اولور .

افلاس یا خود بر اعلام حکمی ایلہ واقع اولان تفريق اموال کیفیت قید اولنق ایچون اموال عائلہ اصوللری سبج مأمورینه تبلیغ اولتور . (م : ۱۸۲ ، ۱ ، ۱۸۳ - ۱۸۶ ؛ ۲۴۸ و الخ .) .

۱۸۷ ماده : ضرردن ناشی وقوعه ککش اولان تفريق اموال ، مدیون طرفندن اصحاب مطلوبک حقاری تسویه ایدلش اولسبیلہ عودت ایتمز . (م : ۱۷۹ ؛ ۱۸۱) .

مع مافیہ زوجیندن برینک استدعاسی اوزرینه حاکم اولکی اموال زوجین اصولنک اعاده وابقاسنه حکم ایدہ بیلیر . (م : ۲۴۸ و الخ .) .

قید اولنق ایچون بوقرار رأساً اموال عائلہ اصوللری سبج مأمورینه انہا اولتور .

۱۸۸ ماده : بین الزوجین اموالک تصفیہ سی و اموال زوجینک اصولنه تعدیلات کتیرلمسی کبی خصوصات زوجیندن برینک و شرکت اموالک اصحاب مطلوبنک حقاری تعلق ایتمش اولان اموالده کی

دعوالرینه خلل کتیرمز . (م : ۱۱) .

اموال مذکورہ زوجیندن کیمک تصرفنه کچمش ایسه بالذات ادایه او مجبوردر . مع هذا وضع ید اخذ ایتمش اولدینی اموالک عدم کفایتینی اثبات ایتدکده بود ائرده او مسئولیتدن خلاص اولور .

زوجہ کندی مداخله سیلہ زوجنک افلاسندن یا خود حیزه اشتراک ایتسیلہ اولجہ اخذ ایتمش اولدینی اموال ، زوجنک اصحاب مطلوبنک دعوی و مؤاخذه سندن خلاص اولور . مکرکه بونلر زوجنک وزوجه نک داینلرندن اوله . (م : ۱۱۰ ؛ ۲۱۱ ؛ ۲۲۴) .

۱۸۹ ماده : اثنای زوجینده تفريق اموال واقع اولدقده اموال عائلہ ، داینلرک حقوقه خلل کلامک اوزره زوجینک واردات شخصیه لری میانہ داخل اولور . (م : ۱۴۵ ؛ ۱۸۳ و الخ .) . ظهور ایدن کار اولکی اصوللری وجهله بین الزوجین تقسیم اولتور . آچیق کوریلور ایسه بونک سببی زوجہ سی اولدینی زوج طرفندن اثبات اولنمدقچه بو آچیق زوجہ راجع اولور . (م : ۱۴۱) . اثنای تصفیہده زوجنک یدخفظنده قالان اموال ایچون زوجہ تأمینات طلب ایدہ بیلیر . (م : ۲۰۵ ، ۲۴۷) .

۱۹۰ : اموال محفوظه دن ازدواج مقاوله سی واشخاص ثالثه طرفندن اولنسان هدایا ویا حکم قانون ایلہ تملک ایدیلن اموالدر . (م : ۱۹۱ ؛ و ۱۲۳۰ ، ۱ ایلہ مق :)

زوجیندن برینک حصه ارضیه محفوظه سی اموال محفوظه عدادندن دکلدر . (م : ۴۷۱ ؛ رقم ۴۷۳) .

۱۹۱ ماده : قانوناً اموال محفوظه شونلردر :

(۱) زوجیندن برینک استعمالنه مخصوص اشیای ؛

(۲) زوجنک صنعتی ویا صنعت تجاریه سنی ایشله مکہ مخصوص اولان اموالی ؛ (م : ۱۶۷) .

(۳) خانه ده کی فعالیت و خدمتی خارجنده اولان زوجنک عملنک حاصلاتی .

۱۹۲ ماده : اموال محفوظه تفريق اموال اصولی قواعدینه تابعدر . خصوصیلہ ازدواجک مکلفاتی بختنده . (م : ۱۴۶) .

زوجہ لدی الحاجه عملنک حاصلاتی خانه نک مصارفه تخصیص ایتمکه مجبوردر . (م : ۱۵۹ ؛ ۲۴۵) .

۱۰۳ ماده : زوجیندن هر کیم برشینک مال محفوظ اولدینی ادعا ایدر ایسه اثبات ایتمکه مجبوردر .

(م : ۱۹۰) .

ایکنجی فصل

اموال زوجین اتحادی
Union des biens

۱۹۴ ماده : عقد نکاح ایتدکلری زمان زوجینک تحت تصرفده بولان اموال ایلہ مؤخرأ

اکتساب ایتدکلری اموال ، اموال زوجینی تشکیل ایدر .

زوجنک اموال محفوظه سی بونلردن مستثادر . (م : ۱۹۰ و الخ .) .

١٩٥ ماده : زوجنك حين عقدنكاحده متصرف اولديني اموال ايله اثنای زوجيتده ارثاً ويا بلاعوص برسيله اکتساب ايتش اولديني اموال، سرمايه ديه کتيرديکي اموالی تشکیل ايدر. و بولر مستقلاً کنديسنك عهده تملکنده قالير . (م : ١٧٧ ؛ ٢ ؛ ١٩٦ ؛ ٨٩٩ ؛ ٢٠١ ؛ ٢ ؛ ٧٥٦ و ٧٥٧ ايله مق :) .

زوج ، سرمايه ديه کندی کتيرديکي اموال ايله زوجنك سرمايه ديه کتيرمه مش اولديني سائر بالجله اموال عائله نك ملکيدر . (م : ١٨٦ ؛ ٢ ؛ ٢٣٤) .

زوجنك ايرادی حاصلاتی معجل اولديني کوندن اعتباراً و کتيرمش اولديني اموالک اثمار طبيعيه سي اثمار منفصله حکمی کسب ايتدکن صکره زوجک ملکی اولور . شو قدرکه اموال محفوظه قواعدی باقيدر . (م : ١٩٠ و الخ .) .

١٩٦ ماده : برشئک زوجنك کتيرديکي اموال دن معدود اولديغي ، زوجيندن ادعايدن طرف اثبات ايتمه مجبوردر . (م : ١٩٣ ؛ ١٩٧) .

زوجنك مالک يرينه قائم اولمق اوزره ثمنيله مبايعه ايديلن اموال آنک کتيرمش اولديني سرمايه عداولنور . (م : ٢٣٩) .

١٩٧ ماده : زوج و زوج هر زمان کندی کتيردکاری اموالک رسمي صورتده بر مفردات دفترينک تنظيم اولنسی طلب ايدميليئر . (م ، خ : ٥٥) .

اموال مذکور کتيرلديکي کوندن اعتباراً التي آي ظرفنده تنظيم اولنان دفتر مضمونی صحيح و معتبر عداولنور .

١٩٨ ماده : زوجين تقدير قيمتله بر دفتر تنظيم ايتشار ايسه وثيقه رسميه ايله مصدق اولان بوتقدير قيمت عيناً موجود اوليان اموال حقنده قاعده تشکیل ايدر . (م : ١٨٧) .

اثنای زوجيتده کتيرلش اموال ، تقدير اولنان قيمتدن دون فيأته و حسن نيته صالشل ايسه بوصاتشک ثمنی قاعده اتخاذ اولنور . (م : ٣) .

١٩٩ ماده : زوجنك اموالی کتيرديکي کوندن التي آي ظرفنده زوجين طرفندن ازدواج مقاوله سنك اشکالنه رعایت ايديله رک کتيرمش اولديني زوجنك اموالک ملکیتی تقدير ايدلش اولان قيمتله زوجنه نقل اولنه جغه و بوجهتن زوجيه عائد اولان مطلوب تعين ايله مقداری تبدل ايدلميه جکنه دائر عقد مقاوله اولنسی جائزدر . (م : ٢١١ ؛ ٢٤٨ و الخ .) .

٢٠٠ ماده : اموال زوجيني زوج اداره ايدر . مصارف اداره کنديسنه عائددر . (م : ٧٥٢ ؛ ١٥٩) . زوجنك اداره يه صلاحيتی دخی اتحاد زوجيني اداره يه اولان صلاحيتی دائره سنده محدوددر .

(م : ١٨٣ ؛ ١٦٦)

٤ : دفتر تنظيمی
(١) شکلی و
مضموننک معمول
به طو اولسی

(٢) تقدير قيمت
ايدلسنک حکمی .

(٣) ملکيت اوزره
زوجين
زوجنك کتيرديکي
اموال

٢ : زوجک اداره يه
صلاحيتی و انتفاعی
و تصرفه حق
(١) اداره يه صلاحيتی

٢٠١ ماده : زوج زوجهنك کتيرمش اولديني اموالک منافع و حاصلاتی اکتساب ايدر و بوابده بر صاحب انتفاعک^(١) مسئوليتنه تابع اولور . (م : ٧٥٢) .

بر موجب دفتر تقدير قيمت اولنسی بومسؤوليتی تشديد ايتز . (م : ١٩٨) . زوجنك نقودی مثيلتدن اولوبده اموال سائر دن تشخيص اولنه جق حالد اوليان و حامله محرراسهامه زوج مالک و قيمتلرينی مديون اولور .

٢٠٢ ماده : زوج امور اداره عاديده دن ماعدا زوجنك کتيرمش اولديني اموالک کندی تملک و تصرفه کچماش اولانلری زوجهنك رضاسی اولقسزين آخره نقل و تصرف ايدمير . (م : ١٧٧ ؛ ١٨٤ رقم ٢ ؛ ١٩٥ ؛ ٣ ؛ ١٩٩ ؛ ٢٠١ ؛ ٣) .

اشخاص ثالثه حقنده بورضا ويرلش فرض اولنور . مکرکه بولر اورضانک و يرلماش اولديغي بيلمش يا خود بيلمش اولملری لازم کئش ويا هيچ اولسه بوماللر اوليه ماللر اولسه که هر کسجه زوجنك ايدوکی معروف بولنش اوله . (م : ٣) .

٢٠٣ ماده : زوج امور عائله نك اداره مأموری صفی دائره سنده اموال مذکور يه تصرف ايدميليئر . (م : ١٦٣ ؛ ١٦٦) .

٢٠٤ ماده : زوج کنديسنه اصابت ايدن ميراثدن زوجنک رضاسی اولمدجه کفید ايدمير . (م : ٥٦٦ و الخ .) .

زوج رضاسی ويرمکدن امتناع ايدلديکي تقديرده زوجنك مقام وصايته مراجعته حق واردر . (م : ٢١٨ ؛ ٢٤٠) .

٢٠٥ ماده : زوجنك طلبی اوزرينه کنديسنک کتيرمش اولديني اموالک حال و موقعی حقنده زوج هر وقت آکامعلومات ويرمکه مجبور .

زوج ، هر زمان زوجندن تأمينات طلب ايدميليئر . (م : ١٨٣ رقم ٢ ؛ ١٨٤ رقم ٣) . ديونات و افلاس ماده لرينک تعقيب اتنده هيئت مجتمعه قانونی موجبجه استرداد اموال دعواسی محفوظدر .

٢٠٦ ماده : زوج ديون آتیه يی ادایه مجبوردر :

(١) زوجيتدن اولکی ديوتی ؛

(٢) اثنای زوجيتده واقع اولان ديوتی ؛

(٣) لوازم و امور بيتيه نك اداره مأموری صفیله زوج طرفندن عقد ايديلن ديون (م : ١٦٣ ؛ ١٦٦ ؛ فر ٢٠٧ ؛ ٢) .

(٣) تصرفه حق
(١) زوجک

٢ : زوجنك
(١) علی الاطلاق .

(٢) ميراثدن
فراغت .

٤ : زوجنك
کتيرمش اولديني
اموالک تأمينی .

۵: زوجه نك
مسئوليتي
(۱) كندى باجمله
امواليله.

۲۰۷ ماده: بين الزوجين اموال زوجين اصولك زوج طرفه بخش ايلديكي حقوقه باقلمقسرين زوجه كندى جميع اموالندن زيرده كي ديونى ادايه مجبوردر:

- (۱) كنديسنك ازدواجدن اولكي ديونى؛
- (۲) زوجنك رضاسيله عقدايتديكي ديون يا خود مقام وصايتك تصديقيه زوجنه قارشو الزام ايلديكي ديونى؛ (م: ۱۷۷، ۳، ۲۰۹)؛
- (۳) منتظم صورته برصنعت عاديه ويا صنعت تجاريانك اجراسى اشناسنده عقدايتديكي ديونى؛ (م: ۱۶۸)؛

(۴) كنديسنه انتقال واصابت ايدن ميراثه تعلق ايدن مكلفات؛ (م: ۲۰۴)؛

(۵) افعال ممنوعه سندن متولد ديونى. (د: ۴۱ واخل.)

زوجى طرفندن عقدايديلن يا خود كنديسى ويا زوجى طرفندن لوازمات ايچون الزام اولنان ديون زوجنك اداي ديدنن عجزى تحقق ايتدكچه زوجه ادايه مجبوردر.

۲۰۸ ماده: زوجه، اثنای زوجيته ومؤخرأ زيرده كي ديونى انجق كنديسنك اموال محفوظه سى قيمتى نسبتده ادايه مجبوردر:

(۲) كندى اموال
محفوظه سيله.

(۱) او دائره ده تقيد وتحدد ايدرك عقد ايلش اولدينى ديون؛

(۲) زوجه سنك رضاسى منضم اولقسرين درعهده ايتش اولدينى ديون؛

(۳) اتحاد زوجين امورينك صلاحيتنى تجاوزأ عقد ايلديكي ديون؛ (م: ۱۶۳، ۱۶۶)؛ فقط بواحكام، غير مشروع صورته اكتساب ثروته مستند اولان دعوايه خلل كييرمز. (د: ۶۲ واخل.)

۲۰۹ ماده: برينك كتيرمش اولدينى امواله تعلق ايدوب ديكرينك كتيرديكي اموالك ائمانيله ادا اولمش اولان ديوندن طولاي زوجيندن هر برينك مقابله تقاص ايتدكچه حقى واردر. (م: ۱۷۴، ۱۷۵، ۲۱۰ واخل ايله مق:)

۶: مقابله تقاص
(۱) معجلت.

شوقدر كه قانونده كوستريلن استئنالردن ماعدا بو خصوصده بومقابله تقاص ماده سى شركت اموال عائله نك حين فسخته واقعه اولور.

اما اكر زوجه نك اموال محفوظه سنه تعلق ايتش اولان ديون، اموال زوجيندن ادا اولمش بونلره تعلق ايتش اولان ديون زوجه نك اموال محفوظه سندن حاصل اولان مبالغ ايله تأديه اولمش ايسه بوتأديات اثنای ازدواجده بالمقابله لازم التقاص اولور.

۲۱۰ ماده: زوجه، زوجنك افلاسده كتيرديكي اموالندن موجود اولميانلرك مقابله تقاص اولنمى طلب وزوجه قارشو واقع اولان حزمه لره اشتراك ايدوبيلير (م: ۱۸۲)؛

زوجنك افلاسي
اموالنك حزم
اولمى.

۱: زوجنك
حقوقى.

زوجنك مطالباتى دخى تقاص اولنور. (د: ۲۱۲ واخل ايله مق:)

زوجه مالك صفتيله كتيرديكي اموالندن عينا موجود اولانلرى اعاده اخذايدر.

۲: امتيازى.

۲۱۱ ماده: آلمش اولدينى اموالى ايله كتيرديكي اموالك نصفي، استيفا ايتماش اولان ويا خود مقدار مذكورى تأميناتله تحت كفالته آله مامش بولنان زوجه، ديونك وافلاسك تعقيبى حقنده كي قانونه توفيقاً متباقى نصف مطلوباتى ايچون امتيازى حائزدر. (م: ۵۸ با ۲۱۹) (۲۱۹؛ م: ۱۸۲)؛

۱: ايجاد اموالك
فسخى.

بوامتيازك نقل و فراغ اولنمى و بعض اصحاب مطلوب لهنده فراغت ايدلمى حقنده واقع اولان مقاولات حكمسزدر (د: ۲۰)؛

۲۱۲ ماده: زوجه وفات ايتدكده كتيرمش اولدينى اموالندن موجود اولنلرك مسئوليتى كنديسنه عائد اولمق اوزره زوجه سنده اولان مطلوباتنه بعدالحسوب متباقيسى ورثه سنه ادايه مجبوردر. (م: ۱۹۸، ۲۰۹ واخل. و ۷۵۲، ۷۵۳)؛

(۲) زوجنك وفاقى.

۲۱۳ ماده: زوج وفات ايتدكده زوجه سى كنديسنك كتيرمش اولدينى اموالى اعاده اخذ و موجود اولميانلرك تضمينى طلب ايدوبيلير. (م: ۲۱۲)؛

(۳) كار واجق.

۲۱۴ ماده: كتيرمش اولان اموال اخذ و استيفا اولندقدن صكره كار قالير ايسه ثلثى زوجه يه ويا فروغه و متباقيسى زوجه ويا ورثه سنه عائد اولور. (م: ۲۱۴، ۳ ايله مق:)؛ آچيق قالديقده بو آچيق زوجه طرفندن ايراث اولنديغى زوج طرفى اثبات ايتدكچه كنديسنه ويا ورثه سنه راجع اولور. (م: ۲۴۰، ۲)؛

ازدواج مقاوله سيله كارك تقسيمى ايچون بشقه كونا برصورت اتخاذاولنمى حائزدر. (م: ۱۷۹ - ۱۸۱، ۲۴۰، ۳)؛

اوچنجى فصل

شركت اموال

Communauté des biens

۱: شركت اموال
عمومى.

۲۱۵ ماده: شركت اموال شركت عمومى كرك زوجنك وكرك زوجه نك اموال واصلاتى اترادينك مجموعندن تركب ايدر. (م: ۶۵۲ واخل.)

(۱) اموال عائله.

نه زوج ونه زوجه حصه شايعه لرني آخره نقل و فراغ صورتيه تصرف ايدمز (م: ۲۱۷، ۲)؛

(۲) اداره سى.

زوجيندن هر هانكي سى كه برشيئت اموال مشتركه دن معدود اولمديغى ادا ايدر ايسه اثبات ايتدكچه مجبوردر. (م: ۱۹۳)؛

۱: علی الاطلاق.

۲۱۶ ماده: اموال عمومیه مشترکه بی زوج اداره ایدر. (م: ۲۰۰ و الخ. ایله مق: ۱۸۳ رقم ۲۰۱).

امور اداره مصارفی شرکته عائددر.

زوجہ نك اموال شرکتي اداره به صلاحیتی، امور بیتیه عائله بی رؤیت ایتکه اولان مأموریتی

دائرة سنده محدوددر. (م: ۱۶۳: ۱۶۶).

۲: امور تصرف. ۲۱۷ ماده: زوج و زوجہ امور اداره عادیه دن غیری اموال شرکتي بالاتفاق یا خود

(۱: علی الاطلاق، برینک رضاسیله دیگر ی آخره نقل و تمليك صورتیله تصرف ایده بیلیر. (م: ۱۷۷)

اشخاص ثالثه لهنده بورضا وارد در ظن اولنور، مکرکه بونلر مقتضی اولان رضائک ویرلمه مش اولدیغی بیلیمش و یا بیلیمش اولسی لازم کیش اوله و یا خود تصرف ایدیلن شیئک اموال شرکتنن معدود ایدوکی هر کسجه معلوم و معروف بولنش اوله.

۲۱۸ ماده: انشای زوجیتده زوجیندن بری دیگرینک رضاسی منضم اولمدقه کنديسنه انتقال و اصابت ایدن میرانندن کفید ایده من. (م: ۵۶۶ و الخ. ۰).

بورضا دریغ اولاندقده دیگر طرف وصایت هیئتته مراجعت ایده بیلیر. (م: ۲۰۴).

۲۱۹ ماده: زوج، دیون آتی بی بالذات و همده اموال شرکتنن ادایه مجبوردر:

(۱) زوجینک عقد ازدواجدن اولکی دیوتی؛

(۲) زوجہ نك امور عائله بی تسویه ایچون نیاتی صفتیله عقد ایلدیکی دیونی؛

(۳) انشای زوجیتده کرک کنديسی و کرک زوجه سی طرفندن شرک امواله دائر عقد

اولنان دیون سائرہ بی. (م: ۱۶۳: ۱۶۶).

مابعدی وار

سلانیک استیناف محکمه سی اعضای سابقه سندن

نظرت ظاهر یانه

(۳) میرانندن فرائضت.

۳: دیون.

(۱) زوجک مسئولیتی.

اشغالان

مدعی حیدر ملا بک راده محمد امین بک امین اوکی صالح محکمه سنده مر جعتله مدعی علیه خداوندکار جاده سنده علمدار اوتلی التنده کی مطبعه سنده معیم قره کین بغدادلیان افندی علیهنه درتیک بشیوز اوتوز اتی غروشک تحصیلی حقنده اقامه ایلدیکی دعوی اوزربنه اولبابده تنظیم و لاجل التبلیغ ارسال قلنان دعوتیه ورقه سی قره کین افندی پولندینی جهتله مطبعه مستخدمیندن قالوست افندی طرفندن امضا ایدلمش اولدینندن غیاباً جریان ایدن محاکمه غندالاعتراض ردفع قازنی درمیان اولنورسه استماعنه تعلیقاً مدعا بیدن درت بیک اکیوز طقسان سکر غروشک تحصیلی و مدعی مومی الیهک زیاده ادعاسنک ردینه دائر ۲۶ نیسان سنه ۱۳۳۰ تاریخنده قرار ویریلهرک اولبابده تنظیم اولنان فقره حکمی غیابییه نك برقطعه صورت مصدقه سی مر می الیه قره کین افندی نك مقدما ارائه اولنان اقامنکاهی غندالاجرا تخلیه ایلدیکی وزه یه کیتدیکنی و اقامنکاه جدیدی غیر معلوم بولندینی جهتله اصول محاکمه حقوقیه قانوننک بوز قرق طقوزنجی ماده سی موجبجه علم و خبر اخذیله محله مذکورده امانه تسلیم و دیگر بر صورتی دخی محکمه دیوانخانه سنده تعلیق و کیفیتک غرضه لرله اعلا سنه ابتدار قلندی

۱۰ مارس ۱۳۳۰

۱۰ مارس ۱۳۳۰

۱۰ مارس ۱۳۳۰

۱۰ مارس ۱۳۳۰

۱۰ مارس ۱۳۳۰

۱۰ مارس ۱۳۳۰

(۱)

(۲)

(۳)

(۱)

(۲)

(۳)

تاریخات عدلیه

تاریخات نظامات

(۱) مکتب عسکره قانون موقر

(۲) تجدد یول و طرق و معاریک غیری امالات

کافه صرفاتی حقنده

زوجه نك اموال شركتي اداريلىق خىزمەتچىسى بولۇپ، يېقىنە خانىمى رۇيت ايتمە اولان مامورىنى

تاريخ

دائرة سنده محدود در . (م : ۱۶۳ : ۱۶۶ م)

(Y) ٧٧٧٠

۵. جزیران — ۳۳۰

قسم رسی

نویسنده: دکتر سید علی حسینی

»
»
(٢) مختلف عسكریة فاعول
ریاستہ نوریہ ولایتی ساکریہ

نافعہ صر فاتی حقندہ

صحیفه
نومبر و سی

- (۱) اختلاف سلبی حقننده ۲۷ نپسان ۳۳۰ ۵۹۲۸
- (۲) اصول محاکمات شرعیہ دایر ۱۵ مایس ۳۳۰ ۵۹۳۰
- (۳) ملکیت مفتشلی طرفندن طلب اولنه حق
معلوماتک سرعت ممکنه ایله اعطاسنه دایر ۱۵ » » ۵۹۳۲
- (۴) محل آخر حبس خانہ لرینه نقلی لزومی اشعار
قلنان محکومین حقننده ۱۸ » » ۵۹۳۳
- (۵) تنفا رسمندن معافیت ۱۸ » » ۵۹۳۳
- (۶) مأورین عدلیه حقننده کی تحقیقاتک وقت
وزمانیه اجرایی خصوصنه دایر ۲۴ » » ۵۹۳۴
- (۷) جرائم مشهوره وقوعنده صاحب وقوف
صلاحیت اولمیان جراح واجزاجلرک
اعزام ایلامسی حقننده ۲۴ » » ۵۹۳۴
- (۸) احضاراً جلب ایدیلن شہودہ مقدمات حکم
ایدیش اولان جزای تقدیر حقننده ۲۹ » » ۵۹۳۵
- (۹) دایر رسمیه یه عائد مصارف محاکمه
مقبوض لرینه پول الصاق ایلامسنه دایر ۳۱ » » ۵۹۳۵

تبلیغات عمومی

» »
» »
» »
» »
» »
» »
» »
» »
» »

محکمہ تمیز جزا دایرہ سی مقرراتی

- (۱) رشوت ۲۴ مایس ۳۳۰ ۵۹۳۶
- (۲) قیر قاجیر مق ۲۴ » » ۵۹۳۷

قسم غیر رسمی

مقالات

اسیر مجرمہ قانوننامہ مدنی

{ مترجمی سلائیک مکتب حقوقی معلمین سابقہ سندن
و وکلای دعاویدن نظارت خاجریان افندی ۵۹۲۹

بایک تالیف

- (۱)
(۲)
(۳)

۵۱ ۱۰۶۵ ۶۶
۵۱ ۲ ۶۶
۵۱ ۲ ۶۶

تالیفات و تالیفات

- (۱) راجعہ الیہ فی التعلیم و التعلیم
(۲) راجعہ الیہ فی التعلیم و التعلیم
(۳) راجعہ الیہ فی التعلیم و التعلیم

۱۶ ۳۰۶۵ ۶۶
۲۲ ۲۱۶۵ ۶۶
۵۲۶۵ ۶۶